

3

P. RAMI, REGII  
ELOQVENTIÆ ET

PHILOSOPHIÆ PRO-  
fessoris, liber de Cæsa-  
ris militia,

AD

CAROLVM LOTHARINGVM  
Cardinalem.



PARISIIS,

Apud Andream Wechelum, sub Pegaso, in  
vico Bellouaco: Anno Salutis,

1559.

Cum Priuilegio Regis.

## PRIVILEGII SENTENTIA.

**C**Autum est auctoritate regia, nequis alius præter Andream Wechelumiuratū in alma Parisiensi Academia Librariū, hunc P. Rami librū de C. Jul. Cæsaris militia, ante decennium ab æditione proximum, in hoc Francorum regno imprimat, néue alibi impressum vëdat. Ac si Regij diplomatis sentētia operis initio præfigatur, finie postponatur, ut omnibus clarum, notum, indictum habeatur. Secūs qui faxit, & libris ipsis, & mille librarū Paris. multā pœnas pendito. Datum Rhemus, Regio consensu subsignatum, Do. Villamoro supplicum libellorum magistro præfente. 3. Id. Iun. 1557.

Coignet.



P. RAMI, REGII  
ELOQVENTIÆ ET

PHILOSOPHIÆ PRO-

*fessoris, liber*

DE

C. Iulij Cæsaris militia,

AD

*Carolus Lotharingum Cardinalem.*



ISI AD TE

(MECOENAS)

libellum de ve-  
terum Gallorum  
moribus, tibi que

hunc alterum de militia Cæsa-

ã ij

## EPISTOLA.

ris promiseram, Quid Cardinali ( inquires ) cum istac arte? Ecquid ( inquam ) literarũ professori cum clypeo & ense? Attamen quamuis & tua dignitas otij patrona & professio nostra pacis alumna sit, quid alienum tandem vel ineptum censeas quæ libris quatuordecim à maximo imperatore gesta bella perleguntur, eadem vno libello generatim digesta perlegi? Nec enim confictam pro ingenio arbitrioue aliquam militiæ disciplinam profiteor: sed militiam Cæsaris ex ipsius rebus gestis excerptam definitè & partitè commemoro, idque  
vnum





## EPISTOLA.

vnum diligenter & accuratè  
contendo, vt quod de re mili-  
tari iam olim literis mandatum  
& præceptis descriptum sit, id  
Cæsaris virtutibus vel æqua-  
tum, vel etiam superatum esse  
doceam. Tametsi enim non  
solùm veterum Græcorum &  
Latinorum, sed etiam recentium  
& Italorum & Francorum  
præclaris ingenijs quæstionem  
hanc agitatam & illustratam  
esse non ignoro: attamen ideæ  
huius Cæsarianæ exemplar ad-  
huc nemo (cuius quidem scri-  
pta legerim) sibi ad imitandum  
proposuit, ne tu munus no-  
strum tanquam tralatitium

## EPISTOLA.

despicias: Quod si tristior in me  
duriórque esse voles, quia pa-  
cem mundo bellorum cladibus  
prope confecto conciliaſti, fra-  
tres tuos appellabo, atq; impri-  
mis illum πολὺ πορθεὶν Ἀχμῆα, quem  
Caletium Britannis, Theonuil-  
la Belgis Quintinianæ cladis  
vltorem vna hyeme fecerunt.  
Hic vir, si nos aspernabere, ne-  
quaquam fastidiet: vtrúmque  
enim magni principis propri-  
um est & bello pacẽ quærere,  
& in pace belli artes nõ cõtem-  
nere. Quare aut accipe quod  
offertur, aut ad illum nos ire si-  
nito. Vale. Lutetiæ è Prælleo  
nostro Non. April. 1559.







P. RAMI, REGII  
ELOQVENTIÆ

ET PHILOSOPHIÆ

*professoris, liber*

DE

C. Iulij Cæsaris militia,

AD

*Carolus Lotharingum Cardinalem.*



DISCIPLINA rei militaris, est disciplina belli rectè administrandi, qua præ cæteris gentibus Romani florere, sed maximè Romanorum omnium Cæsar vnus: Cæsaris igitur militiam è bellis eius præcipuè requiramus: Ea est in apparatu, castris & congressu: Apparatus belli, est in delectu & com metu: Delectus Roma-

nis erat legionis, unde & ipsa nomen habet. Legio primis vrbis Romæ temporibus trium millium fuit (ait Varro) ac singulis tribus Tatiensium, Ramnium, Lucerum millia singula mittebant: postea (vt ait Liuius libro septimo) quaternum milliū & ducenorum peditum fuit, deinde quinis millibus peditum, trecentis equitibus constitit, ait idem libro octauo, & Polybius qui fuit Africani comes, non amplius quinque millibus attribuit. Atque ad hunc numerum Cæsar tertio belli ciuilis peruenit. Cohortes (ait de Pompeio) centum & decem expleuerat, hæc erant millia quinquaginta quinque: sic, inquam, eo loco Cæsar loquitur. Atqui sume pro centum & decem cohortibus legiones undecim hisque ex æquo diuide quinquaginta quinque millia, singulis legionibus quinque millia obuenerit, qui legionis numerus in Cæsaris militia fuit. Ergo legio numerum illum habuit, sed ciuium: nam alterum tantum ex sociorum delectu adiciebatur, vt illo octauo libro Liuius ait: *Quin* auxiliorum numerum Polybius ampliorē facit: Postea, vt Vegetius author est, legio sex millia peditum habuit & centum, equites septingentos viginti sex, & auxiliis sociorum instructa, duodecim millia compleuit, decem peditum, duo equitum: Maior etiam legionis numerus deinde fuit: Partes legionis cohortes appellatur, & numero decem fuere: Sic septimo libro belli gallici Labienus quinque

quinq; cohortes castris præsidio relinquit, quinque eiusdem legionis reliquas aliò proficisci imperat. Sed in hoc toto legionis numero alij præsunt, alij parent: maior in principū delectu providentia adhibenda est: atque in huius generis quæstione, cui populus Romanus disceptator ac iudex propositus erat, quatuor ab oratore postulata commemini, sciētiam rei militaris, virtutē, authoritatem, felicitatem: quæ tamen quatuor in vnum conueniūt: Scientia enim rei militaris ipsa quidē per se à ceteris sciētiis distincta rationes habet: attamen cōmunibus prudentiæ fundamentis innixa ingenuarūque artium disciplinis instructa & ornata sit necesse est: Virtus eidem oratori est labor in negotiis, industria in agendo, celeritas in conficiendo, constans & fortis animus in periculis, nullis voluptatum illecebris irretitus. Atqui ea virtus, sciētiæ militaris vsum exercet habitūque exprimit, & eam sciētiā vsu virtutis habitūque informatam authoritas & felicitas velut umbra corpus affectātur: authoritas enim oritur è fide famæque multorum in confectis bellis & egregiorum facinorum, vt propterea facilius obtemperetur difficiliusque resistatur. Felicitas autem è scientia, virtute, authoritate nascitur: Nam qui & consilio providere & virtute atque authoritate exequi poterit, huic facile rerum euentus secundi ac felices erūt: rectè nāmque à Socrate differitur, au-

## P. RAMI LIBER

rigas sapientes & nautas insipientibus fortunatiores esse: Neque nomine fortunæ temeritatē casus ullam intelligamus: hanc enim fortunā, ut postea dicitur, Cæsar nullam in rebus secundis sibi adfuisse, imò nonnunquam in rebus aduersis obfuisse profitetur: Quamobrem scientia rei militaris in eligendo duce, sed virtute perfectā, autoritate & felicitate comitatā requiramus, magnōque studio tales principes expetamus, idque perpetuū propositū habeamus, ut usu periti rudibus erudiendis præficiātur: Nemo enim bene potest imperare, qui non antè paruerit, nec alios docere, quod à nemine didicerit: Hæc igitur in principibus deligendis cōsideranda sunt. Militares principes sunt Imperator, ac post eum præcipuè Tribunus & Centurio: hos enim rei militaris magistros assiduè Cæsar exprimit. Dux ipse, Prætor, Consul aut eiusmodi potestate à populo Romano deligebatur, ut Gallico bello proconsulari imperio delectus est Cæsar. Vbi duces belli sunt electi, Tribuni militum deliguntur viginti quatuor: primò quatuordecim ex iis qui annua stipendia quinque fecerint, decem ex iis qui decem, equites quidē quatuor, pedites sex. Ac quoniā quatuor legionibus Romana res gerebatur, quadrifariam in singulas legiones diuidūtur attribuūtūque è iunioribus quatuor primum lecti primæ legioni, tres proximi secundæ, quatuor sequentes tertiæ, tres postremi quartæ:

At



At è decē maioribus, natu duo primi primæ legionis, tres secundi secundæ, duo proximi tertiæ, tres vltimi quartæ. Ea Tribunorum distributio erat, tum militum delectus è singulis tribubus in singulas legiones pariter fiebat: E tribu enim quæ prima, sorte educta sit, quatuor adolescentes pares ætate & corporis habitu leguntur, primus est primæ legionis, secundus secundæ, tertius tertiæ, quartus quartæ: Secundò è quatuor iterum similiter electis, primus est secundæ legionis, secundus tertiæ, tertius quartæ, & sic deinceps in orbem dum similes milites in singulas legiones è quâque tribu legâtur: tum militiæ sacramentum exigitur denique sociis ciuitatibus imperatur à duce belli numerus, militū delectu consimili. Hęc è Polybio. Tribuni verò militum tempore Cæsaris non solùm erāt comitiati & à populo delecti, sed rufuli in exercitu facti, vt ait Asconius: Itaq, cū Cæsar amicos quosdā potiùs quā idoneos Tribunos, vt est primo libro, delegisset, ab iis, quia non magnū in re militari vsum haberēt, totius exercitus perturbatio magna orta est, eóq; Cæsar errorē sui delectus confitetur. Centurionum totis cōmentariis longè frequentissima est mentio, præsertim in periculis præliorum, quorum princeps principibus seu primipili Cæturio fuit, qualis est apud Cæsarem secundo, tertio, sexto libris P. Sextius Baculus egregia animi magnitudine & multis vulneribus insignis.

Centuriones, castrorum etiam metatores videtur Cæsari fuisse: Sic Nervico bello Cæsar exploratores Centurionesque præmittit qui locum castris idoneum deligant. Quapropter hi militaris honoris magistratus erant, ad quos gradatim viri fortes & militaris discipline periti promouerentur. De hac promotione locus est ille sexto libro cum ad Eburonum Varutam novitiæ legionis cohortes quinque à Germanis circunveniuntur. Centurionum nonnulli (ait Cæsar) ex inferioribus ordinibus reliquarum legionum virtutis causâ in superiores erant ordines huius legionis traducti: Sic tertio belli civilis Cæsar Seuiam Centurionem (qui scuto ducentas triginta sagittas, ut ex foraminibus apparebat exceperat ab octavis ordinibus ad primum pilum se traducere pronunciauit. Atque Varutem illo tumultu (ut ait ibidem Cæsar) modo conscripti atque usus rei militaris imperiti, ad Tribunos militum Centurionesque ora conuertunt, quid ab his præcipiatur expectant. Hic igitur Cæsar Tribunos Centurionesque, tyronum tanquam discipulorum magistros efficit: sic Auaricensi obsidione milites studia sua per Centuriones Tribunosque Cæsari denunciant. Quare magistrorum istorum delectus diligenter habendus est, per quos disciplina rei militaris ediscatur, contrariæque ignavia corrigatur. Atque hic magistratum & principum delectus esto: In privatorum militum delectu tria ferè considerantur, ut deligatur

deligatur ciuis, robustus, in re militari eruditus: sed ciuis primùm: id enim Romanę militiæ sanctum & sacrum fuit romanis ciuibus, non tantùm principibus, sed priuatis etiã militibus Romanam ciuitatem tueri: maiore enim charitate pro aris & focis, pro cõiugibus & liberis, pro patria deniq; dimicatur, quàm pro quauis mercede atq; pecunia. Ac disciplinæ desertæ seueritas totaq; disciplinæ authoritas quæ in principibus expetitur, in ciues multò prõptior quàm in externos aliis moribus aliisque legibus educatos erit. Atq; id (ait Liuius lib. tricesimo quarto) ad memoriã insigne est, quod mercenarium militẽ in castris neminem ante quartũ secundi bõlli Punicì annũ Romani habuerunt. Hi Celtiberi fuere qui acceperẽ à Pœnis maiorẽ mercedẽ vt abscederent, quàm quantum acceperãt à Romanis vt pugnarent, eaque proditione Publ. & Cn. Scipiones eorũque exercitus Pœnis vincendos præbuere: Itaque (ait Liuius) id quidem cauendum semper romanis ducibus erit, exemplaque hæc verè pro documentis habenda, ne ita externis credant auxiliis, vt non plus sui roboris suarũque propriè virium in castris habeant. Sic Cæsar è Gallis legiones electas habuit: sed Togatis Romanisque municipibus & colonis: E Gallis etiam his citerioribus Alaudam illam, quam gallico nomine appellabat, instituit: sed cui ciuitatem romanam promiserat ac postea

præstitit: unde etiam quæritur in Philippicis, Cicero decuriam Iudicium ab Antonio factam. Auxiliares verò milites deligendi fideles & ciuibus amore proximi, quales Cæsar è citerioribus Gallis Bracchatos, è Comatis Heduos, sed præcipuè Lingones & Rhemos: quales etiam è Germaniæ ciuitatibus quas pacauerat, equites & pedites Germanos habuit. Deligatur (inquam) miles ciuis, aut certè animo ciuis, deinde robustus: Cæsar enim militem (ait Suetonius) neque à moribus, neque à fortuna, sed tantum à viribus probabat: Itaque miles ex iis legendus est, qui quotidiano opere laborem ferre didicerit, vt sunt fabri ferrarij, tignarij, lanij, venatores: Ac si plures sunt eiusdem ciuitatis pagi, in robustissimis delectus est habendus: rectè nanque Horatius,

*Fortes creantur fortibus & bonis,*

*Est in iuuenis, est in equis patrum*

*Virtus, nec imbellem feroces*

*progenerant aquilæ columbam.*

Veteres etiam staturam in delectu militiæ exigebant, vt Marius ferè senos pedes. At homericum illud est notum, Tydæum paruum quidem, sed bellatorem fuisse, nec Cæsar militem à proceritate, sed à viribus probabat. Verum ad roboris æstimationem ætatis consideratio multò iustior est: nec enim omnis ætas ad militiæ labores perferendum idonea est: Iuuenumque

ætas

ætas credita melior ad militares exercitationes ediscendum: Atque ita primùm (vt Sallustius ait) iuuentus, simul ac belli patiens erat, in castris per laborem, vñ militiam discebat. Annus militaris ætatis decimusseptimus fuit, quodimissâ prætextâ togâ, virilis assumebatur: Itaque Romanis (ait pro Cælio Tullius) olim annus erat vnus ad cohibendum brachium togâ constitutus, vt exercitatione ludôque campestri tunicati vterentur: Eadem erat, si statim mereri stipendia cœpissent, castrensis ratio ac militaris: Florentibus igitur illis annis militia discebatur, veteranûsque, tyronum magister erat. Sic apud poëtam rex Latinus Pallantem filium Æneæ velut armorû doctore, erudiendum tradit,

*Hunc tibi præterea, spes & solatia nostri,  
Pallanta adiungam, sub te tolerare magistro  
Militiam & graue Martis opus, tua cernere facta  
Assuescat, primis & te miretur ab annis.*

Vacatio autem ætatis in re militari legibus Romanis etiam definiebatur, & illud est nimirum Ciceronis pro Amerino, cùm allegoriâ militari rabulas quosdam forenses arguit, Non necesse est (ait) omnes commemorare Curtios, Marios, denique Mamercos, quos iam ætas à præliis auocabat: postremò Priamum ipsum senem Antistium, quem non modò ætas, sed leges pugnare prohibebant. Hunc vacationis annum Varro secundo de vita patrû quinquagesimum

definiuit : & sic apud Liuiũ libro quadragesimo à Senatu imperatũ est Petitio , vt omnes minores quinquaginta annis sacramento rogaret. Aliquando etiam pro Reipu. temporibus, & pretextati assumebantur & vacationibus sublatis, veterani reuocabantur. Ergo ad istum cæsariani roboris delectum , ætatis delectus habendus est: Verũ miles non tantũ ciuis & robustus, sed armis eruditus, est expetendus : id enim militiæ opus est. Enimuerò , vt liberalium artium, sic militarium studiorum schola in primis instituenda est: Atque, vt philosophus animi, sic gymnastes corporis formandi gratia est habendus, vnde postea miles optetur & eligatur: nunquam enim Respub. certos artifices & idoneos actores præstantium operum habitura est, nisi artium magistros, nisi discipulos habuerit : hinc omnium imperiorum fundamenta deducta sunt : quique rei militaris scientiã plũs valuerunt, minũs valẽtibus imperarunt: Ac si quis Theologorum, Medicorum, Jurisconsultorum, Philosophorũ exercitus eligendus esset , è scholis nempe earũ professionum legendus esse videretur. Ergo Romæ campus Martius, schola hæc fuit, vbi Romana iuuentus ad palum omni genere armorum , & quidem veris duplo grauiorum exerceretur caput petendo, lateribus insidiando , poplites succidendo, insiliendo, resiliendo, punctim potiũs quàm cæsim feriendo, & interim tamen assiduè sese

sese protegendo, item iaculando : Pars enim ty-  
 ronum tertia vel quarta pilis, lapidibus, sagittis,  
 manu, fundâ, arcu iaculandis exercebatur : Tum  
 verò saltu, fossæ latitudinem aut valli altitudi-  
 nem superare : præcipuè autem cursu locum oc-  
 cupare, fugientē assequi consuebat : Sic Pom-  
 peius, vt à Sallustio traditum est, cum alacribus  
 saltu, cum velocibus cursu, cum validis recte  
 certabat. Nec verò futuris equitibus exercitatio  
 sua deerat, equi lignei erant in campo, vt insili-  
 re, desilire, dextrâ, læuâ, inermis, armatus, distri-  
 cto etiam gladio futurus eques addisceret, ve-  
 ros etiam equos domaret, & futuris præliis, as-  
 suefaceret : Sic Cæsari (ait Plutarchus) equitandi  
 vsus à puero facilis fuit : consueuerat enim re-  
 flexis & post tergū implicatis manibus equum  
 celeriter agitare : Quinetiam equo (vt Suetonius  
 ait) utebatur insigni, pedibûsque propè huma-  
 nis, & in modum digitorū, vngulis fissis, quem  
 natum apud se, cū Aruspices imperium orbis  
 terræ significare dominò pronūtiassent, magnâ  
 curâ aluit, nec patientem sessoris alterius, pri-  
 mus ascendit : cuius etiam instar, pro æde Ve-  
 neris genitricis postea dedicauit. Itaque pueris  
 exercitatio quoque illa equestris proposita fuit,  
 & septimo libro Cæsar, cū Germanos equites  
 accersuisset, quod minùs idoneis equis uteban-  
 tur, à Tribunis militum reliquisque equitibus  
 Romanis atque euocatis equos sumit : Germa-

nisque distribuit: Ergo bonorum quoque equorum delectus idcoque exercitatio sua est. Delegit Cæsar equites Germanos, equos non delegit. denique Tyberis Martio cæpo vicinus aderat, qui natando traductus, collectum exercitatione pulverem & sudorem ablueret, natationisque solertiâ, cum necesse esset, aquam solum militibus tanquam piscibus efficeret, qua exercitatione quantum Cæsar profecerit, Hircius testis est Alexandrino bello, cum se ex nauigio eiecit, & ad eas quæ longiùs constiterant naues adnatauit: Quod idem Suetonius magnificentius repetiuit, Alexandria (ait) circa oppugnationem pontis eruptione hostium subitâ compulsus in scapham pluribus eodem præcipitantibus cum desilisset in mare, nando per ducentos passus euasit ad proximam nauem, elatâ læuâ ne libelli quos tenebat madefierent, paludamentum mordicùs trahens, ne spolio potiretur hostis. Ac si quando (vt idem author ait) flumina iter morarentur, nando, vel innixus inflatis vtribus traiciebat. Sic (vt est primo belli ciuilis) procliue fuit Hispanis tranare flumē, quod consuetudo eorum omniū esset, vt sine vtribus ad exercitum non irent. Tales igitur militaris disciplinæ meditationes Romana iuuentus habuit: & omnes vrbes ac vici festorum (saltem dierum temporibus habere possunt. Tales etiâ ante regiam Latini regis fingit poëta quondâ fuisse,



*Ante urbem pueri & primæuo flore iuuentus  
Exercentur equus, domitântque in puluere currus,  
Aut acres tendunt arcus, aut lenta lacertis  
Spicula contorquent, cursûque istûque laceffunt.*

Atque hic delectus, legionis totius communis est: Partes verò legionis, delectû per genera militum & armorum quendam habent, ex cohortes, vt patuit, appellatur: Prima (vt Vegetius ait) habet pedites mille centum quinq;, equites loricos centum triginta duos: reliquæ habêt singulæ pedites quingêtos quinquaginta quinque, equites loricos sexaginta sex: Grauis armatura (quam *πανοπλίαν* Græci dicût) gladij maioris atq; minoris, pili, scuti, galeæ, lorice, manicarum, ocrearum pediti tribuebatur. Pilum (vt Polybius describit) fuit lōgitudine ferè bicubitali, crassitudine digitali, spiculo palmi, sed sensim sic attenuato atque acuto, vt statim primo iactu infixum inflecteretur, nec euelli posset: Sic Heluetij compluribus scutis vno ictu pilorum transfixis, nudi pugnare coacti sunt, sicut Heluetico bello postea dicetur: Itaque telum hoc proprium fuit Romanis, nec ab hoste, si semel hæsisset, retorqueri poterat. Idem author scuti longitudinem quatuor pedibus maiorē facit, superficiem curuam, latitudine ferè tripedali, vt facilè totus miles scuto protegeretur: Itaque milites Cæsaris Alexandrino bello è ponte deiecti, scutis tanquam lyntribus alleuati ad proxima nauigia

rus, similique Tenēthororum & Vſiperum vi, in fugam conuerſus: Nec vlla Cæſari equeſtris victoria cōrigit, niſi tandem per Germanos equites. Quin Helueticō bello Cæſar primū ſuo, deinde omnium ē conſpectu remotis equis, vt æquato omnium periculo, ſipem fugę tolleret, cohortatus ſuos, prælium commiſit: vnde perſpicimus peditatum ad victoriam equitatu potiorem Romanis viſum eſſe: Id, inquam, Romanorum de armis iudicium, is delectus armatorum fuit, vt peditem cataphractum equiti cataphracto longè præponerent: ideoque in legione plures ſextuplo pedites, quàm equites haberent.

Bellici apparatus partem in comœatu poſuimus, in quo præcipuè ſtipendium comprehenditur, quod tum maximè proponendum videatur, vt ſpe & præmio miles ille deſunctus, alacrior ad militiam proficiſcatur: Stipendium igitur, vt Polybius ait libro ſexto, & nummo & annonâ conſtabat: veſtis etiam addita eſt: Gracchus enim, vt Plutarchus author eſt, legem ſuaſit de veſte militibus danda ſine vlla ſtipendij diminutione. Pedes (ait Polybi⁹) quotidie duos obolos capiebat, id eſt quatuordecim denarios turonicos: tritici dimenſum in menſem duas partes attici medimni, id eſt bucellos pariſieſes tres: eques obolos quatuor quotidie, in menſem medimnos ordeï ſeptem, tritici duos: ordinum ducibus, pro loco ſtipendium maius. Frumen-

tum verò militibus stipendio fuisse, Cæsar imprimis author est : sic primo libro ait, Cùm dies instaret quo frumentum militibus metiri oporteret, Heduos frumentum quod erant polliciti quotidie flagitabat. Et iterũ eodem libro, Quod omnino biduũ superaret, cùm exercitui frumentum metiri oporteret, & quod à Bibracte oppido Heduorum longè maximo ac copiosissimo non ampliùs millibus passuum octodecim aberat, rei frumentariæ prospiciendum existimavit, & iter ab Heluetiis auertit ac Bibracte ire contendit. Rei verò frumentariæ quanta cura duci esse debeat, Cæsaris exempla declarant. Heluetico bello frumentum Arare subuexerat, sed eo minùs vti poterat, quòd iter ab Arare Heluetij antè auerterant, à quibus discedere nolebat. Itaque difficultate magna propterea affectus est. Germanico bello & deinceps Belgico factus cautiore, rem frumentariam diligentius comparauit. Obsidione Alexiæ, ne cum periculo milites ex castris egredi cogerentur, dierum triginta pabulum frumentumque habere omnes conuectum iussit. Britannico bello tempestate afflictis nauibus cùm frumentum in hyemem prouisum non esset, in maiorem etiam difficultatem est adductus. Sed Cæsar in his periculis *répée* horribili vigilantia (vt Tullius loquitur) celeritate, diligentia fuit : ac modò in agris frumenta matura essent, id propemodum perinde impera-

peratori fuit, ac si in castrensis horreis essent: Miles enim Cæsaris non tantum bellator, sed etiam frumentator erat. Itaque, ut est quinto libro, ad illius britannici discriminis subleuationem frumentum ex agris Cæsar quotidie conferebat: è duabus legionibus, quas solas habebat, alteram vicissim frumentatum mittebat. Itaque Britanni, quod ex omnibus partibus demesso frumento, una pars erat reliqua, suspicati legionarios Cæsaris huc esse venturos, noctu in sylvis delituerunt, tum dispersos depositis armis in mendo occupatos subito adorti, paucis interfectis, reliquos incertis ordinibus perturbarunt, simul equitatu atque essedis circumdederunt. Hic locus plane demonstrat legionarios Cæsaris, frumentum manibus metere, falcisque cum opus esset, non minus scienter, quam enses tractare solitos. Sic septimo libro cum à Gergouia profectus esset, frumentumque ipsius, Hedui aut nauibus auexissent, aut flumine atque incendio corrupissent, traducto celeritate summa Ligeri frumentum in agris & pecoris copiam nactus est, eaque protinus exercitum repleuit: Nec unquam omnino Cæsar ista difficultate superatus est: Nam si quando necessitas rei frumentariæ maior incidisset, famem tamen facilius quam ignominiam ferre, Cæsarianæ militiæ fuit: Cum Galli Gergobinam Boiorum Romanis amicorum obsiderent, Cæsar intelligebat, si maturius

## P. RAMI LIBER

ex hybernis legiones educeret, metuendum sibi esse, ne ab re frumentaria duris subuectionibus laboraret: Præstare tamen statuit omnes difficultates, quàm tantam contumeliam perpeti: Atque in obsidione Auarici cùm Galli quoquo versùs quò ab Romanis adiri posset, vicos atque vrbes incendiissent, Romanúsque miles ideò dies aliquot frumento caruisset, & pecore extremam famem sustentaret: Nulla tamen vox ab eo audita, populi Romani maiestate & superioribus victoriis indigna. Quin etiam Cæsar cùm in opere singulas legiones appellaret, & si acerbius inopiam ferrêt, se dimissurum oppugnationem diceret, vniuersi ab eo ne id faceret, petebāt: Sic se complures annos illo imperante meruisse, vt nullam ignominiam acciperent, nusquam infecta re discederent: hoc se ignominia luros loco, si inceptam oppugnationē reliquissent. Hæc eadem Centurionibus Tribunisque militum mandabant, vt per eos ad Cæsarem deferrentur. Repetitur eadem militum patientia tertio belli civilis: Cùm Cæsar consumptis omnibus longè latèque frumentis, summis in angustiiis esset, hæc (ait ipse) singulari patientiâ milites ferebāt: Recordabantur enim eadem se superiore anno in Hispania perpeffos labore & patiētiâ maximum bellum confecisse. Meminerāt ad Alexiam magnam se inopiam perpeffos: multò etiam maiorem ad Auaricum, maximarum se gentium vi-  
ctores

ctores discessisse : Non illis ordeum cū dare-  
tur, non legumina recusabant: Pannicum verò,  
cuius rei summa erat ex Epeiro copia, magno in  
honore habebant. Est etiam genus radicis in-  
uentum ab iis qui fuerant cum Valerio, quod  
appellatur Chara, quod admixtū lacti multum  
inopiam leuabat: Id similitudinem panis efficie-  
bat. Ei<sup>9</sup> erat magna copia, ex hoc effectos panes,  
cū in colloquiis, Pompeiani famem Cæsaria-  
nis obiectarent, vulgò in eos racebant, vt spem  
eorum minuerent, iāmque frumenta maturesce-  
re incipiebant, atque ipsa spes, inopiam susten-  
tabat, quod celeriter se habituros copiam con-  
fidebant: crebræque voces militum in vigiliis  
colloquiisque audiebātur, prius se cortice ex ar-  
boribus victuros, quàm Pompeium è manibus  
dimissuros. Talis militum constantia in fame  
toleranda fuit Africano bello, summæque anno-  
næ difficultate coacti veterani, milites equites-  
que qui multa, terrâ marique bella confecissent,  
& periculis inopiâque tali sæpe essent conflicta-  
ti, alga è licitore collecta, & aqua dulci elota iu-  
mentis esurientibus data, vitam eorum produ-  
cebant. Ergo Cæsar milites habuit, qui stipendij  
solutionem non solum temporis, sed famis pa-  
tientiam differrent quod imprimis propositum iis  
esse debeat, qui se milites Cæsare imperatore di-  
gnos haberi velint: Sed milites Imperatorem et-  
iam habuere, qui temporis & famis vsuram per-

amplo fœnore compensaret, Legionibus (ait  
 Suetonius) stipēdium in perpetuum duplicauit,  
 frumentum quoties copia esset, etiam sine mo-  
 do mensurâque præbuit. Eburonum, Neruiorū,  
 Genabensium, Auaricensium aliorūque  
 innumerabiliū prædam publicè militibus do-  
 nauit præter eam prædam quam quisque tot vi-  
 ctoris habere potuit. Alexiâ expugnatâ, è capti-  
 uis toti exercitui capita singula prædæ nomine  
 distribuit: octauo belli gallici anno, quòd hye-  
 me summâ maximis itinerib⁹ Bituriges oppres-  
 sissent, militibus pro tanto labore ac patientia,  
 qui brumalibus diebus, itineribus difficillimis  
 frigoribus intolerandis, studiosissimè perman-  
 serant in labore, ducenos sestertios, Centurio-  
 nibus duo millia nummūm prædæ nomine con-  
 donanda pollicetur. Denique tam cultos (ait  
 Suetonius) habuit, vt argento atque auro poli-  
 tis armis ornaret, nec solum vt Alexander ar-  
 gyra spides, sed chrysa spides efficeret. Quinetiâ  
 ex eadē largitione à militibus, sed astutia Cæsa-  
 ris ingenio dignissima aliquando mutuatus est:  
 à Tribunis enim militum Centurionib⁹que, vt  
 est primo belli Ciuilis, mutuas pecunias sumpsit:  
 has exercitui distribuit, quo factò duas res cōse-  
 cutus est quod pignore, animos Centurionū de-  
 uinxit, & largitione militum voluntates rede-  
 mit: Sunt verò illa maiora quæ Suetonius ibi-  
 dem numerat. Singula interdum prædia viritim  
 dedit

dedit veteranis legionibus, prædē nomine in perditos singulos super bina sestertia, quæ initio civilis tumultus meruerant, in equites vicena quaterna millia nummūm dedit, assignauit & agros: Hæc verò stipendiorum genera magna quidem fuere, sed longè maiora laudis illa atque honoris stipendia sunt habenda, quæ Romanis legibus unicuique rectè fortiterque facto proponebantur. In concione laudari ab Imperatore, corona, torque, armilla, aut alio quopiam insigni munere donari. Sic Scæuam Centurionem Cæsar millibus ducētis æris & cohortem ipsius duplici stipendio miliaribúsque signis amplissimè donauit: Sic in Asiæ ciuitatibus cōfecto bello Alexandrino præmia bene meritis & viritim & publicè tribuit. Eiusmodi munera nempe & illa sunt initio belli Hispaniensis, quibus dandis, in Italia distinctur. Sic postridie Africani ad Thapsum prælij, & diuinâ factâ concionēque aduocatâ, milites collaudauit totūque exercitum veteranum donauit præmiis, ac fortissimo cuique benèque merenti, pro suggestu tribuit. Sic eodem bello ob virtutem turmæ Cassianæ donauit millia tredecim, & præfectis torques aureos duos & leui armaturæ millia decem. Arque his præmiis Cæsar tam mirificè tamque honorificè bene meritos prosecutus est, vt cum reprehenderetur, quòd infimi generis homines ad amplissimos honores proucheret ( ait Sucto-



## P. RAMI LIBER

nus) professus sit palam, si grassatorum & sicariorum ope in tuenda sua dignitate usus esset, talibus quoque se parem gratiam relaturū. Eiusmodi præmiis atque honoribus populus Romanus, qui tum summā imperij tenebat, suos duces multo lautiùs & magnificentius ornavit: hinc supplicationes tot dierum decretæ Cæsari, hinc amplissimi triumphi. Sed de militaris stipendij peculio singulare est quod à Vegetio traditur, ut ex donatuo dimidia pars sequestretur apud signa. Sic amputato luxu, castrense peculium parsimoniâ augebitur, & miles aciem tantò minus deseret, quantò plus in ea sibi repositum cogitabit. Quamobrem legio in ipso delectu stipendium fructumque laborum sibi expositum intelligat, sciâtque sibi ducem, non solum rei militaris scientiâ, virtute, authoritate, felicitate præstantem, sed munificum & liberalem futurum: sic Legiones Cæsaris excitabis.

SECUN-



# SECUNDA

## PARS.



ASTRIS secundam militiæ partē dedimus, ubi primum progressus agminis in castra, deinde architectura castrorū: denique castrensis armorū meditatio consideranda est: Atque in progressu

agminis notitia ipsa regionum per quas agmen ducendum sit imprimis necessaria est: Imperator igitur regionem (quā sit iter factururus) accuratā picturā descriptam habeat, nec intervalla locorum longitudine & latitudine tantum descripta tabulis & depicta, sed viarum genera, compendia, diuerticula, montes, flumina, duces etiam viarum fideles & probatos. Sic Cæsar contra Ariouistum iter exquisiuit per Diuitiacum, quodd ex aliis Gallis maximam ei fidem habebat, & ut tutius iter esset millium ampliùs quin-

P. RAMI LIBER

quaginta circuitu, locis apertis exercitum duxit: Sic Belgico bello dat negotium Senonibus reliquisque Gallis, qui finitimi Belgis erant, uti que apud eos geruntur cognoscant, seque de his rebus certiores faciant: Sic Britannico bello conuocatis ad se vndique mercatoribus, quanta esset insulae magnitudo, quae & quantae nationes incoherent, quae usum belli haberent, quibus institutis vteretur, qui essent ad maiorum nauium multitudinem idonei portus, cum reperire non posset, ad haec cognoscenda, priusquam periculum faceret, idoneum esse arbitratus, C. Volusenum cum naui longa praemisit, ut exploratis omnibus rebus, ad se quamprimum reuertetur. Suetonius etiam id amplius, Exercitum, ait, neque per insidiosa itinera duxit vnquam, nisi perspeculatus locorum situs, neque in Britanniam transiit: nisi per se portus & nauigationem & accessum ad insulam explorasset. Exploratores autem non tantum prudentes, sed fortes minimaeque timidos esse necesse est. Pub. Confidius (ut est primo libro) qui rei militaris peritissimus habebatur, qui in exercitu L. Syllae, & postea in M. Crassi fuerat, cum exploratoribus praemittitur. Prima luce cum summus mons à T. Labieno teneretur, ipse ab hostium castris non longius mille & quingentis passibus abesset, neque, ut postea ex captiuis comperit, aut ipsius aduentus, aut Labieni cognitus esset, Confidius

Confidius equo admissio, ad eum accurrit, dicit  
 montem, quem à Labieno occupari voluerit, ab  
 hostibus teneri, id se à gallicis armis atque insi-  
 gnibus cognouisse: Sed Confidius paulò post  
 sua timiditate Cæsari ridiculus fuit: multo enim  
 die per exploratores reliquos Cæsar cognouit &  
 montem à suis teneri, & hostes castra mouisse &  
 Confidium timore perterritum, quod non vi-  
 disset, pro viso sibi renunciaffe. Fuit militiæ Ro-  
 manę signum Minotaurus, quo tanquam Laby-  
 rintho tecta consilia dux habere moneretur,  
 quod in itineribus, Cæsari mirificè propositum  
 fuit. Itaque cùm in proximò (ait Suetonius) ho-  
 stis esset, itineris tempus denunciare non sole-  
 bat, præcipuè pluuiis, & festis diebus: Ac subin-  
 de obseruandum se admonens, repente interdium  
 vel nocte subtrahebat, augebátque iter, vt seriùs  
 subsequentes defatigaret. Atque hoc secretæ  
 mentis archanum indicat Hircius bello Africa-  
 no, Cæsar in Africam proficiscens nullum por-  
 tum sibi tutum fore perspiciebat. Itaque nul-  
 lum certum locum gubernatoribus præfectis-  
 que quem peterent præceperat, neque vt mos  
 ipsius consuetudóque superioribus temporibus  
 fuerat, tabellas signatas dederat, vt in tempore  
 his perlectis, locum certum peterent vniuersi.  
 Hic locus consuetudinem quandam Cæsaris in-  
 dicat de occultando itinere nō modo hostibus,  
 sed etiam ciuibus, cùm tabellas illas à præfectis

## P. RAMI LIBER

nisi necessitate coactis perlegi vetaret. Ergo hæc regionum notitia teneatur : Agmen verò ducitur itinere terrestri, aut flumina mariæue traducitur : in terrestri itinere, ordo agminis, quantitas itineris, sed supra omnia militaris labor animaduertendus est: Agminis igitur ordo duobus exemplis præcipuè ostenditur: Primus est secundo libro, Cùm ex dedititiis Belgis reliquisque Gallis complures Cæsarem secuti vnà iter facerent, quidam ex his, vt postea ex captiuis cognitum est, eorum dierum cōsuetudine itineris exercitus Romani perspectâ, nocte, ad Neruios peruenerunt, atque his demonstrarunt inter singulas legiones impedimentorum magnum numerum intercedere, neque esse quicquam negotij, cùm prima legio in castra venisset, reliquæque legiones magnum spatium abessent, hanc sub sarcinis adoriri, qua pulsâ impedimentis que direptis futurum vt reliquæ contra consistere non auderent. Hic locus ostendit agminis ordinem quendam: sed negligentio-rem, quia nondum hostis adesset. Sed consequens in eodem libro locus multò diligentio-rem appropinquante hoste demonstrat. Cæsar (ait ipse) æquitatu præmisso subsequabatur omnibus copiis: Sed ratio ordôque agminis aliter se habebat ac Belgæ ad Neruios detulerant: Nā quòd hostis appropinquabat consuetudine sua, Cæsar sex legiones expeditas ducebat, post eas  
totius

totius exercitus impedimenta collocarat: & duę legiones, quę proximè conscriptę erant totum agmen claudebant, præsidioque impedimentis erant. Hic igitur locus multò maiorem ordinis curam diligentiamque proponit: aliam similis diligentię speciem Hircius octauo libro descripsit. Cæsar (ait) agminis ordinem ita constituit, vt legio septima, octaua, nona, ante omnia irent impedimenta: deinde omnium impedimentorum agmen, quod tamen erat mediocre, vt in expeditionibus esse consuevit, cogeret vndecima ne maioris multitudinis species accidere hostibus posset, quàm ipsi depoposcissēt. Hac ratione penè quadrato agmine instructo, vt omni ex parte sustinere posset hostiũ impetum, in conspectum hostium celerius opinione eorum, exercitum abducit. At si hostis à tergo relinqueretur ab eoque discederetur, alia ratio fuit, impedimentis nempe præmissis, vt cùm Cæsar à Pompeio ad Dyrrachiũ duplici clade affectus esset, ideoque illinc Apolloniam contēderet: Itaque (ait Cæsar) nulla interposita morâ, sauciorum modò & ægrorum habitâ ratione, impedimenta omnia silentio prima nocte ex castris Apolloniam præmisit ac conquiescere ante iter confectum vetuit: His vna legio missa præsidio est. His explicitis rebus duas in castris legiones retinuit, reliquas de quarta vigilia compluribus portis eductas eodē itinere præmisit: paruoque

spatio intermisso, ut & militare institutum seruaretur, & ne citissima eius profectio cognosceretur, cōclamari iussit statimque egressus & nouissimum agmen consecutus, celeriter ex conspectu castrorum discessit. Hic itaque agminis ordo Cæsari fuit, quantitas itineris dicenda est. Romanis verò militiæ consuetudo fuit, ut Vegetius docet, simplici gradus horis quinque æstiuus, id est nostris sex & vnâ tertiâ progredi millia passuum viginti, pleno, viginti quatuor: quicquid amplius esset, cursus erat, cuius spatiū definiri non potest. Septimo libro significatio quædam è tribus locis colligi potest de militaris hui⁹ itineris quãtitate, Cæsar Gergouix obsidione occupatus, mediâ nocte per Eporedorigem certior factus est de Heduarum defectione: deinceps nullâ interpositâ dubitatione è sex legionibus, duas in castris relinquit, quatuor expedit & adhortatur ne necessario tempore, itineris labore permoueatur: Cupidissimis omnibus, progressus millia passuum vigintiquinque, Heduos offendit, iisque in colloquio, errorem suæ defectionis & culpam demonstrat: deinde tribus horis noctis exercitui ad quietem datis, castra ad Gergouiâ mouet, tum in medio ferè itinere cognito periculo suorum ad Gergouiam relictorum, summo labore militum ante ortum solis, in castra peruenit. Hæc sic à Cæsare narrantur, vnde concludo viginti quatuor horis quinquagin-

ta millia passuum confecta esse à legionibus illis expeditis quidem sarcinarum impedimento: at armorum gravitate certè impeditis: Superioris enim noctis aliquot horæ consumptæ in audiendo Eporedorige, capiendo consilio, legionū distributione, quæ educerentur, quæ manerent: Item consequentis diei aliquod tempus fuit in monendis Heduis & reconciliandis: Denique militem ieiunum tot millia iisse ac rediisse, vix credibile sit: his tot rebus tres horas accipio, tres porro datæ sunt quieti, ut ait Cæsar: Itaque dimidiæ noctis illius nihil superest. Ac summum viginti quatuor horis, aut etiam paucioribus, totum illud iter factum est, quia ante solis ortum Cæsar rediit, & quidem non ordinarium, sed propè duplicatum fuisse Cæsar eo declarat quòd rem in celeritate positam fuisse ibidem ait, & quòd milites adhortatur, ne itineris labore permoueatur: Quare diurnum exercitus iter viginti aut viginti quatuor millia, ut Vegetius ait, videntur fuisse. Sic Cæsar ad liberandum Ciceronem vno die hyberno ab hora tertia millia passuum viginti progreditur. Superest in agmine, militaris labor prorsus admirabilis: Itaque magnos & magni nominis testes huc appello, ne quid in re propè incredibili, fingere videar: Dico enim legionario militi in itinere vlsitatum fuisse ferre non solum arma, sed vallum: & illud est quod Horatius in Odis velut incredibile po-



# P. RAMI LIBER

Heritati futurum admiratur,  
*Romanus (eheu) posteri negabitis*  
*Emancipatus fœminæ*  
*Fert vallum & arma miles.*

Romanus miles fert arma, fert vallum: imò verò fert etiam (ait Tullius) cibaria, & si quid ad vsum velit, Nostri exercitus (ait secunda Tusculana) primum vnde nomen habeant vides, deinde qui labor, quantus agminis, ferre plus dimidiati mensis cibaria, ferre si quid ad vsum velint, ferre vallum: nam scutum, gladium, galeam in onere nostri milites non plus numerant, quàm humeros, lacertos, manus. Arma enim, membra militis esse dicunt: quæ quidem ita geruntur aptè, vt si vsus foret, abiectis oneribus, expeditis armis vt membris pugnare possint. Hæc Tullius de sui temporis militia. Liuius verò antea non dimidiati, sed integri mēsis cibaria militem ferre solitum docet: Sic enim libro quinquagesimo quarto ait, Consul menstruum iussu milite secū ferre, profectus decimo post die. Sic Pompeiani legionarij in Hispania dierum viginti duorum frumentū efferre iussi sunt: Eadem etiam postea disciplina ab imperatoribus seruata legitur. Pescenninus Niger (ait Lampridius) vinum & pistores à castris remouit, iussitque omnes aceto & buccellato (quem panem biscoctū dicimus) contentos esse: Sic Iulianus (vt Marcellinus ait libro decimo septimo) buccellatum in viginti dies

dies humeris militum imposuit. Ac de legionis  
 agmine tot sarcinis onusto indiciū illud patuit  
 in illo agminis ordine, cū Cæsar sarcinas &  
 onera legionum exposuit, sub quibus facilè à  
 Neruiis opprimi posse viderentur: quomodo li-  
 bro tertio Aquitani Romanos impeditos in ag-  
 mine & sub sarcinis infirmiore animo adoriri  
 cogitant: Quomodo Labienus in Africa existi-  
 mabat Cæsar's milites sub onere ac sarcinis de-  
 fatigatos, pugnare non posse, vt ait Hircius.  
 Quapropter iste est incredibilis Horatio, admi-  
 rabilis Tullio, agminis labor in milite, nec in  
 bono duce minor. Cū Marius æstu magno,  
 agmen ducebat (ait ibidem Cicero) laborabat.  
 Memini calones & lixas & mercatores in exer-  
 citu Cæsar's fuisse, sed qui ligna & aquam vasa-  
 que parando cibo instrumentaque castrensi o-  
 peri necessaria militibus ferrēt: denique (vt iam  
 patuit) singulis legionibus sua impedimēta fuis-  
 se. Ac nonnunquā (ait Suetonius) post magnam  
 pugnam atque victoriam remisso officiorum  
 munere licentiam omnem passim lasciuiendī  
 militibus Cæsar permittebat, iactare solitus, mi-  
 lites etiam vnguentatos bene pugnare posse. At-  
 que illud etiam memini quod tertio belli ciuilis  
 à Cæsare in concione ad milites dicitur vt æquo  
 animo mancipia atque impedimēta in Italia re-  
 linquerent, ipsi expediti, naues conscenderent.  
 Et bello Africano seueritas disciplinæ eadem

## P. R A M I L I B E R

seruata est: Cæsar enim ita ex Sicilia exercitum transportauit, vt præter ipsum militem & arma, neque vas, neque mancipium, neque vllam rem quæ militi vsui esse conlueuit, in naues imponi pateretur. Ita Cæsar, cùm vsus esset (ait Suetonius) disciplinæ seuerissimus exactor fuit. Atque vna de Cæsaribus virtutibus nescio an non sit hæc longè maxîma. Laboris (ait Suetonius) vltra fidem patiens erat, in agmine nonnunquam equo, sæpiùs pedibus ante ibat capite detecto seu sol seu imber esset. Nec verò temporis aut loci vlla ferè iniquitas, Cæsaribus iter tardabat: Sic secundo bello Britannico noctu progreditur millia passuum circiter duodecim: & septimo libro summâ hyeme, discussâ niue sex in altitudinem pedum summo militum labore, vias exercitui suo patefecit per Gebennam Aruernorum montem, quo tempore ne singulari quidem homini semita vnquam patuerat. Atque inde omnibus suis inopinantibus, quàm maximis potest itineribus, Viennam peruenit: vnde neque diurno neque nocturno itinere intermisso, per fines Heduatorum in Lingones contendit, vt si quid etiam de sua salute ab Heduis iniretur consilij, celeritate præcurreret, priùsque legiones omnes, quarum duæ in Lingonibus, duæ in Treuiris, sex in Senonibus hyemabant, in vnum locum cogit, quàm de eius aduentu Aruernis nuntiari posset. *tempus* horribili vigilantia

lantia, celeritate, diligentia, exclamât Cicerô. Illud etiam secundo belli civilis de se ait, Tarracone discedit, pedibûsque Narbonem, atque inde Massiliam peruenit: Qualis verò imperator ipse fuit, tales & milites fuere: hac enim militaris itineris celeritare, Põpeij legati in Hispania & Pompeius ipse in Græcia oppressus est. A Pompeianorum & Cæsaris castris quinque millia passuum proxima intercedebant itineris campestris: Inde excipiebant ad Iberum loca aspera & mōtosa: qui prior has angustias occupauerit, ab hoc, hostē prohiberi nil esse negotij.

Adhuc terrestris itineris ratio expedita est, sequitur fluminis & maris traiectione. Flumina trahuntur modis quatuor, primò, ponte, quomodo Cæsar Rhenum bis traiecit, nauium magnā copiam ad transportandum exercitū Vbi pollicebantur, vt est libro quarto, sed nauibus neque satis tutum esse arbitrabatur, neque suæ, neque populi Romani dignitatis esse statuebat. Itaque & si summa difficultas faciendi pontis proponebatur propter altitudinem, rapiditatē, latitudinēque fluminis: tamen id sibi contendendum aut aliter nō traducendum exercitum existimabat. Rationem igitur pontis hanc instituit, tigna bina scsquipedalīa, paulū ab imo præacuta, dimensa ad altitudinem fluminis interuallo duorum pedum inter se iungebat. Hæc cum machinationibus immissa in flumine desi-

xerat fistucisq̃ue adegerat, non sublicæ modo directæ ad perpēdiculum, sed prona ac fastigiata, vt secundum naturam fluminis procumbarent: his item contraria duo ad eūdem modum iuncta interuallo pedum quadragenū ab inferiore parte contra vim atque impetum fluminis conuersa statuebat. Hæc vtraque insuper bipedalibus trabibus immissis, quantum eorum tignorum iunctura distabat, binis vtrinque fibulis ab extrema parte distinebantur, quibus disclusis atque in contrariam partem reuinctis, tanta erat operis firmitudo, atque ea rerum natura, vt quò maiorvis aque se incitauisset, hōc arctiùs illigata tenerentur. Hæc directæ materiâ iniectâ contegebantur, ac longuriis cratibùsque consternebantur: Ac nihilo seciùs sublicæ ad inferiorem partem fluminis obliquæ adigebantur, quæ pro ariete subiectæ & cum omni opere coniunctæ, vim fluminis exciperent, & aliæ item supra pontem mediocri spatio, vt si arborum trunci siue naues deiiciendi operis causâ, à barbaris missæ, his defensoribus, earum rerum vis minueretur neu ponti nocerent. Hæc Cæsaris est descriptio, in qua certè talis architecturæ imperito quædā possint ambigua videri: Primum enim quid est tigna bina interuallo pedum duorum distantia inter se iungi? vtrum bina tigna transuersariis intermedio duorum pedum spatio inter se colligari? an duo tigna inter se quidem continuata, à duobus

à duobus autem aliis duos pedes seiungi? Secundò quid est fistuca? vtrum machina cuius pondere tigna illa in solum fluminis adiguntur? an qua solum fluminis fistucatur, id est exaquatur & solidatur? Tertio quid est quadragenum pedum interuallum? vtrum in summo fluminis, an in imo, an in pontis contabulatione? Quarto, quid est fibula? nihil verò tota pontis structura magis ambiguum fuerit: E fibulae siquidem formâ videtur operis firmitudo significari. Quid igitur est fibula? vtrum quadratû quoddam è firmissima materia vinculû, quo bina tigna cû media trabe reuinciuntur? an adminicula eiusmodi quibus in cruce Tau gallici trâsuersum lignû innititur? Denique quid est sublicas obliquas adigi? vtrum ad perpendiculû erectas contra tignorum inclinationem tanquam trianguli latera constitui? an transuersas ab vna parte pontis ad reliquam interfecari? Hîc doctorum hominum ingenia sudauere. Qui verò fibulis illis firmitatem operis ostenderit, is Cæsaris mentem, opinor assequetur: E quaëritis autem illis primum quòdque mihi magis probatur. Sed vt ad institutum redeam, diebus decem, quibus materia cœpta erat comportari, omni opere effecto exercitus traducitur. Cæsar ad vtramq; partem pôtis firmo præsidio relicto, in Sicambrorû fines contendit Sicambrisq; vexatis, decimo octauo pòst die in Galliam se recepit, pôtémq; reseidit:

Biennio postea rursus paulò supra eum locum, ut est sexto libro, quo antè, exercitū traduxerat, simili ratione pōtem facere instituit, magnòque militū studio opus paucis diebus effecit: Militū (inquā) studio, ut Cæsar ipse ait: miles enim Cæsaris non tantū frumentator, sed tignarius etiam faber erat: non quòd omnes, architectos fuisse confirmē, sed quòd materiari & cuilibet operi materiam cedere & dolare, nec minùs laboriosè secures & dolabras expedire, quàm enses ac parmas cōsueissent. Quin etiā ista militū architectura, vno die & Ararim ponte iunxit & exercitum traduxit. Quia celeritate permoti Heluetij cū id quod ipsi diebus viginti ægerrimè confecerant, ut flumen trāsirent, Cæsare vno die fecisse intelligerent, legatos ad eū de pace miserunt. Sic Menapij cū in paludes suas confugerent, celeriter effectis pontibus ad deditiōē compulsi sunt, ut est sexto libro. Sed pontis illa ratio Hispaniensi bello tradita nequaquā prætèrmittenda est. Cæsar cū ad flumē Bætīm venisset, neque propter altitudinē fluminis trāsire posset, lapidibus corbes plenos demisit: illa nēpe fistucatio sōli fuit. Ita insuper pōnte factō, copias ad castra tripartitō traduxit. Cuius pōtis forma etiā dissimilis facta est Alexadrīno bello, de qua sic Hircius, Itaque eodem tēpore equites Germani dispersi, vada fluminis quærētes, partim demissioribus ripis flumen tranarūt & legionarij magnis arboribus excisis

excisis, quæ longitudine vtramq; ripam contin-  
gerent projectis, repentinòque aggere iniecto,  
flumen transierunt. Nec verò in his mathemati-  
cis pòtium operibus virtus tātum, sed dolus Cæ-  
sar̃is enituit. Exercitum ad Aruernorū Gergouia  
secundū flumen Elauer ducebat. Quā re cogni-  
ta, Vercingetorix omnibus interruptis eius flu-  
minis pòtibus ab altera Elaueris parte, iter face-  
re cœpit. Cūm vterq; vtriq; esset exercitus in cō-  
spectu, ferèque è regione castris castra poneret,  
dispositis exploratorib⁹, necubi effecto pòte Ro-  
mani copias traducerēt. Erat in magnis Cæsaris  
difficultatibus res, ne maiorē æstatis partem, flu-  
mine impediretur, quod non ferè ante autumnū  
Elauer vado trāsiri solet: Itaque ne id accideret,  
syluestri loco positis castris è regione vnus co-  
rum pontium quos Vercingetorix rescindēdos  
curauerat, postridie cum duabus legionibus in  
occulto restitit: reliquas copias cum omnibus  
impedimētis, vt consueuerat misit demptis qui-  
busdam cohortibus, vti numerus legionū con-  
stare videretur: His quàm lōgissimè possent pro-  
gredi iussis, cū iam ex diei, tēpore cōiecturam  
caperet, in castra peruentum, iisdē sublicis, qua-  
rum pars inferior integra remanebat, pontē refi-  
cere cœpit. Celeriter effecto opere legionib⁹sq;  
tractis & castris loco idoneo delecto, reliquas  
copias reuocauit. Secundus modus traducendi  
fluminis, est nauibus, cū Cæsar, vt est primo belli



P. RAMI LIBER

ciuilis, in maximas rei frumentariæ angustias ab Afranio adductus esset, atque omnes viæ ab Afranianis militibus equitibusq; obsiderentur, nec pontes rescissi, refici possent, imperat militibus Cæsar vt naues faciant, cuius generis eū superioribus annis vsus Britannia docuerat. Carinæ primum ac statumina ex leui materia fiebant, reliquum corpus nauium, viminibus contextū coriis integebatur. Has perfectas, carris iunctis deuehit noctu millia passuum à castris viginti duo, militesque his nauibus flumen transportat, cōtinētēque ripæ collem improviso occupat. Hūc celeriter priusquā ab aduersariis sentiat, communit: huc legionē postea traiecit, atque ex vtraque parte pontem institutum bīduo perficit. Ita comineatus, & eos qui frumenti causā processerant, tutò ad se recipit, & rem frumentariam expedire incipit. Tertius modus traducēdi fluminis est eodem libro, diducto in plures alueos Sicori Hispaniæ flumine. Cæsar ne semper magno circuitu per pontē equitatus esset mittendus, nactus idoneum locum, fossas pedum triginta in latitudinem complures facere instituit, quibus partem aliquā Sicoris auerteret vadūque in eo flumine efficeret: Ac summo labore militū continuato, diem noctēq; opere in flumine auertēdo huc iam reduxerat rem, vt equites etsi difficulter atque agrè fiebat, possent tamen atque auderent flumen transire: pedites verò tantummodò

modò humeris ac summo pectore extarent, vt tum altitudine aquæ, tum etiam rapiditate fluminis ad transeundū impedirentur. Equites ita transeunt. Quartus modus traiciendi fluuij eodem tēpore & loco à Cæsare describitur, & longè omnium promptissimus: Cū pedites clamarent, ne Cæsar labori suo neu periculo parceret, paratos esse sese: posse & audere eà transire flumen quā traductus esset equitatus. Quorum studio & vocibus excitatus Cæsar & si timebat tantæ magnitudinis flumini exercitum obicere, conandum tamen atque experiēdum iudicat. Itaque infirmiores milites ex omnibus centuriis deligi iubet, quorum aut animus aut vires videbantur sustinere non posse: Hos cum legione vnâ, præsidio castris relinquit, reliquas legiones expeditas educit, magnòque numero iumentorum in flumine supra atque infra cōstituto, traducit exercitum: Pauci ex his militibus vi fluminis abrepti, ab equitatu excipiuntur ac subleuantur: interiit tamen nemo. Sic igitur Cæsar equitibus vtrinque dispositis, peditatū incolumem traduxit: Quo genere translationis vsus est libro septimo, vt Ligerim transiret. Liger (ait) locis ferè omnibus à Gallis obsidebatur & ex niuibz creuerat, vt omnino vado transiri non posse videretur: Itaque Cæsar admodum magnis diurnis nocturnisque itineribus confectis, contra omnium opinionem ad

Ligerim venit, vadōque per equites inuēto pro rei necessitate opportuno, ut brachia modò atque humeri ad sustinenda arma liberi ab aqua esse possent, disposito equitatu, qui vim fluminis refringeret, atque hostibus primo aspectu perturbatis incolumem exercitum traduxit. In Britannia Tamesis ita traductus est, cum capite solo, ex aqua milites extarent. Ergo hæc itineraria Cæsaris militia fuit. Pontes variorum generum Vegetius ab exercitu comportari solitos ait. Cæsaris milites faciendi pontis artifices erant, pontes factos non vehebant, sed ubi opus erat, celeriter industriēque faciebant. Nec verò flumina tantum, sed maria ipsa huic architecturæ militari subiecta sunt: Itaque cum primâ in Britanniam transmissione, duodecim naues Cæsar amississet, summo iterum militum studio, earum materia atque ære reliquas refecit. Secundo in eam insulam comœatu militum architecturâ istâ sexcentas naues onerarias & longas duodeviginti exiguo tempore construxit. Ideoque id in portu contēplatus, milites collaudauit, ut est quinto libro. Atque iterum cum naues iactaretur tempestate & quadraginta periissent, reliquas in aridum ne nocturnis quidem temporibus ad militum laborem intermissis subduxit. Ergo miles Cæsaris, naues faciebat, imò verò etiam remigabat. Audiamus igitur quæ libro quinto scripta sunt, Cæsar cum iterum Britannia peteret

peteret longisque nauibus veheretur : tamen longius delatus æstu , orta luce sub sinistra Britanniam relictam conspexit : Tum rursus æstus commutationem secutus , remis contendit , vt eam partem insulæ caperet , quâ optimum esse egressum superiore æstate cognouerat . Qua in re admodum fuit militum virtus laudanda qui vectoriis grauibûsque nauigiis non intermisso remigandi labore , longarum nauium cursum adæquarunt . Verumenimuerò quamuis Cæsar mathematicis architecturæ Geographiæque artibus tam excellenter ad itinerum difficultates eruditus : attamen nauticæ in Oceano Astrologiæ , quæ ad istam quoque itinerum notitiam attinet , inscientiâ extremam calamitatem penè subiit . Primò bello Britannico cùm equitum naues octodecim , in continentem tempestate essent reiectæ , accidit , vt esset Luna plena , quæ maritimos æstus maximos in Oceano efficere consuevit , Romanisque id erat incognitum . Ita vno tēpore & longas naues , quibus Cæsar exercitum transportandum curauerat , quasque in aridū subduxerat , æstus complebat , & onerarias quæ ad anchoras erant deligatæ , tempestas afflictabat : neque vlla Romanis facultas aut administrandi aut auxiliandi dabatur compluribus nauibus fractis , reliquæ cùm essent funibus , anchoris reliquisque armamentis amissis , ad nauigandum inutiles , magna ( id quod necesse erat

## P. RAMI LIBER

accidere ) totius exercitus perturbatio facta est, neque enim naues erant aliæ, quibus reportari possent, & omnia deerāt, quæ ad reficiendas eas vsui sunt: Et quod omnibus constabat, hyemare in Gallia oportere, frumentū in his locis in hyemem prouisum non erat. Hæc sunt libro quarto, vbi & rebellio propterea Britanniae exponitur, & magna Cæsaris difficultas, vt ei magnæ cuiusdam victoriæ instar fuerit, exercitū incolumem reduxisse: Sed hæc incommoda, horribilis illa & imperatoris & militum vigilantia, celeritas, diligentia sanauit. Quamobrē toto isto militari itinere non solum magnam regionum scientiam, sed incredibiles, siue terrā, siue flumine mariue exercitus ducatur, militiæ labores agnoscimus.

### DE CASTRORVM ARCHITECTURA.

**S**Ed miles in castra peruenerit, quid deinde? Locus & forma constructioque tota proponitur: castris locus diligendus frumētationi, pabulationi, aquationi, lignationi, valetudini militum, sed imprimis victoriæ (si dimicandum sit) idoneus: Sic contra Belgas Cæsar, postquam omnes Belgarū copias in vnum locum coactas ad se venire, neque iam longè abesse ab his quos miserat exploratorib⁹, & ab Rhemis cognouit, flumen Axonam, quod est in extremis Rhemorum

rum finibus exercitum traducere maturauit, atque ibi castra posuit. Quæ res & latus vnum castrorum, ripis fluminis muniebat, & post eum quæ erant, tuta ab hostibus reddebat, & cōmeatus ab Rhemis reliquisque ciuitatibus, vt sine periculo ad eum portari possent efficiebat: In eo flumine pons erat: ibi præsidium ponit, & in altera parte fluminis Q. Titurium Sabinum legatum cum sex cohortibus relinquit. Hic, castris delectus est valde idoneus locus: Cæsar verò castris ad dimicandum, præcipuè montes & colles appetiuit. Sic tertio libro Sabini castra loco rebus omnibus idoneo, eoque edito & paulatim ab imo accliui circiter passus mille. Contrariū incommodum Galba libro tertio demonstrauit, qui cū in vico Veragrorum Octoduro posito in valle, non magnâ adiectâ planitie, altissimis montibus undique concluso castra posuisset, hostibus vndique in vallem decurrentibus telâque in castra coniicientibus, magnum periculum adiit, quo liberatus, sæpius fortunam tentare noluit, in prouinciam reuertit, confessus iniquum castris locum illum fuisse. Atque hæc de castrorum loco qui postea magis patebit: de forma etiam dicamus. Castrorum formam vnicam & simplicem omni & loco & tempore Romanis fuisse Polybius author est: nos ex eo tantum quod commune sit castris Cæsaris, assumemus: Itaque loci castris delecti regionem, vnde

## P. RAMI LIBER

fit in omnes partes latissimus despectus imperiūque facile percipi possit, prætorio summique ducis tentorio designato, hoc dato tãquam puncto, interuallo autem tanto quantum exercitus requireret, quadratum describito: Anguli quatuor, portæ quatuor erūt, prætoria ad orientem, decumana ex diametro opposita, quæstoria ad meridiem, quintana ad occidentem. Liuius libro quadragesimo, prætoriam videtur appellare ordinariam, quintanā & decumanam principales, illam dextram, hanc sinistram. Tentoria legatorū à prætorio hinc atque illinc secundum quadrati dimetientem, latera duo opposita bifariam secantem, æqualibus spatiis sunt, iuxtaq; ad partem aquationi & pabulationi aptissimam legionis cuiusque cum suis Tribunis & Centurionibus distincta viis & directæ sunt: ad oppositam reliqui quadrati partem regia intercedente via, legionum equites atque inter eos media sociorum auxilia statuito: à legionum tentoriis ad vallum area, parallela quadruplex esto: prima vacua ad excipiendum extraordinarios qui casu aduenerint: secūda latior foro rerum venalium cōstituta, reliquæ duæ totis castris parallelo spatio circumductæ, tertia quidem angustior, quarta latior, vallo velut vrbis muro, pomerij vice adiuncta: denique castra speciem notissimæ vrbis habeant, vbi viis, ædificiis, signis, omnia ciuibz rure domum redeuntibus definita sint, vt simul-

simulatque ad castrorum portam miles accesserit, sciat quò sibi perueniendum sit: Sic enim Polybius & Liuius docent. Cæsar tamen lunatis castris Thapsum (vt est Africano bello) operibus circummuniuit. Vegetius triquetram & semitotundam formam nominat, vtrum hanc lunatam figuram significas, affirmare non audeo: iubetque vallum vestiri cespite cum terra ipsa herbam continente, altitudine dimidij pedis, latitudine pedis, longitudine sesquipedis: Si regio sit arenosa, saccos more persico puluerulenta terra compleri cespitis loco iubet: Valli fossæque etiam formam tradit, sed variè: vigilias noctis quatuor, ternis horis distinguit: Eiusmodi castrorum formam tam subtiliter, à Cæsare notatam non comperio: sed illud certè, quod multò maximum omnium est, à legionibus vt antea pontes & naues, sic & quidem multò pluribus testimoniis castra fieri solita cōperio. Dico (inquam) atque confirmo, materiando, fodiendo, aggerando romana castra facta esse per certam peditum legionariorum partem sarcinis & grauioribus armis ad signa depositis, dum reliqua pars exercitus cum leui armatura staret in armis ad hostem, si fortè interueniret, propulsandum: Castræsis igitur architecturæ opera militaria videamus. Cæsar ad quintum Calend. Aprilis Genueam peruenit, ibi vna legione & militibus quos ex prouincia conuenire iussit, à lacu Le-



## P. RAMI LIBER

mano ad montem Iuram millia passuum decem & nouem, murum in altitudinem pedum sexdecim fossamque ante idus Apriles perduxit. Fac Cæsarem Româ octauo die (vt Plutarchus ait) Geneuam peruenisse: mirabile tamen sit septem reliquis diebus & milites coëgisse & tantû opus effecisse. Nullus verò Cæsaris commentarius est non testis huius militaris architecturæ. Eodem libro contra Ariouistum Cæsar primam & secundam aciem in armis esse, tertiam castra munire iussit. Ac quâuis eò magnas interea copias Ariouistus ad munitionem prohibendum misisset, nihilo seciùs Cæsar, vt antè constituerat, duas acies hostem propullare, tertiam opus conficere iussit. Vidésne igitur legionarium fossorem? Audi quid Néruiço bello faciât sex legiones. Legiones (ait Cæsar) sex quæ primæ venerât, opere dimenso, castra munire cæperunt; pauloque longiùs aggeris petendi causâ processerunt. Sic quinto libro milites lignationis munitionisque causâ in syluas discedunt. Ergo fodere, ergo materiari, ergo castra fabricari & architectari legionariis militibus, militare opus fuit. Sed fossæ latitudo vallique altitudo à Cæsare nonnunquam etiam notatur, vt secundo libro aduersus Belgarum maximas copias castra in altitudinem pedum duodecim vallo fossâque duodeuiginti pedum munire iubet. Vides hîc tanquam vrbs,

-atque

—*atque altæ mœnia Romæ?*

Sic octavo libro Cæsar imperat castra vallo pedum duodecim muniri, loriculâ, velut alterum vallum pro hac ratione eius altitudinis inædificari, fossam duplicem, pedum quinûm denûm, lateribus directis dēprimi, turres crebras excitari in altitudinem trium tabulatorû pontibus traiectis constratisque coniungi, quorum frontes vimineâ loriculâ munirentur, vt hostis à duplici propugnatorum ordine depelleretur, quorum alter ex pōtibus, quod tutior altitudine esset, hoc audaciûs longiûsque tela promitteret, alter, quod propior hostem in vallo collocatus esset, ponte ab incidentibus telis tegetetur, portis fores altioresq; turres imposuit: Huius munitionis duplex erat consilium: nâmque & operum magnitudine, & timorem suum sperabat fiduciâ barbaris allaturum, & cùm pabulatum frumentatûmque longiûs esset proficiscēdum, parvis copiis castra munitione ipsa videbat posse defendi. Sed callidiore consilio castra aduersus Afranium (vt est primo belli civilis) Cæsar facere cōstituit, ne in opere faciendo milites repentino hostium incurſu exterrerentur atque opere prohiberentur, vallo muniri vetuit, quod eminere & procul videri necesse erat, sed à fronte castrorum contra hostem pedum viginti, fossam fieri iussit: prima & secunda acies in armis, vt ab initio cōstitutâ erat, permanebat. Post hos, opus in

## P. R A M I L I B E R

occulto acies tertia faciebat : sic omne prius est perfectum , quàm intelligeretur ab Afranſio caſtra muniri. Sub veſperum Cæſar intra hanc ſoſſam legiones reducit, atque ibi ſub armis proxima nocte conquieſcit. Poſtero die omnem exercitum intra ſoſſam continet , & quod longius erat agget petendus, in præſentia ſimilem rationem operis inſtituit , ſingulaq; latera caſtrorum ſingulis attribuit legionibus munienda , ſoſſaſque ad eandem magnitudinem perfici iubet, reliquas legiones in armis expeditas contra hoſtem conſtituit . Tertio die poſtea vallo caſtra communis . Ergo caſtrorum formâ à Cæſare & facta & deſcripta cuiusmodi eſt : Militem tamen in hoc opere caſtrenſi ſarcinis & grauioribus armis expeditum fuiſſe, quod antea poſui, Cæſaris varij loci demonſtrant; primus eſt libro ſecundo cùm ſex legiones in faciendò opere occupatæ tam ſubitò à Neruiis opptimerentur, vt non modò ad inſignia accommodâda, ſed etiam ad galeas induendas ſcutiſque tegumêta detrahenda tempus deſuerit. Hic, inquam, locus oſtendit inſignibus & galeis & ſcutis poſitis munitionem caſtrorum fieri ſolitâ. Idem libri tertij locus oſtendit de Morinis in ſyluas abditis, Cùm Cæſar caſtra munire inſtituiſſet, neque hoſtis interim viſus eſſet, diſperſis in opere Romanis, hoſtes ſubitò ex omnibus partibus ſylvæ euolauerunt & in Romanos impetum fecerunt: Romani celeriter  
arma

arma cœperūt, eōsque in sylvas repulerunt. Hic locus alter item ostendit faciendis castris arma grauiora poni solita, sicut iam dictum est in frumentatione, cū Britanni dispersos legionarios depositis armis in metendo occupatos adorti sunt: illic enim arma in frumentatione deposita dicuntur, Tentoria verò castrensia, pellicea fuisse locus ille tertij libri demonstrat, Eiusmodi tepestates sunt consecutæ, vt continuatione imbrium diutiùs sub pellibus milites cōtineri non possent. Item alter ille tertio belli ciuilis, Cæsar castris ad Apsum flumē positis sub pellibus hyemare constituit. Denique tertius locus ille docet idem Africano bellō, Quibus rebus attenuati, oppido perquam pauci sub pellibus acquiescebant, reliqui ex vestimentis tentoriorum factis atque arundinibus coriisque contextis protegabantur. Sed tota hæc castrensium munitionum opera, locorum oppugnatione & propugnatione postea longè plenius intelligentur, id modò statuo, legionarium militem tentoriorum, fossarum, vallorum opificè ex disciplina Romana & Cæsariana fuisse: neq; laboribus illis fractū fuisse aut debilitatū, sed exercitatum robustiorēq; factum, vt præ tantis & agminis & castræsis munitionis laboribus, scutum, gladium, galeā ferre, in onere is miles non plus numeret, quàm humeros, lacertos, manus, præq; iis operibus præliari leuissimum, imò iucundissimum existimet.

## P. ARMI LIBER

• *Romanus (cheu) posteri negabitur,* (ait ille)  
*Fert vallum & arma miles.*

At verò, inquam, vt quod proposui concludam,  
*Romanus (cheu) posteri quid agimus?*  
*Materiando, fodiendo, aggerando castra fecit.*

## DE AMBVLATIONE.

**V**Erùm esto, miles arma ferat, vallum ferat, cibaria ferat, & si quid ad vsum sit, ferat, castra materiando, fodiendo, aggerando faciat: Abiectis illis oneribus expeditum armis tanquam membris alacrem ad prælium videamus: tyrones quidem quotidie & manè & à meridie, omnibus armorum generibus in hoc castrensi campo exerceantur, veterani semel: (has enim leges Vegetius à veteribus institutas tradit.) Hostis nullus adest? adesse tamen comminiscamur, aciem instruamus: & si non dimicatum, at tamè veluti dimicationis causa ambulatum deducamus. Augusti atque Adriani constitutionibus (ait Vegetius) catrum erat, vt ter in mense tam equites quàm pedites educerentur ambulatum: Hoc enim verbo genus huius exercitationis appellabant. Decem millia passuum miles armatus gradu illo militari, quem diximus, cat redeatque, sed magnam partem itineris pleniore gradu, maximam cursu conficiat, interimque quemlibet aciei ordinem meditetur: Atque in  
sum.

summa ordinum permistione, miles ordinem tamen sequatur, vexillum nusquam oculis amittat, neque planis tantum locis hæc itinera, sed cliuosis & arduis fiat, ut nulla non prouisa difficultas possit accidere, aut si ambulatio nulla sit, exercitatio tamen nusquam desit, miles syluam cædat, æstiuis temporibus natet, ad palum dimicet, saltet, currat. Exercitationis huius exempla apud Liuium frequentia sunt: sic enim libro tricesimo tertio de Sempronio, Ibi, quia ociosa castra erant, crebro decurrere milites cogebat, ut tyrones assuescerent signa sequi & in acie cognoscere ordines suos. Et libro tricesimo sexto de Scipione Africano, Primo die legiones in armis quatuor millium spatio decurrerunt, secundo die arma curare & tergere, antè tentoria iussit, tertio die sudibus inter se in modum iustæ pugnae concurrerunt, præpilatisque missilibus, iaculati sunt, quarto die quies data, quinto iterum in armis decursum est. Sed cæsarianam militiam recepi & exercitationis huius exempla apud Cæsarem clara sunt, Superius institutum Cæsar (ut est tertio belli civilis) in equitibus seruabat, ut quoniam numero multis partibus esset inferior, adolescentes atque expeditos ex antesignanis electos milites ad pernicitatem, armis inter equites præliari iuberet, qui quotidiana consuetudine usum quoque eius generis præliorum perciperent: His erat rebus effectum ut equites

## P. RAMI LIBER

mille , apertioribus etiam locis, septem millium Pompeianorum impetum, cum adesset usus, sustinere auderēt, neque magnopere eorum multitudine terrentur. Exempla huius scholæ multò clariora sunt Africano bello, cum paruas copias haberet Cæsar & magnam quidem partem tyronum. Cæsar (ait Hircius) iubet milites rursus ad opus redire & per causam munitionum, tyrones in labore defatigare non intermittit. Simile deinde paulò post, Cæsar non more superiorum imperatorum, in hybernis exercitū continebat, sed in tertio quartoque die procedēdo, propiùsque hostem accedendo, castra communiebat, operēque faciendū milites se circumspectiendi non habebant facultatem. Tum deinceps, Cæsar interim quotidie legiones in campum deducere atque opus facere, vallūque & fossam per medium campum ducere, aduersariorūmq; excursionibus officere non intermittit. Scipio item munitiones contra facere, & in iugo, ne à Cæsare excluderetur, appropere. Ita duces utrique & in operibus occupati erant, & nihilominus equestribus præliis inter se quotidie dimicabant. Sed eodem demum libro schola totius meditationis huius contra novos hostes egregia est, Cæsar contra eiusmodi hostium genera copias suas non ut imperator exercitum veteranum victorēque maximis rebus gestis, sed, ut lanista tyrones gladiatores

con-

condocefaceret, quo pede se reciperent ab hoste & quemadmodum obuersi in aduersarios & in quantulo spatio resisterent, modò procurrerent, modò recederēt comminarentúrque impetum, ac prope quo loco & quemadmodum tela mitterent præcipit. Mirificè enim hostium leuis armatura anxium exercitum Cæsaris atque sollicitum habebat, quia & equites deterrebat prælium inire propter equorū interitum, quòd eos iaculis interficiebant & legionarium militem defatigabant, propter velocitatem: Grauis enim armaturæ miles simulatque ab his insectatus cōstiterat in còsque impetū fecerat, illi veloci cursu facilè periculum vitabant. Quibus ex rebus Cæsar vehementer commouebatur: quia quodcunque prælium quoties erat commissum, equitatu suo sine legionario milite, hostium equitatu leuique armaturæ eorū nullo modo par esse poterat. Solicitabatur autem his rebus, quod nondum legiones hostium cognouerat, & quonam modo sustinere se posset ab eorum equitatu leuique armatura, quæ erat mirifica, si legiones quoque accessissent. Accedebat eò etiā hæc causa, quòd elephantorum magnitudo multitudóque, militum animos detinebat in terrore. Cui vni rei tamen inuenerat remedium: Námque elephantos in Italiam transportari iusserat, quòd & Cæsaris miles speciem & virtutem bestię cognosceret, & cui parti corporis eius, telum fa-



## P. RAMI LIBER

cilè adigi posset oneratúsque ac loricatus elephantus cum esset, quæ pars corporis eius nuda sine tegmine relinqueretur, vt eò tela coniceretur: Præterea vt iuméta, bestiarum odorem, stridorem & speciem, consuetudine captarum, non reformidarét, quibus ex rebus, largiter erat consecutus: Nam & milites, bestias manibus pertractabant, earúmque tarditatem cognoscebant, equitésque in eos pila præpilata coniiciebant, atque in consuetudinem, equos ipsarum bestiarum adduxerant. Ob has causas quas suprà commemoravi, sollicitabatur Cæsar, tardiórque & consideratior erat factus, & ex pristina bellandi consuetudine celeritatéque excesserat. Nec mirum: copias enim habebat in Gallia bellare consuetas locis campestribus, & contrà, Gallos homines apertos miniméque insidiosos, qui per virtutem, non per dolú dimicare consueuerunt: Tum autem erat ei laborandum, vt consuefaceret milites, hostium dolos, insidias artificiáque cognoscere, & quid sequi, quid vitare conueniret. Itaque quò hæc cæleriùs conciperent, dabat operam vt legiones non vno loco cōtineret, sed per causam frumentandi huc atque illuc raptaret, ideo quòd hostium copias à se suóque vestigio non discessuras existimabat: atq; post diem tertium productas accuratiùs suas copias, sicut instruxerat, præter hostium castra prætergressus, equo loco inuitat ad dimicandú. Hac totâ Hircij

cij historiâ mirificum Cæsaris magisterium in tyronibus erudiendis agnoscimus. Atque in hac castrensi schola exercitus lustratio fuit, quâ tanquam in romani census lustro, cuiusque peditis equitisque virtus aut ignavia pro meritis afficiebatur: Sic Cæsar in Treuirorum finibus cum eò legiones ex omnib<sup>9</sup> hybernis euocasset, exercitū anno belli Gallici nono lustravit: Sic iterū Africano bello lustravit: Ac præmia illa de quibus antè in stipendio dixim<sup>9</sup>, in castris data sunt: supplicia etiam in milites ignavos aut seditiosos constituta sunt, quæ militaribus delictis graviora erant. Si quis furatus esset, aut præmij consequendi gratiâ peierasset, aut locum in acie deseruisset aut in vigiliis dormitasset, aut adolescentis ætate ac flore abusus esset, fustibus cædebatur ac lapidibus obruebatur (ait Polybius) Et illud nimirum Ciceronis est in Philippicis, Si Antonius Consul, fustuarium meruerunt legiones quæ Consulem reliquerūt. Si totus exercitus vel magna pars deliquisset, sorte decimus quisque ad supplicium legebatur, ut ostendit Livius libro secundo: Decimatio illa nempe fuit, de qua pro Cluentio Tullius, Statuerunt ita maiores nostri, ut si à multis esset flagitium rei militaris admissum, sortitione in quosdam animadverteretur, ut metus videlicet ad omnes, poena ad paucos perveniret: Sic igitur decimus quisque plectebatur, reliquis extra vallum agētib<sup>9</sup>,

annona ordeum tantum erat, donec egregio facinore satisfactum videretur: Hec autem seueritas Romanis illis imperij authoribus tanta fuit, ut Posthumius & Torquatus filios, quia patrum iniussu contra hostem ierant, quamuis victores & hostium spoliis opimos: tamen securibus percusserint, ipsique naturae ac patrio amoris maiestatis atque imperij prætulerint. Ac Cæsar (ait Suetonius, militem pari seueritate atque indulgentiâ tractabat: non enim ubique nec semper, sed cum hostis in proximo esset, coercerebat: Tum maximè exactor grauisissimus disciplinæ delicta neque obseruabat omnia, nec pro modo exequabatur, sed desertorum ac seditiosorum & inquisitor ac punitor acerrimus, conuiebat in cæteris: Itaque duabus cladibus vno die acceptis, ut est libro tertio belli ciuilibus, Cæsar habita concione, nonnullos signiferos ignominiâ notauit ac loco mouit: Sic Africano bello, præfectos quosdam (quorum negligentiam, militum naus amissa esset) ignominiae causam dimittendos ab exercitu, grauisimumque in eos edictum proponendum, curauit. Ac eodem bello exemplum illud est exauthorandi militis in poenâ maleficii commissi cum nona & decima legiones à Sicilia in Africam exponuntur: His enim legionibus expositis, Cæsar (ait Hircius) memor in Italia pristinae licentiae militaris ac rapinarum certorum hominum, paruulam modò caussulam nactus, quod

quodd C. Auienus Tribunus militum decimæ legionis , nauem commeatu familiæque sua atque iumentis occupauisset , neque militem vnum à Sicilia sustulisset , postero die de suggestu conuocatis omnium legionum Tribunis Centurionibusque , Maximè vellè (inquit) homines suæ petulantix nimixque libertatis aliquando finem fecissent , meæque lenitatis , modestiæ , patientiæque rationem habuissent : Sed quoniam ipsi sibi neque modum neque terminum constituunt , quo cæteri dissimiliter se gerant , egomet ipse documētum more militari constituā . Quapropter C. Auiene , quòd in Italia milites populi Romani contra Rempub. instigasti , rapinæque per municipia fecisti , quòdque mihi reique publicæ inutilis fuisti , & pro militibus tuam familiam iumentaque in naues imposuisti , tuæque opera militibusque tempore necessario Respub. caret ob eas res ignominix causâ ab exercitu meo te remoueo , hodièque ex Africa abesse , & quantum potes proficisci iubeo . Itémque te A. Fonteï , quòd Tribunus militum seditiosus malûque ciuis fuisti , ab exercitu dimitto . T. Alliene , M. Tiro , C. Clusiane , cum ordines in meo exercitu beneficio non virtute consecuti ita vos gesseritis , vt neque bello fortes neque pace boni aut vtilis fueritis , & magis in seditione concitandisque militibus aduersariorum nostrorum imperatoris , quàm pudoris modestiæque

fueritis studiosiores, indignos vos esse arbitror  
 qui in meo exercitu ordines ducatis, miserosque  
 facio, & quantum potestis, abesse ex Africa iu-  
 beo. Itaque tradidit eos Céturionibus, & ad sin-  
 gulos non amplius singulis additis seruis, in na-  
 uim imponendos separatim curauit. Quid  
 plura: miles in castris nunquam otiosus sit: hac  
 enim quotidiana exercitatione fiet, ut nihil ma-  
 gis optet, quàm prælium, nihil seditionis mo-  
 ueat. Sic Cæsar cum hostibus appropinquaret,  
 disciplinæ exactor grauissimus erat: Et tamen a-  
 liquando exercitationis huius negligentia, ma-  
 ximam totius exercitus perturbationem euitare  
 non potuit, de qua sic est libro primo, dum pau-  
 cos dies ad Velontionem rei frumentariæ com-  
 meatusque causâ moratur, ex percontatione  
 Romanorum vocibusque Gallorum ac mercatorum,  
 qui ingenti magnitudine corporum Ger-  
 manos incredibili virtute atque exercitatione in  
 armis esse prædicabant, sæpenumero sese cum  
 his esse congressos, ne vultum quidem atque a-  
 ciem oculorum dicebant ferre potuisse, tantus  
 subito timor omnem exercitum occupauit, ut  
 non mediocriter omnium mentes animosque  
 pertubaret. hic primùm ortus est à tribunis mili-  
 tum ac præfectis, reliquisque qui ex vrbe ami-  
 citiæ causâ Cæsarem secuti magnum pericu-  
 lum miserabantur, quod non magnum in re mi-  
 litari vsum habebant, quorum alius alia causâ  
 illata

illata quàm sibi ad proficiendum necessarium esse diceret, petebat, ut eius voluntate discedere liceret: nonnulli pudore adducti, ut timoris suspitionem vitarent, remanebant, hi neque vultum fingere, neque interdum lachrymas tenere poterant, abditi in tabernaculis aut suum querebantur fatum, aut cum familiaribus suis commune periculum miserabantur, vulgò totis castris testamenta obsignabantur: horum vocibus ac timore paulatim etiam hi qui magnum in castris usum habebant, milites Centurionesque, quique equitatu præerant, perturbabantur. Qui se ex his minùs timidos existimari volebant, non se hostem vereri, sed angustias locorum itineris & sylvarum magnitudinem quæ intercederent inter eos atque Ariouistum, aut rem frumentariam ut satis commodè supportari posset, timere dicebant. Nonnulli etiam Cæsari renunciabant, cum castra moueri, & signa ferri iussisset, non fore dicto audientes milites neque propter timorem signa laturos. Sed hanc perturbationem Cæsar eloquentiâ sustulit, partim spem pacis ab hoste, atque etiam si obstinatus esset, victoriæ demonstrando. Cum Germani sæpe, victi essent à Romanis atque etiam à Gallis, quos tamen Romani vicissent; partim militum ignaviam & arrogantiam accusando, qui de imperatoris sui virtute, constantia, consilio atque officio quærerent: denique militiæ desertoribus

## P. RAMI LIBER

supplicium illa ipsa authoritate & seueritate, de qua paulò antè dixi, minitendo: Postremò quòd in longiorem diem collaturus fuisset, repræsentaturum esse, & proxima die de quarta vigilia, castra moturum, vt quamprimum intelligere posset, vtrum apud eos pudor atque officium, an timor plus valeret. Quod si præterea nemo sequatur, tamen se cum sola decima legione iturum, de qua non dubitaret: sibi que eam prætoriam cohortem futuram: Huic legioni Cæsar & indulserrat præcipuè, & propter virtutem confidebat maximè: Itaque illa Cæsaris oratione mirum in modum conuersæ sunt militum mentes, & magna belli gerendi cupiditas innata. Sic in posterum Cæsar diligenter cauit ne per otium, eiusmodi quicquam in castris oriretur. Gallos Tenctheris & Vsipectibus Germanis studere intellexit, vt est quarto libro: Itaque ad consilia capienda nihil spatij dandum existimauit, quin celeriter octo millium itinere cōfecto priùs ad hostium castra peruenit, quàm quid ageretur Germani sentire possent. Otium verò contrarium, vt est secundo belli ciuilis, causam militibus defectionis contra Curionem meditandæ dedit. Quare disciplina militaris in quotidianis ambulationibus & exercitationibus seuerè teneatur, præcipuèque Imperatoris, Legati, Tribuni: Centurionis authoritas seueritasque meditationibus istis appareat: Hic enim

enim miles victoriam meditatur tantòque ideò promptius assequetur quantò diligentius meditatus fuerit . Sit igitur castris positus miles perpetuò paratus & promptus ad dimicandum . Libyci pastoris labores cum legionarij militis laboribus Maro comparauit, quòd vterque dies & noctes ambulet, portet arma, tectum, cibum, protinùsque stet expeditus in opere: Ergo ait,

*Sæpe diem noctémque & totum ex ordine mensem  
Pascitur, idque pecus longa in deserta, sine vllis  
Hospitiis, tantum campi iacet, omnia secum  
Armentarius Afer agit, tectumque larémque,  
Armáque, amyclaumque canē, cressámque pharetrā:  
Non secus ac patriis acer Romanus in armis  
Iniusto sub fasce viam dum carpit, & hostem  
Ante expectatum positus stat in agmine castris.*





# T E R T I A

## P A R S.



PPARATVM & castra diximus, reliquus est prælij congressus, de quo varia præcipi solent à magistris huius doctrinæ: quatuor autem communia sunt, in præliis considerata & comparanda, vires, locus, ordo, cohortatio: quorum ratio à Cæsare diligenter habita est. In obeundis expeditionibus (ait de Cæsare Suetonius) dubium cautiôrne an audentior fuerit. Ego verò ex ipsius rebus gestis fortissimum quidem, sed partibus infinitis prudentiorem statuere possum: Vires igitur quæ satis essent ad victòriam semper habuit. Itaque si quando maiores hostium vires fuerunt, pugnâ abstinuit: Sic cùm propè trecēta Belgarum milia vno tempore armata essent, & castra à millibus passuum minùs duobus contra ipsius castra posuissent, Cæsar quamvis octo plenas legiones haberet: tamen primò propter multitudinem  
hostium

hostium & propter eximiam opinionem virtutis, prælio supersedere statuit. Vercingetorix (vt est septimo libro) octoginta millia peditum, quindecim equitum habebat: Cæsar quamuis decem legiones haberet: tamen quod hostes equitatu superiores esse intelligebat, dimicare noluit: sed trās Rhenum in Germaniam mittit, equitēsque accersit & leuis armaturæ pedites qui inter eos præliari cōsueuerant. Quot millia? inquires, Cæsar tacet, sed tot, inquam, existimato, quot ad victoriam sufficere statuerit: ac iam cū viribus equitum responder, tum demum præliatur. Cum Pompeio, cum Scipione non antè dimicauit quàm totæ copię transportatæ essent. Quinetiam, si dimicare cogeretur, ne cū maiore multitudine dimicaret id callidè agere consuevit, vt hostium copias distraheret, ac dissipatas, faciliùs vinceret: Sic, ne contra trecenta illa Belgarum millia vno tempore configere cogeretur, Diuitiacum Heduum cum Heduis copiis in Bellouacorum (quorum sexaginta delecta millia in Belgarum castris erant) fines ad hostium manus distinendum ac distrahendum ab se dimisit, ac Bellouacis, cū eorum finibus Hedui appropinquarent, persuaderi non potuit vt diutiùs cum reliquis Belgis morarentur. Aduersus Ambiorigem, disciplinæ consilium idem est. Ambiorix rex Eburonum legatos Cæsarís Cottam & Sabinum cum toto exercitu deleue-

rat, sed facinoris sui defensores permultos habebat, Neruios, Aduaticos, Menapios, Germanos, Senones, Carnutes. Cæsar ut hanc cladem indignissimè tulit, ita grauissimè vindicandam statuebat, atque ideo omnia priùs Ambiorigi auxilia detrahenda, quò faciliùs destitutum opprimeret: Itaque Cæsar ipse cum quatuor legionibus hyeme nondum confectâ Neruios improuisos & inopinantes, in deditiōem cōegit: Senones & Carnutes partim concilio Galliæ publico, partim celeritate & legionum terrore cōpescuit, Menapios quinque legionibus subegit, per Labienū Treuiros deiecta Induciomari factiōe, & Cingetorigi principatu reddito, recepit, copiisq̃ue omnibus cōactis Germaniam teruit: atque ita demum Ambiorigis fines omnibus auxiliis nudatos spoliauit pròque libidine vexauit. Quamobrem, ut in cæteris contentiōnibus, sic in bello ne Hercules quidem contra duos: Itaque istam quoque prudentiam Cæsar habuit, ut hostium vires viribus æquaret. Ac quod Vegetius è veterum authorum aliquo descripsit, in Consulari exercitu legiones duabus plures non fuisse, id de Consule vnus prouinciæ rectore accipiendum: At Cæsar, duas Gallias initiō habuit: Itaque legiones quatuor à Repub. primo anno accepit, & cū prouincias bello plures appeteret, duas Heluetico bello addidit, sexque tum legiones habuit: secūdo deinceps octo, reliquis

reliquis annis decem præter auxilia annuâque supplementa ascriptiuorû (vt appellat Varro,) qui ascribebantur inermes, vt succedèrent armatis militibus, si quis eorum deperisset: qui numerus videtur duodecim cohortium fuisse, vt sexto commentario ad Rheni pontem: vbi præter decem legiones, numerantur etiam cohortes duodecim: Legiones verò Cæsaris in commentariis belli Gallici disertè nominantur prima, septima, octaua, nona, decima, vndecima, duodecima, decimatertia, decimaquarta, decimaquinta. Et Cicero ad Atticum de Cæsaris copiis ad bellum ciuile, Video (ait) illac facere legiones vndecim. Quantæ vero decem legionum vires fuerint, ostendit illa vox Cæsaris Hispaniensi bello Lusitanos accusantis, An me delecto, nō animaduerbatis decem habere lectas quidē legiones, populum Romanū, quæ non solum vobis obistere, sed etiam cælum diruere possent? Quin, vt Liuius libro vicesimo prodidit, populus Romanus sociorum latinique nominis trecenta millia ad Gallos Italiæ aditu prohibendum vno tempore armata sunt, vnde satis cōstat exercitus modum ex hostium numero metiēdum esse: Quinetiam Cæsar exercitus mediocres locis diuisis plures habere maluit, quàm vnicum permagnum & vno loco cōiunctum: vt bello Venetico plurimæ nationes agitatz in Romanos, cum Venetis coniurauerat, Curiosolites, Osissimi, Nannetes,

Diablintres, Vnelli, Lexobij, Eburones, Morini, Menapij. metuebantur etiam Aquitani, Germani, Britanni: Gallorum etiam reliquorum motus timebatur. Ergo Cæsar, tametsi octo legionibus & duodecim cohortibus legionariis armatus esset: quamuis etiam Belgæ omnes victi propemodum, aut pacati essent, Celtæ reliqui factione aliqua sociati essent: partiendum sibi tamen ac latius distribuendum exercitum putauit, ut cum paucioribus hostium reliquorum copiis facilius dimicaret: Itaque T. Labienum legatum in Treuiros, qui proximi flumini Rheno sunt, cum equitatu mittit, huic mandat, Rhemos reliquosque Belgas adeat atque in officio contineat, Germanosque qui auxilio à Belgis accersiti dicebantur, si per vim nauibus flumen transire conentur, prohibeat: Publ. Crassum cum cohortibus legionariis duodecim & magno numero equitatus, in Aquitaniam proficisci iubet, ne ex his nationibus auxilia in Galliam mittantur ac tantæ nationes coniungantur. Q. Titurium Sabinum Legatum cum legionibus tribus in Vnellos, Curiosolitas Lexobiosque mittit, qui eam manum distinendam curret. Decium Brutum adolescentem classi gallicisque nauibus quas ex Pictonibus & Santonis reliquisque sociorum Celtarum regionibus conuenire iusserat, præficit, & cum primum posset, in Venetos proficisci iubet, ipse

eò pedestribus copiis contendit. Quare videtur Cæsar eo bello copiarum numero superior fuisse, & hostium copias ita distraxisse, vt faciliùs vinceret.

## L O C V S.

Cæsaris disciplina prudentiâque in viribus copiarum perspecta est: potest par & eadem in loco futuri prælij perspicî: nec enim minus de prælij loco, quàm de militum viribus securus esse voluit: Superiorem autem Cæsar optauit: ventum etiam & solem congruentem doctores addiderunt. Clara sunt huius prudentiæ ac multa in commentariis exempla, Cæsar contra Pharnacem regem Ponti castrâ editissimo colle fecerat, cum spatio non amplius mille passuum intercisâ vallis, castra hostis diuideret: Itaque cum interposita tanta locorum iniquitate Pharnaces Cæsarem esset aggressus, celerrimè superatus est, vt Cæsar, hostis primùm inanem ostentationem, quam putabat irriferit, postea verò incredibilem temeritatem sit admiratus, & eò loci productâ aciem, quem in locum nemo sanus hostis subiturus esset. At verò longè aliter Cæsar, vbi Vercingetorigem cum omni equitatu expeditisque peditibus à castris abesse cognouisset, mediâ nocte, silentio profectus ad hostium castra, manè peruenit. Illi celeriter per exploratores ad-

P. RAMI LIBER

uentu Cæsaris cognito, carros impedimentaque  
sua in arctiores sylvas abdiderunt, copias om-  
nes in loco edito atque aperto instruxerunt: Quâ  
re nunciata, Cæsar celeriter sarcinas conferri,  
arma expediri iussit. Collis erat ab infimo leni-  
ter accliuus: hunc ex omnibus ferè partibus pa-  
lus difficilis atque impedita cingebat non latior  
pedibus quinquaginta: hoc se colle interruptis  
pontibus, Galli fiducia loci continebant, om-  
niâque vada ac saltus eius paludis certis custo-  
diis obtinebant, sic animo parati ut si eam palu-  
dem Romani percurrere conarentur, hæsitantes  
premerent ex loco superiore: Indignantibus  
autem Romanos quòd conspectum suum hos-  
tes ferre possent tantulo spatio interiecto, & si-  
gnum prælij exposcentes, Cæsar edocet quanto  
detrimento & quot virorum fortium morte ne-  
cesse esset constare victoriam, quos cum sic ani-  
mo paratos videret ut nullum pro sua laude pe-  
riculum recusarent, summæ se iniquitatis con-  
demnari debere, nisi eorum vitam sua laude ha-  
beat chariorem: sic milites consolatus, eodem  
die reducit in castra. Hoc idem factum Cæsar  
postea in castiganda militum cupiditate, qui  
iniquo ad Gergouiam loco magnum pericu-  
lum adiissent, repetiuit: Cum ad Auaricum si-  
ne duce & sine equitatu deprehensis hostibus,  
exploratam victoriam dimisisset ne paruum mo-  
do detrimentum in contentione propter ini-  
quitatem

quitatem loci accideret. Secundum eiusdem prudentiæ exemplum est libro octauo, Bello-uaci locum castris excelsum impedita circumdatum palude delegerant: impedimenta omnia in vteriores syluas contulerant, cùmque Cæsar instructa acie contra stare, copias instruunt pro castris, nec loco superiore decedunt. Cæsar tametsi dimicare optauerat: tamen admiratus tantam multitudinem hostium valle intermissâ, magis in altitudinem depressa, quam late patente, castra castris hostium confert. Hinc prudentiam eandem, nullam audaciam vides: deinde cùm pontibus palude constrata, legiones traduxisset, aciem constituit eo loco vnde tormento missa tella in hostium cuneos coniici possent: Bellouaci confisi loci naturâ cùm dimicare non recusarent, si fortè Romani subire collem conarentur, in acie permanserunt. Quorum pertinaciâ cognitâ Cæsar prælio abstinet, eo loco castra metatur. Ergo in his exemplis clara rei militaris scientia demonstratur. Ac si natura ipsa superiorem situ locum denegaret: arte tamen Cæsar efficiebat, vt contra Belgas secundo libro, Collis vbi cæstra posuerat, paululum ex planitie editus, tantum aduersus in latitudinem patebat, quantum loci acies instructa occupare poterat, atque ex vtraque parte lateris deiectus habebat, & in frontem leniter fastigiatus paulatim ad planitiem redibat: ab



## P. RAMI LIBER

utroque latere eius collis, & transversam fos-  
 sam obduxit circiter passuum quadringento-  
 rum & ad extremas fossas castella constituit ibi-  
 que tormenta collocavit, ne cum aciem instru-  
 xisset, hostes qui tantum multitudine poterant,  
 à lateribus pugnantes Romanos circumvenire  
 possent. Hoc facto, duabus legionibus quas  
 proximè conscripserat in castris relictis, ut si  
 quo opus esset subsidio duci possent, reliquas  
 sex legiones pro castris in acie constituit: hostes  
 item suas copias è castris eductas instruxerunt.  
 Palus erat non magna inter Romanorum &  
 hostium exercitum: hanc si Romani transirent,  
 hostes expectabant. Romani autem, si ab illis  
 initium transeundi fieret, ut impeditos aggre-  
 derentur, parati in armis erant. Interim prælio  
 equestri inter duas acies contendebatur: Vbi  
 neutri transeundi initium faciunt, secundiore  
 equitum prælio, Cæsar reduxit suos in castra,  
 Hæc Cæsar in speciem magnifica virtutis o-  
 stentatio fuit, reuera simulatio prudentiæ ple-  
 nissima fuit: Acies enim sic instructa velut in  
 castris unita tantum porta aperta cum hostibus  
 prælium commissura fuit: Castra enim erant à  
 tergo, fossæ & vallum ab utroque latere, ut à  
 fronte tantum dimicari posset. Quamobrem tam  
 multis documentis manifestum est Cæsaris iu-  
 dicium, quantus victoriæ artifex & machina-  
 tor sit locus: Sed cum dolo gerenda res est, lo-  
cus

cus sine dubio est omnium insidiarum receptor & fabricator improbissimus: tùmque virium ratio minor habetur, tanquam locus ipse multorum militum numero habeatur: Ergo huic iniquitati ne Romani quidem ipsi pares esse potuerunt. Romanarum ad Varutam quindecim cohortium tantâ militiæ disciplinâ eruditarum, & quidem hostibus numero, ut Cæsar confitetur, parium: attramen loci iniquitate ab Eburonibus circumuentarum, internecio facta est: Collocatis enim insidiis bipartitò, in sylvis opportuno atque occulto loco, Romanorum aduentum Eburones expectabant. Cùm se pars Romani agminis in magnam conuallem demisisset, ex utraque parte eius vallis, subitò sese ostenderunt, nouissimòsque premere & primos prohibere ascensu præliumque committere cœperunt procul rela coniiciendo, impetum facientibus velocissimè cedendo, interimque nudatos, ab latere aperto feriendo: denique reuertentes circumsistendo tandem omnes interemerunt. Quamobrem intelligimus quas vires locus habeat. Stulta verò & anili superstitione, locorum circumstantia quæritur. Mithridates Romanos eo loco vicerat, vbi Cæsar castra postea posuit, Pharnaces Mithridatis filius eandem loci felicitatem sibi proposuit: Itaque auspiciis & religionibus inductus misera clade eodem loco deletus est: Talis est in

## P. RAMI LIBER

in tempore vanitas dierum Romanis atrorum  
& infeliciū . Hæc superstitio Ariouistum Ger-  
manorum regem perdidit : Nam cū quæ-  
reret Cæsar quamobrem Ariouistus prælio non  
decertaret, hanc reperiēbat causam, quod apud  
Germanos ea consuetudo esset , vt matres fa-  
miliæ eorum sortibus & vaticinationibus de-  
clararent, vtrum prælium committi ex vsu esset  
necne : eas ita dicere , non esse fas Germanos  
superare, si ante nouam lunam prælio contē-  
dissent. Quid igitur ? vtrum superstitionis hu-  
ius tanquam certi in hoste timoris occasionem  
Cæsar ignorauit, vtrum contempsit ? imò ve-  
rò postridie eius diei instructâ acie, vsque ad cæs-  
tra hostium accessit, eosque ad pugnam per-  
tractos deleuit . At Cæsar, ait Suëtonius, nul-  
la vnquam eiusmodi religione à quôquam in-  
cœpto absteritus vel retardatus est . At tem-  
poris circumstantia vnâ cum loco in bellis verè  
considerari illa solet: quod præcipuum sit æstiuū  
maturis frugibus: belli tamen gallici annis quin-  
to, sexto, septimo, octauo Cæsar summis hyemis  
difficultatibus res maximas confecit . Diurnum  
tēpus præliis aptius creditur, & id in commēta-  
riis ita traditum est primo belli ciuilis, nocturnâ  
prælia esse vitandâ, quod perterritus miles in ci-  
uili dissensione timori magis quâ religioni con-  
sulare consueuerit: At lucem multum per se pu-  
dorem omnium oculis, multum etiam Tribu-  
norum

norum militum & centurionum præsentiam af-  
 ferre: quibus rebus coërceri milites & in officio  
 contineri soleant. Atque id consilium est Pom-  
 peianorum Cæsaris hostium: At Cæsaris ipsius  
 consilium tale est. Alexandrino bello, Alexan-  
 drini Cæsari redeunti, cum classe occurrerunt,  
 qui duabus de causis eo die dimicare nolebat;  
 quod & nullos milites in nauibus habebat, &  
 post horam decimam dici res agebatur: nox au-  
 tem allatura videbatur maiorem fiduciam illis  
 qui locorum fiducia confidebāt: sibi etiam hor-  
 tandi suos auxilium defuturum, quod nulla sa-  
 tis idonea esset hortatio, quæ neque virtutē pos-  
 set notare, neque inertiam. Sic nox Africano  
 bello & ventus accusantur: Quod ni in noctem  
 prælium esset coniectum, ait Hircius, pulvisque  
 vento flatus, omnium prospectibus offecisset,  
 Iuba cum Labieno capti, in potestatem Cæsaris  
 venissent, equitatusque cum leui armatura fun-  
 ditus ad internecionem deletus esset: quo ta-  
 men Cæsar tum usus est, cum illud à Pompeia-  
 nis deliberatur: sic aliàs sæpe: & nocturnū Pom-  
 peij cōtrā Mithridatem prælium, nobilissimam  
 hac ipsa temporis occasione victoriam peperit,  
 cum luna quasi commilitans, à tergo hostibus, à  
 facie Romanis se præbuisset: Pontici per erro-  
 rem longiùs cadētes umbras suas quasi hostium  
 corpora petebant, & Mithridates quidem nocte  
 illa debellatus.

## P. RAMI LIBER

Ordinis ratio succedit apud Liuium vno præcipuè octauì libri loco, sed satis obscurè de duorum Consulum coniuncto exercitu propositus in triplici acie hastatorũ, principum, triariorum: in vnaquaque autem acie leuem & grauem armaturam collocat: leues, qui hastam tantum gæssaque gererent: trecentos in hastatis, totidem in principibus, quos utròsque antepilanos appellat: Sed grauis & in hastatis & principibus armaturæ numerum non habet: in tertia acie viginti quinque millia centum & decem statuit, ac distribuit æqualiter in triarios, grauitè armatos & leuiter armatos rorarios & accensos, vt in tertia quaque parte sint octo millia trecenti septuaginta: Sic autem Liuius loquitur, Prima acies, hastati erāt, manipuli quindecim, distantes inter se modicum spatium: manipulus leues videnos milites, aliam turbam scutatorũ habebat: Hæc prima frons in acie florem iuuenum pubescentium ad militiam habebat: Robustior inde ætas totidem manipulorum, quibus principibus est nomen: hos sequebantur scutati omnes insignibus maximè armis: hoc xxx. manipulorum agmen, antepilanos appellabāt, quia sub signis iam alijs quindecim ordines locabantur, ex quibus ordo vnusquisque tres partes habebat: earum vnāquāque primum pilum vocabāt: tribus ex vexillis constabat: vexillū CLXXXVI homines erant: Primum vexillum triarios ducebat,

bat, veteranum militem spectatæ virtutis: secundum rotarios, minus roboris ætate factisq; : tertium accensos, minimæ fiduciæ manum, eo & in postremam aciem reiciebantur: Vbi his ordinibus exercitus instructus esset, hastati omnium primi pugnam inibant: si hastati profligare hostem non possent, pede presso eos retrocedentes in intervalla ordinum principes recipiebant: tum principum pugna erat: hastati sequebatur, triarii sub vexillis confidebant sinistro crure porrecto, scuta innixa humeris, hastas sub erecta cuspidē in terra fixas, haud secus, quàm vallo septa, inhorreret acies, tenentes. Si apud principes quodque haud satis prosperè esset pugnatum, à prima acie ad rotarios sensim referébatur. Inde rem ad triarios redisse, cùm laboratur, proverbio increbuit. Et sic Varro triarios dictos esse ait, quod in acie tertio ordine extremis subsidio deponebantur. Triarii cōsurgentes vbi in intervalla ordinū suorum principes & hastatos recepissent, extemplo compressis ordinibus velut claudebāt vias, vnōque continente agmine, iam nulla spe post relicta, in hostem incedebant: id erat formidolosissimum hosti, cùm velut victos insecuti, novam repente aciem exurgentem, auctam numero cernebant. Hactenus Liviū de triplici Romanorum acie, vt in hastatis flos esset iuventutis, in principibus robustior ætas, in triariis spectatior virtus, vt ordinēs mili-

tia loco pariter & virtute cresceret, robusti milites hastati, robustiores hastatis principes, robustissimi omnium triarii. Sed eodem deinceps Liuij loco est prelij administratione, res tota plenius intelligitur, cum Latini pari militie disciplina aduersus Romanos preliantur, nec vexilla cum vexillis tantum vniuersi hastati cum hastatis, principes cum principibus, sed Cetrurio cum Centurione, si turbati ordines non esset, concurrendum sibi esse sciebat: Primum igitur utrumque, æquis viribus, eodem ardore animorum gerebatur res: deinde ab lauo cornu hastati Romani non ferentes impressionem Latinorum, se ad principes recepere, tum Decio Consule altero pro legionum, romanorum victoria diis superis inferisque deuoto consternatæ cohortes Latinorum, fugam ac vastitatem late fecerunt. Simul & Romani exolutis religionis animis, velut tum primum signo dato cohorti, pugnam integram ediderunt: nam & rorarii procurrebant inter antepilanos, addiderantque vires hastatis ac principibus. Et ille ros videlicet fuit, unde nomen habent, ait Varro, qui bellum committebant ante: ideo quod ante rorat, quam pluit. At triarii genu dextro innixi, nutum Consulis ad consurgendum expectabant: procedente deinde certamine, cum aliis partibus multitudo superaret Latinorum, Manlius Consul audito euentu Collegæ, cum ut ius fasque erat, lachrymis non minus quam laudibus debitis

debitis profecutus tam memorabilem mortem  
 esset, paulisper addubitauit an consurgendi iam  
 triariis tempus esset : deinde melius ratus inte-  
 gros eos ad vltimum discrimen seruari, accen-  
 sos ab nouissima acie, ante signa procedere iu-  
 bet: Qui vbi subiere; ex templo Latini, tanquam  
 idem aduersarij fecissent, triarios suos excitaue-  
 runt: qui aliquandiu pugna atroci cùm & semet  
 ipsi fatigassent, & hastas aut præfregissent aut  
 hæbetassent, pellerent vi tamen hostem, debella-  
 tum iam rati, peruentumq; ad extremam aciem:  
 tum Consul triariis, Consurgite nunc, inquit,  
 integri aduersus fessos, memores patriæ paren-  
 tumque & coniugum ac liberorum, memores  
 Consulis pro vestra victoriâ morte occubantis.  
 Vbi triarij consurrexerunt integri refulgentibus  
 armis, noua ex improviso exorta acies, receptis  
 in interualla ordinum antepilanis, clamore su-  
 blato principia Latinorum perturbant: Hastis-  
 que, ora fodientes, primo robore virorum cæso,  
 per alios manipulos velut inermes prope intacti  
 euasere, tantâque cæde perrupere cuncos, vt vix  
 quartam partem relinquerent hostium. Sic igitur  
 prælium Romanorû aduersus Latinos à Li-  
 uio narratur, vnde pugna hastatorum prima, se-  
 cunda principum, tertia tertiæ aciei, sed ita vt  
 rorarij inter antepilanos primò procurrant: de-  
 inde etiam accensi eodem procedant, vt tum  
 denique viribus hostium vel exhaustis vel debi-



## P. RAMI LIBER

litatis, integri & recentes triarij pugnam capeferent. Polybius eundem ordinem describit apertius, legionem quadrifariam diuidit in pilanos minimos natu, hastatos iis proximos ætate, principes florentissimis annis, triarios maximos natu, pilanos quidem hastatosque & principes millenos ducenos: triarios autem sexcentos. Si maior fiat legio, proportionem partes augentur, exceptis triariis, quos semper efficiunt pares. Hæc Polybius paulò clarior Liuius. Sed in omnibus commentariis rerum à Cæsare gestarum vix semel hastati & principes, triarij autem, rorarij, accensi, omninoque pilani vel antepilani ne vix quidem nomen inuenies: Nec omnino ordinis huius vlla significatio in tot Cæsaris præliis indicatur, siue id tanquam notissimum, de industria prætermissum sit, siue aliam quandam militiæ disciplinam Cæsar habuerit: quod prælia ipsa magis videntur declarare, in quibus milites veterani primos præliorum impetus sustinent, tyrones ferè collocantur in subsidiis, ut suo tempore dicetur. An verò vterque ordo simul seruari potuit, ut in vnaquaq; Cæsaris acie, imò legione, hastati & principes cum suis antepilanis: triarij cum suis rorariis & accensis distinguerentur, & tamen prima acies veteranos, postrema tyrones tanquam rorarios vel accensos haberet? Dicam quod in Cæsare animaduerti. Ordo aciesque prius instruatur, quàm hostis adueniat:

niat : Ita tamen , vt nunquam totis viribus vno tempore dimicaretur , sed pars cetera extra prælium idoneo loco referuaretur , vnde laborantibus subsidium summitti possit : Id enim Cæsarem summo studio prouidisse eoque præcipue vicisse diligenter attendenti manifestum est : alios in Cæsare triarios non inuenio . Acies autem variatur numero & figurâ numero simplex , duplex triplex , quadruplex appellatur . Africano bello contra Labienum Cæsar aciem simplicem dirigit , vt poterat , propter paucitatem . Sagittarios ante aciem constituit , equites dextro sinistroque cornu opponit , & ita præcipit , vt prouiderent ne multitudine equitatus hostium circumuenirentur . Crassus autem aduersus Aquitanos duplicem aciem instruxit , auxiliis in mediam aciem collocatis : At Cæsar ferè quoties leuiore numero æquas vires habuit , aciem triplicem instruit : Sic acie triplici instructâ , ad Ariouistum contendit , & acie triplici contra eum dimicauit : Acie triplici instructâ , ad Vespertum & Tenctherorum castra peruenit : Contra Scipionem in Africa triplex acies à manè ad vespertam instructa constitit , neque tamen dimicauit : Postea verò ad Thapsum vbi Scipio victus est , Cæsar aciem quadruplicem habuit . Ergo sic numero variatur acies : Figura autem cuneata , quadrata , rotunda appellatur : Cuneus est dimidiatus rhombus & transformatus in triquetrum valétque ad per-

rumpendum hostiū aciem : Sic tres Cæsaris cohortes ad Varutā duo Sicambrorum equitum millia perruperunt & incolumes in castra redierunt : Cæsar penè quadrato agmine in conspectum Bellouacorum processit, ait Hircius : hac autem formâ, Cæsaris prælium nullum in commentariis formatū est. Sed orbis, vt inter figuras pulcherrimus, sic in vsu militari præstantissimus est. Trecentos legionarios Morini solos & à reliquis copiis seiunctos nacti, primò non ita magno suorum numero circumstiterunt, ac si sese interfici nollent, arma ponere iusserunt, Cùm illi orbe factò sese defenderent, celeriter ad clamorem hominum circiter millia sex conuenerunt : Quā re nunciatâ Cæsar omnem è castris equitatū suis auxilio misit. Interim Romani milites impetum hostium sustinuerunt, atque amplius horis quatuor fortissimè pugnaverunt, & paucis vulneribus acceptis, complures ex his occiderunt. Secundum exemplum nobis erit de Domitij (qui Cæsaris Legatus erat) fuso exercitu à Pharnace rege Ponti, Cùm victrices regis copię se conuerterent ad trigessimam sextam legionem, ea magnis hostium copiis circumdata, præsentissimo animo pugnans, in orbem se recepit ad radices montium quò Pharnaces insequi propter iniquitatem loci noluit. Quare legio vnica, victorem totum exercitum, artificio orbis sustinuit ab eoque incolumis euasit, Atque

qui tamen quinto libro videtur à Cæsare orbis reprehendi, quo Cotta & Sabinus Cæsaris legati, ab Eburonibus circumuenti, vñ essent, Cùmque, ait Cæsar, propter longitudinem agminis non facilè per se omnia obire, & quid quòque loco faciendum esset, prouidere possent, iusserunt pronuntiari vt impedimenta relinquerentur, atque in orbem consisterent: Quod consilium (etsi in eiusmodi casu reprehendendum non est) tamen incommodè accidit: Nam & Romanis militibus spem minuit, & hostes ad pugandum alacriores effecit, quòd non sine summo timore & desperatione id factum videbatur. Equitatus Labieni suorum multitudine confusus, Cæsaris paucitatem circumire conatur: Cùm equites Cæsaris pauci, multitudine hostium defessi, equis conuulneratis paulatim cederent, hostis magis magisque instabat. Ita puncto temporis, omnibus Cæsaris legionariis ab hostium equitatu circumuentis, Cæsarisque copiis in orbem compulsis, intra cancellos omnes coniecti, pugnare cogebantur, omniumque animi in terrorem coniecti, & maximè tironum: Circumspicere enim Cæsarem, neque amplius facere, nisi hostium iacula vitare. Cæsar interim consilio hostium cognito, iubet aciem in longitudinem quammaximam porrigi, alternis conuersis cohortibus, vt vna post alteram ante signa tenderet. Ita coronam hostium dextro sinistroque cor-

nu , mediam diuidit , & vnam partem ab altera  
 exclusam equitibus intrinsecus adortus , cum pe-  
 dlatu telis coniectis in fugam vertit , neque lon-  
 giùs progressus , veritus inlidias , se ad suos reci-  
 pit: Idem altera pars equitum peditumque Cæ-  
 sariis facit. Orbis igitur has vires habet ad resis-  
 stendum ad excedendum: At si par esse non pos-  
 sit , ad rectam lineam , cuius conuersione factus  
 est , tanquam ad principiũ reductus , extremam  
 salutem ostendit. Prælium verò aduersus infir-  
 missimam hostiũ partem nostra firmissima par-  
 te inchoëtur. Leuis armatura prouocet hostem  
 victumque persequatur : Impar , ad grauem ar-  
 maturã sese recipiat , prælium excipiat grauis ar-  
 matura : hic enim murus ahæneus est statariã-  
 que legionis pugna , quæ si vicerit , victum ho-  
 stẽ leuis armatura persequatur. Sed tamen quod  
 de copiis , quod de loco fecimus : sic etiam con-  
 traria neglecti ordinis exempla proferantur :  
 Cõfusio nempe tam grauis aduersaria est , quàm  
 numeri paucitas , quàm loci cuiusuis iniquitas :  
 Sic Belgæ dissipati cæduntur à Cæsare , contra  
 quos acie compositos , dimicare veritus est : hi  
 dicessu constituto , secundã vigiliã magnò cum  
 strepitu ac tumultu castris egressi nullo certo  
 ordine neque imperio cum sibi quisq; primum  
 itineris locũ peteret & domum peruenire pro-  
 peraret , fecerunt vt consimilis fugæ profectio  
 videretur. Hac re statim Cæsar per speculatores  
 cogni-

cognitiâ, insidias veritus, quòd qua de caussa discederent nondum perspexerat, exercitum equitatumque castris continuit: Primâ luce confirmatâ re ab exploratoribus, omnem equiratum qui nouissimum agmen moraretur, præmisit eique Q. Pedium & L. Aurunculeium Cottam Legatos præfecit, T. Labiennum Legatum cum Legionibus tribus subsequi iussit: Hi nouissimos adorti & multa millia passuum persecuti magnam multitudinem eorum fugietium conciderunt. Cùm ab extremo agmine hi ad quos ventum erat consisterent fortiterque impetum Romanorum militum sustinerent, priores quòd abesse à periculo viderentur, neque vlla necessitate neque imperio continerentur, exaudito clamore, perturbatis ordinibus omnes in fuga sibi subsidium ponerent: ita sine ulla periculo tantam eorum multitudinem Romani interfecerunt, quantum fuit diei spatium, sub occasumque solis sequi destiterunt, seque in castravti erat imperatum receperunt: Sic in præliis Pharsalico, Pontico, Africano, Hispaniensi simulatque interruptus est ordo, nil est nisi paucor, fuga, caedes: Miserum verò prælij genus est, cùm viribus & loco inferiores, etiam dissipati & confusi deprehendimur: cuius generis exempla duo sunt insignia, alterû primò, alterum secundo libro. Agrum ratibus ac lintribus iunctis Heluetij transibant. Vbi per exploratores Cæsar

## P. RAMI LIBER

certior factus est tres iam copiarum partes, Heluetios id flumen trāsduxisse, quartam verò partem circa flumen Ararim reliquam esse: de tertiā vigilia cum legionibus tribus è castris profectus ad eam partem peruenit, quæ nondum flumen transierat: Eos impeditos & inopinantes aggressus, magnam partem eorum concidit, reliqui sese fugæ mandarunt atque in proximas sylvas abdiderunt. Hoc exemplum primum est, alterum secundo libro describitur. Belgæ cùm Cæsar illis æquā pugnandi conditionem non faceret, protinùs ex eo loco ad flumen Axonam contendunt, ibi vadis repertis, partem suarū copiarū tradūcere cōnati sunt. Cæsar certior factus à Titurio, omnem equitatum & levis armaturæ Numidas funditores sagittariosque pontem traducit. atque ad eos contendit, acriter in eo loco pugnatū est: Hostes impeditos, Romani in flumine aggressi magnum eorum numerum occiderunt: Per eorum corpora reliquos audacissimè transire cōnantes, multitudine telorum repulerunt. Primos, qui transierant, equitatu circumuentos interfecerunt. Sed in hoc toto inopinati & improuisi prælij genere, celeritas illa, de qua antè in itinere disserui, primas partes obtinet, nec in præliis Cæsaris alias insidias aliūmve dolum ferè comperio. Sic Germanorum ad Mosam quadringenta & triginta millia oppressa sunt, cùm prius ad eorum castra Cæsar peruenisset

nisset quàm quid ageretur sentire possent: Sic sexto libro hyeme nondum confectâ & Neruij & Senones inopinantes priusquam conuenire aut profugere possent, oppressi sunt: Sic Aruerni hyeme summâ Gebennæ altitudine & niuibus, quibus sese tutos arbitrâbantur, celeritate superatis, parua manu latissimè peruagata perterriti eorûmque copiæ, quod vsu venturum Cæsar opinione præceperat, è Biturigû finibus reuocata: Eadem celeritate Bituriges cùm coniurationem meditarentur, imparati & priusquam in oppida confugere possent, equitatu circunuenti, intereâq; vulgatæ illud incursionis signum, quod incendiis ædificiorum intelligi consuevit, interdicto sublatum, ne aut copia pabuli frumentique deficeret, si longiùs progredi veller, aut hostes incendiis terrentur, tantâq; celeritate omnibus locis Cæsar occurrit, vt nulli ciuitati, spatium de aliena potiùs quàm de domestica salute cogitandi dederit, qua celeritate & fideles amicos retinebat, & dubitantes, terrore ad conditiones pacis adducebat. Pompeiani Petreius & Afranius noctu proficiscendum non putant: At Cæsar exploratis regionis, albente cælo, omnes copias castris educit, magnôque circuitu nullo certo itinere exercitû ducit: Nam quæ itinera ad Iberum pertinebant, castris hostium oppositis tenebantur, ipsi erant transcendendæ valles maximè ac difficillimè: saxa multis locis præ-



## P. RAMI LIBER

rupta iter impediabant, ut arma per manus necessariorum traderentur, militesque inermes subleuaretque alij ab aliis, magnam partem itineris conficerent. Sed hunc laborem recusabat nemo, quod cum omnium laborum finem fore existimabant, si hostem Ibero intercludere & frumento prohibere potuissent: Ac primò Afranianī milites visendi causā, lati ex castris procurrebant contumeliosisque vocibus prosequerentur Cæsarianos necessarii victus inopia coactos fugere. Erat enim iter à proposito diuersum contrariamque in partem iri videbatur: Duces verò eorum, consilium suum laudibus ferebant, quod se castris tenuissent: multumque eorum opinionem adiuuabat, quod sine iumentis impedimentisque ad iter profectos videbāt, ut non posse diutius inopiam sustinere cōfiderent: Sed ubi paulatim retorqueri agmen ad dextram cōspexerunt, iamque primos, superare regionem castrorum animaduertent, nemo erat adeo tardus aut fugiens laboris, quin statim castris exeundum atque occurrendum putaret. Conclamatur ad arma atque omnes copiarum paucis praesidio relictis cohortibus exeunt, rectoque ad Iberum itinere contendunt. Erat in celeritate, omne positum certamen utri prius angustias montesque occuparent. Sed exercitum Cæsaris, viarum difficultas tardabat. Afranij copias, equitatus Cæsaris insequens morabatur: Res tamen

ab

ab Afranianis huc erat necessariò deducta, vt si priores, montes quos petebant, attigissent, ipsi periculum vitarent, impedimenta totius exercitus cohortesque in castris relictas seruare non possent: Quibus interclusis exercitu Cæsaris, auxilium ferri nulla ratione poterat: Cōfecit prior iter Cæsar, atque ex magnis rupibus nactus planitiem, in hac contra hostem, aciem instruit, eaque celeritate Pompeianos deditionem facere coëgit. Simillimâ itineris & diligentia & astutiâ Pompeius in Græcia circumuentus est, Cæsar acie instructa decertandi potestatem Pompeio fecit. Vbi illum suis locis se tenere animaduertit, reducto in castra exercitu aliud sibi consilium capiendum existimauit: Itaque postero die omnibus copiis magno circuitu, difficili angustoque itinere, Dyrrhachium profectus est, sperans Pompeium aut Dyrrhachiū compelli, aut ab eo intercludi posse, quòd omnem cōmeatum totiusque belli apparatus eò contulisse, vt accidit: Pompeius enim primò ignorans eius consilium, quòd diuerso ab ea regione itinere profectum videbat, angustis rei frumentariæ compulsum discessisse existimabat: Postea per exploratores certior factus, postero die castra mouit, breuiore itinere se occurrere ei posse sperans: quod fore suspicatus Cæsar, militesque adhortatus vt æquo animo laborem ferrent, parua parte noctis, itinere intermisso manè Dyrrhachium

P. RAMI LIBER

venit, cùm primùm agmen Pompeij procul cerneretur: atque ibi castra posuit. Hic alterum certamen non pugnae vel cædis, sed diligentiae & celeritatis vides, quo Pompeius opportunissima sibi ciuitate interclusus est.

• COHORTATIO.

**E**Rgo hæc de ordine, cohortatio reliqua est, cuius lex à Cæsare Pharsalico prælio laudata & celebrata est. Est quædam, ait, animi incitatio atque alacritas naturaliter innata omnibus, quæ studio pugnae incenditur: hanc non reprimere, sed augere imperatores debent: Neque frustra antiquitus institutum est, ut signa undique concinerent clamorémque vniuersi tollerent: quibus rebus & hostes terreri & suos incitari existimauerunt. Hanc nimirum militiæ legem quarta Philippica Tullius vsurpauit, cùm ad Quirites ita loquitur, Faciam igitur ut imperatores instructâ acie solent, quanquam paratissimos milites ad præliandum videant, ut eos tamen adhortentur, sic ego vos ardentes & erectos ad libertatem recuperandam adhortabor. Quapropter in præliis ut vires, locus, ordo, sic vel maximè cohortatio requiritur, quam verè cotem militaris virtutis appellare possumus: Itaque si quando alacritas animi absterritis militibus defuit, nunquam prælium sibi antè committendum Cæsar existimauit, quàm certa cohortatione confirmasset.

masset. Monuimus antea, quantâ curâ milites, Germanici belli terrore debilitatos recrearit, tū orando (qua facultate plurimum valuit) tum hostem ipsum non in odium modò, sed in contemptum adducendo, vnde tanta præliandi cupiditas incensa est, vt ispo prælij die Romani complures, in hostium phalangem insilerent & scuta manibus reuellerent & desuper vulnarent. Cæsar ad Dyrrhachium aduersis duobus præliis eodem die vsus est: Hîc igitur eloquentia & autoritas eadem adhibita est ad pristinâ alacritatem recuperandum: Concionem apud milites habuit, hortatûsque est ne ea quæ accidissent grauiter ferrent, néue his rebus terrerentur, multisque secundis præliis vnum aduersum & id mediocre opponerent, habendam fortunę gratiam, quòd Italiam sine aliquo vulnere cœpissent: quòd duas Hispanias bellicosissimorum hominum peritissimis atq; exercitatissimis ducibus pacauissent, quòd finitimas frumentariâsque prouincias in potestatem redegissent: denique recordari debere quâ felicitate inter medias hostium classes, oppletis non solum portibus, sed etiâ litoribus, omnes incolumes essent transportati: si non omnia cederent secunda, fortunam esse industriâ subleuandam: quod esset acceptum detrimenti, cuius potius, quàm suæ culpæ debere tribui: Locum se tutum ad dimicandum dedisse, potitum esse hostium castris,

expulisse ac superasse pugnantes: sed siue ipsorum perturbatio, siue error aliquis, siue etiam fortuna, partem iam præsentemque victoriam interpellauisset, dandam omnibus operam, ut acceptum incommodum, virtute sarciretur: quod si esset factum, detrimentum in bonum verteret, uti ad Gergouiam accidisset: atque ij, qui antè dimicare timuissent, vtrò se prælio offerrent. Hac habitâ concione, nonnullos signiferos ignominiâ nôtauit ac loco mouit: Exercitui quidem omni tantus incessit ex incommodo dolor tantumque studium, infamiæ sarcindæ, ut nemo aut Tribuni aut Centurionis imperium desideraret, & sibi quisque etiam pœnæ loco grauiores imponeret labores, simulque omnes arderent cupiditate pugnandi. Cùm superioris etiam ordinis nonnulli oratione permoti, manendum eo loco & rem prælio committendam existimarent: contra ea Cæsar neque satis militibus perterritis confidebat, spatiūque interponendum ad recreandos animos putabat. Itaque sauciorum & ægrorum habitâ ratione paulò post, Gomphis in Thessalia expugnatis, prædâ vrbis, milites recreauit, nec prius de prælio quicquam statuit, quàm re frumentaria præparata confirmatisque militibus, & satis longo spatio temporis à Dyrrhachinis præliis intermisso satis perspectos habere militum animos videretur. Sic in Britannia cùm Romani  
preme-

premerentur, Cæsarisque aduentu hostes constitissent: Cæsar tamen perterritis militibus, ad laceßendum hostem & committendum prælium alienum esse tempus arbitratus, suo se loco continuit. Atque ad hanc alacritatem fiduciâque animorum constituendam plurimum vallet cum, eloquentia, tum authoritas, quæ postremis præsertim bellis tanta fuit, ut milites in ipsius imperatoris vultu (ait Hircius Africano bello) vigore mirabilique hilaritate omne auxilium reponerent, huic acquiescerent: In eius sciëntia & consilio omnia sibi procliuia fore sperarent: Ac reuera (ut est ibidem) Cæsaris nomen authoritâsque magna ex parte hostium minuebat audaciâ: Atque inde etiam illa Cæsarianorum de seipsis tanta persuasio, ut Centurio cum aliquot veteranis commilitonibus suis captiuis Scipioni libertatem & stipendium promittenti si contra Cæsarem militare vellet, Elige (respondit) ex tuis cohortem vnâ, quam putas esse firmissimam & constitue contra me: ego autem ex meis commilitonibus quos nunc in tua tenes potestate, non ampliùs X sumam: tunc ex virtute nostra intelliges quid ex tuis copiis sperare debeas. Cohortatione verò Thapsitanum in Africa prælium penè sine prælio confectum est. Cæsar pedibus circum milites concursans, virtutésque veteranorum præliâque superiora commemorans blandéque appellans animos

eorum excitabat: Tirones autem qui nunquam in acie dimicassent, hortabatur ut veteranorum virtutem æmularentur eorūque famam, nomen, locūque victoriā partā cuperent possidere. Ex hac Cæsaris cohortatione tantus ardor in Cæsarianis ingeneratus est, tantūque terror in hostibus, ut Cæsare ipso penē invito Cæsariani in hostes impetum fecerint ac vicerint. Cæsar autem in omnes partes cursitans, colore vestitus agnoscebat: Id enim Cæsaris insigne in præliis esse consueverat ( ut est libro septimo ) ut si vox ab omnibus percipi nō posset, præsentia tamen principis & adhortatio colore ipso perciperetur: Denique rātum valet ad victoriā vna militum cohortatio, ut in victoriis cæterorum, aliquid aliquādo defuerit, cohortatio nūquam. Cæsar enim vicit aliquando cum parvis copiis contra magnas, ut posterioribus bellis: tum iniquiore loco ut ad Mundam, tum ordine non satis instructo, ut contra Neruios: nunquam verò ullam victoriā reportauit, nisi militibus cohortatione animatis & accensis ad prælium. Atque hæc disciplinæ capita Cæsari tam proposita fuerūt, ut ( quod initio posui ) partibus infinitis prudentiorem fuisse quàm fortiorem meritò statuamus. Quinetiam quod armis assequi posset, cōsilio longè maluit ( ut in Hispania contra Petreii & Afranium: ) Nam cū milites ardore prælii flagrarent signūque pugnæ flagitarent, Cæsar

far in eam spem venerat, se sine pugna & sine vulnere suorum, rem conficere posse, quodd re frumentariâ aduersarios interclusisset: Tum vero, ut ipse disputat, cur etiam secundo prælio aliquos ex suis amitteret? cur vulnerari pateretur optimè meritos de se milites? cur denique fortunam periclitaretur? præsertim cum non minus esset imperatoris, consilio superare, quam gladio. Sic Africano bello cum lacefferetur à Scipionis exercitu, non egrediebatur è castris timidumque se hostium opinioni præbebat: Neque recirco copias, quâquam erant pauca, tirônûmque, non educebat in aciem, quodd victoriæ suorum diffideret, sed referre arbitrabatur cuiusmodi victoria esset futura: Turpe enim sibi existimabat tot rebus gestis tantisque exercitibus deuictis, tot tam claris victoriis partis, ab reliquis copiis aduersariorum suorum ex fuga collectis, se cruentam adeptum existimari victoriâ.

## DE FORTVNA.

**I**N bellis plurimum posse fortuna, quin humanarum rerum domina vulgò dicitur summisque viris ad amplitudinem & gloriam & ad res magnas bene getendas, diuinitus adiuncta, ideoque in laudibus excellentis imperatoris, quarta ab Oratore efficitur: Fortuna etiam (ait Cæsar tertio belli ciuilis) plurimum potest, cum



in reliquis rebus, tum præcipuè in bello parvis momentis magnas rerum commutationes efficit: Sed Cæsar de tam multis victoriis, nullam solet fortunæ tribuere: Quod vicit, scientiæ & virtutis putat esse: quod aliquando non victus, sed certè præliis aduersis sit vsus, id demum fortunæ tribuit: totis Gallici belli cōmentariis fortunam à Cæsare Eburonico tantùm bello appellatam commemorari, quasi fortuna & cladem illius belli Romanis intulerit & vltionem eripuerit, Sabinum & Cottam legatos ab Ambiorige Eburonum rege cum toto exercitu, cæsos exposuimus. Erant numero pares Romani, sed à duce (ait Cæsar) & fortuna deserebantur. Hic Cæsar & se & fortunam legionariis defuisse conqueritur, tanquam Cæsar alias & scientiæ & virtutis militaris causas adhibiturus fuerit ad aliam fortunam efficiendum. Deinde cùm Ambiorigem Eburonum regem propterea vlcisci modis omnibus conaretur, eoque cum decem legionibus & equitatu toto contenderet, L. Minutium Basilium cum omni equitatu præmittit: si quid celeritate itineris atque opportunitate temporis proficere possit, monet vt in castris ignes fieri prohibeat, nèqua eius aduentus procul significatio fiat, sese confestim subsequi dicit, Basilium, vt imperatum est, facit, celeriter cōtraque omnium opinionem confecto itinere multos in agris inopinantes deprehēdit, eorum indicio

indicio ad ipsum Ambiorigem contendit: quo in loco cum paucis equitibus esse dicebatur: Multum cum in omnibus rebus, tum in re militari fortuna potest: Nam sicut magno accidit casu, ut in ipsum incautum atque etiam imparatum incideret, priusquam eius aduentus ab omnibus videretur quàm famâ ac nuntiis afferretur, sic magnæ fuit fortunæ, omni militari instrumento, quod circum se habebat erepto, rhedibus equisque comprehensis ipsum effugere mortem: Sed hoc factum est, quod ædificio circumdato sylva (ut sunt ferè ædificia Gallorum, qui vitandi æstus causâ, plerumque sylvarum ac fluminum petunt propinquitates:) Comites familiarisque eius, angusto loco paulisper equitum Romanorum vim sustinuerunt: His pugnantibus, illum in equum quidam ex suis intulit, fugientem sylvæ texerunt: sic & ad subeundum periculum & ad vitandum, multum fortuna valuit. Hic, Cæsar Ambiorigem fortunâ & inuentum & elapsum ait, eiusque rei euentum fortunæ tribuit. Tertius eodem libro locus est, cum Cæsar illo accepto dolore permotus, Eburonum gentem funditus delere cogitaret, eaque de causa, omnia impedimenta ad Varutam Q. Ciceroni cum vna legione mandauisset, exercitum in omnes Eburonum fines partitur: At cum legionarios sylvis & paludibus dissipatos, in magno periculo versari videret, omnes finitimas

ciuitates ad diripiendos & vexandos Eburones conuocat. Hic quantum in bello fortuna possit (ait Cæsar) & quantum afferat casus, cognosci potuit: Sicambrorum Germanorum duo millia hac fama ad Eburones deprædandum excitantur: Itaque magno hominum pecorisque numero potitis vnus ex captiuis Eburonibus, Quid vos, ait, hanc miseram ac tenuem sectamini prædam, quibus iam licet esse fortunatissimis? tribus. horis ad Varutam venire potestis: Huc omnes suas fortunas exercitus Romanorum contulit, præsidij tantum est, vt ne murus quidem cingi posset, neque quisquam egredi extra munitiones audeat. Oblata spe, Germani quam nacti erant prædam in occulto relinquunt, ipsi ad Varutam cõtendunt vsi eodem duce, cuius hæc indicio cognouerāt: Et certè parum abfuit quin ea castra caperēt, tam insperato tamque acri impetu sunt adorti: At cùm cohortes quinque, quæ frumentatum ierant, fortè redirent, Germani signa procul conspicati, legiones Cæsar's primò rediisse arbitrantur, postea paucitate despectâ, facto impetu, ex his duas interficiunt, reliquæ in castra incolumes euaserūt: Itaque Germani obfidione desperatâ abeunt. Cæsar reuersus, multū fortunam in repentino hostium aduētu potuisse iudicauit, multò etiam ampliùs, quòd penè ab ipso vallo portisque castrorum barbaros auertisset: Quarum omnium rerum maximè admirandum

dum videbatur, quòd Germani, qui eo consilio Rhenum transierant, vt Ambiorigis fines depopularentur, ad castra Romanorum delati, optatissimum Ambiorigi beneficium obtulerunt. Sic in præliis ferè omnibus aduersis, calamitas accepta, fortunæ tribuitur: Optauit tamen propitiam sibi fortunam Cæsar, & felicitatis signum Africano bello dedit: sed causam victoriarum suarum, temeritati & casui nunquam attribuit. Atque hæc ad consequendam victoriam generalia Cæsariani consilij de viribus, loco, ordine, cohortatione capita, & quidem ab omni casus incertitia ac temeritate seiuncta fuerint: speciales prælij differentia sunt terrestris, naualis, patenti campo munitionibus incluso, vbi nulla ferè noua præcepta sunt, sed præliorum initia progressus, extrema continuo cursu velut ante oculos subiiciuntur, pleniusque & vberius intelliguntur: Seligemus igitur ex vnaquaque prælij differentia singularia maximè, maximèque excellentia: è terrestribus patenti campo factis duo gallica ponemus, Helueticum & Neruicum, duo ciuilia, Pharsalicum & Mundenſe: Primum igitur Cæsaris prælium aduersus Heluetios erit vicis oppidisque omnibus incensis egressos ad vniuersæ Galliæ imperium occupandum: quorum qui arma ferre possent, Cæsar ait ad nonaginta duo millia fuisse: quot autem arma tulerint, nō exprimit: & quidem priusquam

de summa rerum dimicaretur, quarta pars illius numeri ad Ararim concisa fuerat: Cæsar igitur ab exploratoribus certior factus Heluetios sub monte consedisſe millia paſſuum ab ipſius caſtris octo, qualis eſſet natura montis & qualis in circuitu aſcenſus qui cognoscerent, miſit: renunciatum eſt facilem eſſe. De tertia vigilia T. Labienum legatum propter, cum duabus legionibus & iisdem ducibus qui iter cognouerant, ſummum montem aſcendere iubet, quid ſui cōſilij ſit, oſtendit. Ipſe de quarta vigilia ad hoſtes eodem loco quo ſerant, contendit equitatumque omnem ante ſe mittit, cumque Conſidius falſo nuncio renuntiaret montem ab Heluetiis teneri, copias in proximum tollem ſubducit aciemque inſtruit. Heluetij caſtra mouere: Cæſar inſequitur: Poſtridie cum iter ab Heluetiis auerteret Bibracte, Heluetij à nouiſſimo agmine laceſſere cœperant: Poſtquam id animaduertit Cæſar, copias ſuas in proximum collem ſubducit, equitatumque qui ſuſtineret hoſtium impetum, miſit, ipſe interim in colle medio triplicem aciem inſtruxit legionum quatuor veteranorum, ita vti ſupra ſe in ſummo iugo duas legiones, ( quas in Gallia Togata proximè conſcripſerat ) & omnia auxilia collocarit ac totum montem hominibus complerit. Interea ſarcinas in vnum locum conferri & cum ab his qui in ſuperiore acie conſtiterant, muniri iuſſit:

iussit: Heluetij cum omnibus suis carris secuti, impedimenta in vnum locum contulerunt, ipsi confertissimâ acie reiecto Romano equitatu, phalange factâ sub primam Cæsaris aciem successerunt. Cæsar primum suo, deinde omnium è conspectu remotis equis, vt equato omnium periculo spẽ fugæ tolleret, cohortatus suos præliũ commisit: Romani è loco superiore pilis missis facîle hostium phalangem perfrugerunt, eâ disiecta gladiis districtis in eos impetum fecerunt. Heluetiis magno ad pugnam erat impedimento, quodd pluribus eorum scutis vno ictu pilorum transfixis & colligatis, cum ferrum se inflexisset, neque euellere, neque sinistrâ impeditâ satis commodè pugnare poterant: multi, vt diu iactato brachio præoptarent scutum manu emittere & nudo corpore pugnare, tandem vulneribus defessi, & pedem referre, & quodd mons suberat circiter mille passuum, eò se recipere cœperunt. Capto monte, & succedentibus Romanis Boij & Tulingi, qui hominum millibus circiter quindecim, agmen Heluetiorum clauderant, & nouissimis præsidio erant, ex itinere Romanos latere aperto aggressi circumuenere. Id conspicati Heluetij, qui in montem sese receperant: rursus instare & prælium redintegrare cœperunt: Romani conuersa signa, bipartitò intulerunt. Prima ac secunda acies, vt victis ac summotis resisteret, tertia, vt venientes sustineret.

## P. RAMI LIBER

Ita ancipiti prælio diu atque acriter pugnatum est. Diutius cum sustineri Romanorum impetus non posset, Heluetij se ut cœperant in montem receperunt, Boij & Tulingi ad impedimenta & carros suos se contulerunt. Nam hoc toto prælio, cum ab hora septima ad vesperam pugnatum sit, auersum hostem, Romanus videre non potuit. Ad multam noctem, etiam ad impedimenta pugnatum est, propterea quod pro vallo Heluetij carros obiecerant, & è loco superiore in Romanos venientes tela coniciebant, & nonnulli inter carros rotasque, mazaras ac tragulas subiiciebant, Romanosque vulnerabant. Diu cum esset pugnatum, impedimentis castrisque Romani potiri sunt. Ergo ita commissum est Helueticum prælium: in quo singulas laudes recognoscamus. Cæsar hostium numerum, ut iam dixi, amplificat, tacet suum: At sex legiones Romanas & equitum Gallorum millia quatuor habuit vniuersamque Galliam conspirantem & fauentem, cum id bellum pro Gallorum libertate gerere videretur. Sic viribus Cæsar nequaquam inferior fuit, loco certè superior esse valde studuit: Subducit enim copias in collem proximum: pridie prælij & ipso prælij die copias in proximum collem subducit: Heluetij contra sub monte confederant pridie, & ipso prælij die sub monte confederunt: Cæsar igitur initio pugne, loco superior fuit: crede cælum etiam solo respondisse,

spondisse, nihil alienum credideris : Certè, vt acies ante instrueretur, equitatus ad tardandum hostem præmissus est. Virtute fuderunt Heluetij equitatum & leuem Cæsaris armaturam : At ascensu collis fatigati, & pilis eminè confixi, scuta abiicere, quòd in pilorum vsu antè notauimus, & nudi pugnare còtra recètes & integros legionarios coguntur. Locus igitur pro Romanis pugnavit. Heluetij in montem recepti, commilitonem locum habuere, quem hostem paulò antè habuerant, subsidiòq; sociorum adiuti, prælium redintegrant. Dehinc ordinis laus apparet. Cæsari triplex acies ita distincta fuit, vt tertia duabus primis subsidio subueniret. Itaque quatuor tantum legiones illæ veteranæ, initio pugnauiere, duæ nouitiæ interea locum impedimentis in summo iugo muniuere, tum veteranis legionibus subsidio tandem fùere, quam ordinis laudem summam in Cæsare statuo. Hic verò non hastatis & principibus veteranos, triarios sed tertiam & quidè tyronum aciem duabus, primis veteranis subsidio summissam fuisse perspicio. Tertia fuit ordinis disciplina, vbi conuersis bipertitò signis, velut orbe quodam factò duæ primæ acies in Heluetios à fronte, tertia ab utroque latere contra Boios & Tulingos dimicauit, militum illorum quos armigeros, quos cibariorum baiulos, quos fossiores, quos fabros, quos messorès, quos remiges effecimus, expedita &



excitata virtus, armis tanquam membris vsa est. Cohortationem verò militum quantam ex eo factam arbitramur? Cæsar primùm suo deinde omnium è conspectu remotis equis, vt æquato omnium periculo spem fugæ tolleret, cohortatus suos, prælium commisit. Quibus hîc verborum argumentis Cæsar vsus sit, non est expositum: sed illud certè fortissimi facti exemplum vehemèter incédere militum animos & inflammare debuit, cùm Cæsarem dignitate quidem principem: at periculo commilitonem viderent. Hæc igitur pugna, egregio cùm militis, tum ducis exemplo depugnata est, victoriâque vires, locus, ordo, cohortatio Cæsari tribuerunt. Sed tamen non solùm vincere, sed victoriâ sapienter vti Cæsar sciebat. E trecentis sexaginta octo millibus Heluetiorum, Tulingorum, Boiorum, quæ domo exierant, centum & triginta superfuèrant, ea comœatu interclusa in potestatem redegit: Sed dum obsides arma, serui qui profugerant poscuntur, Verbigenus pagus (qui sex hominum millia fuerant) fugit retractusque, in hostium numero est habitus, quatuordecim millia Boiorum Heduis perentibus concessa sunt, reliqua centum & decem millia domum à Cæsare remissa sunt, ne vacuus ager potius à Germanis occuparetur, quàm •Romanis stipendiarius esset: atque vtrumque illud Romanum fuit,

*Parcere*

*parcere subiectis, & debellare superbos.*

Verum enim verò ex omnibus Cæsaris preliis Neruicum singulare est ad ducis & militum laudes omnes declarandum. Neruicorum sexaginta millia à Cæsare notata sunt, Romanæ legiones octo præter illum gallicum equitatum fuisse, maiore etiam numero videtur dimicatum esse, sed Cæsaris factiones præcipuè hic euigilauere. In Celtica Gallia Senonum ciuitas imprimis firma, & magnæ inter Gallos authoritatis fuit. Cæsar apud eos regem constituit Cauarinum. Carnutum ciuitas censu atque authoritate par erat, ut constat è septimo libro: Hic etiam Tasgetium regem fecit, easque ciuitates horum regnorum beneficiis obstrictas habuit: Itaque dat negotium Senonibus reliquisque Celtis, qui finitimi Belgis erant, uti ea quæ apud Nervios gerantur, cognoscant seque de his rebus certiores faciant. Exploratores Cæsaris quàm multos hîc vides? Atqui Cæsari tam propositum id semper fuit, ut si per exploratores suos hostium consilium cognoscere non posset, equitum turmas, quod Bellouaco bello fecisse legimus, dimitteret in omnes partes ad aliquos excipiendum, ex quibus hostium consilia cognosceret. Sapientis imperatoris est, inter hostes semina discordiarum serere. Cæsar etiam hostium partem suis factionibus sibi adiungit. Quære quomodo reliqui Celtæ quieuerint, quâ ratio-

## P. RAMI LIBER

ne Rhemi tam facilè se dediderint, commeatu aluerint, imò Treuiri etiam equitatum miserint, vtrum iis regna promissa suspicère? Sed his facultatibus & copiis aduersus Neruios Cæsar contendit. Hi, mulieres, quique per ætatem ad pugnam inutiles viderentur, in eum locum coniecerant, quo propter paludes, exercitui aditus non esset: ipsi autem trans Scaldem flumen confederunt, ibique Romanorum aduentum expectare decreuerunt. Exploratores itaque à Cæsare Centurionesque præmissi locum castris delegerunt in colle à summo æqualiter decliu ad Scaldem, cuius altitudo erat trium pedum: à flumine, pari accliuitate collis nascebatur aduersus huic & contrarius, passus circiter ducentos inferiore parte apertus, superiore syluestris, vt non facilè introspecti posset. Intra eas syluas Neruij in occulto sese continebant, in aperto loco secundum flumen pauca stationes equitum videbantur. Cæsar equitatu præmisso subsequēbatur omnibus copiis. Equites Romani cum funditoribus sagittariisq; flumen transgressi, cum hostium equitatu prælium commiserunt: cum se illi identidem in syluas ad suos reciperent, ac rursus ex sylua in Romanos impetum facerent, neq; Romani longiùs quàm quæ ad flumen porrecta & aperta loca pertinebant cedentes insequi audent, interim legiones sex, quæ primæ venerāt, opere dimisso castra munire cœperūt. Vbi primæ  
impedi-

impedimenta Romani exercitus ab his qui in syluis abditi latebant visa sunt, quòd tempus inter eos committendi prælij conuenerat, ita, ut intra syluas aciem ordinésque constituerant atque ipsi sese confirmauerant, subitò omnibus copiis prouolarunt impetumque in Romanos equites fecerunt, his faciliè pulsés ac perturbatis, incredibili celeritate ad flumen decurrerunt, ut penè vno tempore & ad syluas, & in flumine & in manibus Romanis hostes viderentur. Eadem autem celeritate, aduerso colle ad Romana castra atque eos qui in opere occupati erant, contenderunt: Cæsari omnia vno tempore erant agenda, vexillum proponendum, quod erat insigne, cum ad arma concurrere oporteret, signum tuba dandum, ab opere reuocandi milites, qui paulò longiùs aggeris petendi causâ processerant, accersendi, instruenda acies, milites cohortandi, signum dandum, quarum rerum magnam partem temporis breuitas & incursus hostium impediébat: His difficultatibus duæ res erant subsidio, scientia atque usus militum, quod superioribus præliis exercitati, quid fieri oporteret non minùs commodè ipsi sibi præscribere, quàm ab aliis doceri poterant, & quòd ab opere singulisque legionibus singulos legatos Cæsar discedere nisi munitis castris vetuerat: hi propter celeritatem & propinquitatem hostium nil iam Cæsaris imperium expectabant, sed per

se quæ videbantur , administrabant : Cæsar necessariis rebus imperatis , ad cohortandos milites quam in partem fors obtulit , decurrit , & ad legionem decimam deuenit , milites non longiore oratione est cohortatus , quàm vti suæ pristinæ virtutis memoriam retinerent , neu perturbarentur animo hostiûmque impetum fortiter sustinerent : Et quia non longiùs hostes aberant quàm quò telum adiici posset , prælij commitendi signum dedit , atque in alteram partem item cohortandi causâ profectus , pugnantibus occurrit . Temporis tâta fuit exiguitas hostiûmque tam paratus ad dimicandum animus , vt non modò ad insignia accommodanda : sed etiam ad galeas induendas scutisque tegmenta detrahenda tempus defuerit : Quam quisque ab opere in partem casu deuenit , quæque signa prima conspexit , ad hæc constitit , ne in quærendis suis pugnandi tempus dimitteret : Instructo exercitu magis vt loci natura deiectûsque collis & necessitas temporis , quàm vt rei militaris ratio atque ordo postulabat . Cùm diuersis locis legiones alia alia in parte hostibus resisterent , sepibûsque densissimis , vt ante demonstrauius , interiectis prospectus impediretur , neque certa subsidia collocari , neque quid in quaque parte opus esset prouideri , neque ab vno omnia imperia administrari poterant . Itaque in tanta rerum iniquitate , fortunæ quoque euentus varij sequebantur .

Legio-

Legionum nonæ & decimæ milites vt in sinistra parte aciei constiterant, pilis emissis cursu ac lassitudine exanimatos, vulneribus confectos Atrebatas (nam his ea pars obuenerat) celeriter ex loco superiore in flumē compulerūt, & transire conantes inscuti, gladiis magnam partem eorum impeditam interfecerunt. Ipsi transire flumen non dubitauerunt & in locum iniquum progressi rursus regressos ac resistentes hostes redintegrato prælio in fugam coniecerūt: Item alia in parte diuersæ duæ legiones vndecima & octaua profligatis Veromanduis, quibuscum erant congressi, ex loco superiore in ipsis fluminis ripis præliabantur, ac totis ferè castris à fronte & à sinistra parte nudatis, cum in dextro cornu legio duodecima & non magno ab ea interuallo septima constitisset, omnes Neruij confertissimo agmine, duce Boduognato qui summam imperij tenebat, ad eum locum contenderunt, quorum pars aperto latere legiones circumuenire, pars summum castrorum locum petere cœpit. Eodem tempore equites Romani leuissque armaturæ pedites quique cum his vnà fuerant, quos primo hostium impetu pulsos dixeram, cum se in castra recipere, aduersis hostibus occurrebant: Ac rursus aliam in partem fugam petebant, & calones qui ab decumana porta ac summo iugo collis Romanos victores flumen transire conspexerant, prædandi

## P. RAMI, LIBER

caussâ egressi cùm respexissent, & hostes in Romanis castris versari vidissent, præcipites fugæ sese mandabant: Simul eorum qui cum impedimentis veniebant clamor fremitusque exaudiebatur, aliisque aliam in partem perterriti ferebantur. Quibus omnibus rebus permoti equites Treuiri, quorum inter Gallos virtutis opinio est singularis, qui auxilij causâ à ciuitate missi ad Cæsarem venerant, cùm multitudine hostium castra Romana compleri, legiones premi & pene circumuentas teneri, calones, equites, funditores Numidas diuersos dissipatosque in omnes partes fugere vidissent, desperatis romanis rebus, domum contenderunt, Romanos pulsos superatosque, castris impedimentisque, eorum hostes potitos, ciuitati renunciauerunt. Cæsar ab decimæ legionis cohortatione ad dextrum cornu profectus, vbi suos vrgeri, signisque in vnum locum collatis duodecimæ legionis confertos milites sibi, ipsos ad pugnam esse impedimento, quartæ cohortis omnibus centurionibus occisis signiferoque interfecto, signo amisso, reliquarum cohortium omnibus ferè centurionibus aut vulneratis aut occisis, in his primipilo Publ. Sextio Baculo fortissimo viro multis grauibúsque vulneribus confecto, ut iam se sustinere non posset, reliquos esse tardiores, & nonnullos à nouissimis desertos prælio excedere ac tela vitare, hostes neque à fronte ex inferiore

feriore loco subeuntes intermittere, & ab utroque latere instare & rem esse in angusto vidit, neque ullum esse subsidium quod summitti posset, scuto à nouissimis vni militum detracto, quod ipse eò sine scuto venerat, in primâ aciem processit, centurionibusque nominatim appellatis reliquos cohortatus milites, signa inferre & manipulos laxare iussit, quò facilius gladiis uti possent. Huius aduentus spe illata militibus ac redintegrato animo cum pro se quisque in conspectu Imperatoris etiam extremis suis rebus operam nauare cuperet, paulum hostium impetus tardatus est. Cæsar cum septimam legionem quæ iuxta constiterat item vrgeri ab hoste vidisset, Tribunos militum monuit, vt paulatim sese legiones coniungerent & conuersa signa in hostes inferrent, quo facto cum aliis alij subsidium ferrent, neque timerent ne auersi ab hoste circumuenirentur, audaciùs resistere ac fortiùs pugnare cœperunt. Interim milites legionum duarum, quæ in nouissimo agmine præsidio impedimentis fuerant, prælio nuntiato, cursu incitato, in summo colle ab hostibus conspiciebantur, & T. Labienus castris hostium positus & ex loco superiore, quæ res in castris Romanis gererentur conspiciatus, decimam legionem subsidio Romanis misit, qui cum equitum & calonum fugâ, quo in loco res esset, quâtoque in periculo & castra & legiones & impe-



## P. RAMI LIBER

rator versaretur cognouissent, nil ad celeritatem sibi reliqui fecerunt. Horum aduentu tanta rerum commutatio est facta, ut Romani, etiam qui vulneribus confecti procubuissent, scutis innixi prælium redintegrarent, calones, perterritos conspicati Neruios, etiam inermes armatis occurrerent: equites verò, ut turpitudinem fugæ virtute dclerent, omnibus in locis pugna se legionariis militibus præferrent. At Neruij etiam in extrema spe salutis tantam virtutem præstiterunt, ut cum primi eorum cecidissent, proximi iacentibus insisterent atque ex eorum corporibus pugnarent. His deiectis & coaceruatis cadaueribus, qui superessent, ut ex tumultu tela in Romanos conicerent pilæque intercepta remitterent, ut non nequicquam tantæ virtutis homines iudicari deberet, ausos esse transire latissimum flumen, ascendere altissimas ripas ac subire iniquissimum locum, quæ facilia ex difficillimis animi magnitudo redegerat. Hoc prælio facto, & propè ad internecionem gente ac nomine Neruiorum redacto, maiores natu, quos vnà cum pueris mulieribusque in æstuaria ac paludes collectos dixeramus, hac pugna nuntiata, cum victoribus nihil impeditum, victis nihil tutum arbitrarentur, omnium qui supererant consensu, legatos ad Cæsarem miserunt, seque ei dediderunt, & in commemoranda ciuitatis calamitate, ex sexcentis ad tres Senatores, ex hominum

minum millibus sexaginta, vix ad quingentos qui arma ferre possent, sese redactos esse dixerunt: Quos Cæsar, vt in miseros ac supplices v-sus misericordia videretur, diligentissimè conseruauit, suisque finibus atque oppidis vti iussit, & finitimis imperauit vt ab iniuria & maleficio se suosque prohiberēt. Hoc prælium vti factum, ita narratum à Cæsare confusissimè est. Capita disciplinæ subducamus: Cæsar numero superior fuit, vt iam perspectum est, cùm propè centum millibus aduersus sexaginta dimicarit. Sed loci æquitas vel iniquitas hîc valde animaduerti potest. Neruij equitatum Romanum leuè-mque armaturâ quæ hostem prouocauerat pepulerunt ac perturbarunt. Quid ita? quia ex superiore loco dimicabāt. Labienus Atrebatès vicit, quid ita? quia superiore loco pilis emissis contra exanimatos cursu ac lassitudine vulneribusque antè confectos dimicabat. Vndecima & octaua legio Veromanduos profligarunt, quid ita? quia ex loco superiore in ipsis fluminis ripis præliabantur. Romanæ légiones octo coniunctæ, Neruios confecerunt, quid ita? quia Neruij de superiore loco decurrerunt in vallem, latissimum flumen transierunt, altissimas ripas ascenderūt, iniquissimum denique locum subierunt. Ergo Cæsar locum tanquam militem tum fortem, tum liberalem ( nullū enim stipendium cœpit ) cōtrā Neruios eorūque socios habuit.

At periculum tantum, ordinis inopia creauit: cuius tamen, ut in re tam subita, sua quoque laus extitit: triplex acies è binis legionibus pro necessitate temporis est instructa, nona & decima legio sinistro cornu aduersus Atrebatas, vndecima & octaua, mediâ acie aduersus Veromanduos: duodecima & septima dextro cornu aduersus Neruios steterunt. Hæc triplex ut Heluetico & Germanico prælio acies fuit. Secunda generis huius commendatio fuit in cornu sinistro; ubi dextri cornu vires fuere, seu casu temporis, ut Cæsar videri voluit, seu Cæsaris aliqua ex itinere ipso prudentia, quia oppositum Neruiorum dextrum cornu, esset infirmius, quod magis probo: quia disciplinæ conuenientius est firmiore nostra parte aduersus hostium infirmiore partem prælium incipere. Itaque ut Boduognatus in Romanorum, sic Labienus in Neruiorum castris victor eodem tempore versatus est. Tertia laus ordinis deinde fuit. Duodecimæ legionis milites conferti, sibiipsis ad pugnam erant impedimento & septima legio vrgebatur: Illius igitur manipuli laxati sunt: hæc cum illa cōiuncta: conuersis in hostem signis, orbis ille Heluetici belli repetitus est, ut alij aliis subsidium ferrent, nec auersi, ab hoste circumueniri possent. Vegetius dextrum cornu, duci exercitus attribuit, & ita Cæsar contra Germanos præliatus est: At isto prælio omnibus locis, ut sæpe aliàs interfuit & sub-

submissio subsidiorum cohortatiōque id imprimis videtur exigere. Ælianus quod ad sedes principum attinet, geometricam proportionem seruandam censet, vt mediis extrema respondeant. Tam varia igitur tamque multiplicia ordinis præsidia fuerunt: attamen subsidia certa propter sepes collocari non potuisse Cæsar queritur: Denique nullum omnino subsidium fuisse quod summi posset. Hos sibi triarios Cæsar queritur defuisse, non illos qui in eadem legione post hastatos & principes subsiderēt. Sed hæc perturbatio peccato Cæsaris videtur accidisse: quia faciendis castris legionum partem armatam non habuerat, dum cæteræ opus efficerent, vt lex militaris requirebat, & vt ipse Germanico bello habuit: & totius perturbationis initium hinc videtur ortum: Verum cohortatio ducis eam culpam præcipuè præstitit: Etenim per Deum immortalem qualis est hoc toto prælio Cæsaris alacritas ad milites excitandum? ad cohortandos milites quam in partem fors obtulit, decurrit: ad legionem decimam, cui confidebat maximè, primùm deuenit, milites pristinæ virtutis admonet: à legionis huius cohortatione ad dextrum cornu cohortandum proficiscitur, nec verbis tantum, sed rebus adhortatur scuto arrepto, centurionibûsque nominatim appellatis, reliquos milites cohortatus atque in primam aciem inuēctus, prælium restituit. Ergo Cæsaris

ista locis omnibustāta cohortatio quantā militibus alacritatē attulit? Quapropter Cæsar ista cohortatione culpam illam perturbati ordinis amplissimè præstitit. Sed & scientia militum rem valde adiuuit: Etenim nōne mēssores illos ac fossores Cæsar ipse profitetur in hac difficultate Cæsares fuisse, qui non minùs commodè ipsi sibi præscribere quā à Cæsare ipso doceri possent? Itaque quam quisque ab opere in partem casu deuenit, quæquē signa prima conspexit ad hæc constitit, ne in quærendis suis pugnandi tempus dimitteret: Tum legiones duę illę subsidiarię, & decima imprimis, cognito imperatoris periculo, protinùs aduolauere. Adiuuit etiam præsentia legatorū, qui vt Germanico, sic Neruico bello tanquam testes virtutis cuiusque fuere: Quapropter hoc prælio vires & ordo, sed multò magis locus: at maximè omnium cohortatio Cæsari victoriam attulere. Atque vt singularis victoria hæc fuit, sic & Cæsar ea singulariter est vsus, reliquos Neruios, cū se dederēt, vt in miseros ac supplices vsus misericordiā videretur, diligentissimè conseruauit suisque finibus atque oppidis vti iussit, & finitimis imperauit, vt à Neruiorum iniuria se suosque prohiberēt: Comium etiam Atrebatem, cuius eximia tum virtus apparuerat, Atrebatibus regē dedit: Sic victos populos retinuit cūque victorię fructum percepit: Ita duobus his præliis duæ populo Romano nationes

nationes acquisite sunt Heluetico Heluetij, Neruico Neruij. Sed nequaquã in omnes deuictos pari clementiã vsus est: Seuerior sepe fuit, regem Ariouistum funditũs sustulit: Sequanos, quod eius erat regnum, populo Rom. subiecit: Dumnorigem Heduum nobilissimum, quia Cæsarem in Britanniam comitari noller, quamuis se liberum & liberæ ciuitatis esse clamitaret, tamen iussit interfici (vt est quinto libro.) Cõcilio Galliæ Duocotorum Rhemorum indicto, de coniuratione Senonum & Carnutum quæstionem habere instituit: De Accone qui princeps eius coniurationis fuerat, grauiore sententiã pronũciata more romano, supplicium sumpsit, reliquis qui profugissent, aquã & igni interdixit. Postea Cotuatũ Carnutũ principem, nouæ etiam cõiurationis cõcitatore ad supplicium depoposcit, verberibũsq; exanimatum, securi percussit. Atque hæc gallica prælia terrestria, patenti cãpo fuerũt, ciuilia sequũtur. Pharalicum famã rerũ & dignitate principũ clarissimũ omnium fuit. Põpeius vndecim legiones, prætereaque magnũ numerum supplemẽti nomine, tria millia sagittariorũ, funditorum cohortes sex, equitum septẽ millia habuit: Cæsar legiones duodecim præter equitatũ Brundisium conuenire iusserat: sed hæc legiones hoc infrequentiores fuẽte, quod multi gallicis tot bellis defecetant, longũque iter ex Hispania magnũ numerũ diminuerat & grauis

## P. RAMI LIBER

autumnus in Apulia circúmque Brúduſium , ex ſaluberrimis Gallię & Hiſpanię regionibus, omnem exercitum valetudine tentauerat: Sed præterea multi quotidianis præliis perierũt antequã de ſumma rerũ certaretur , præſidiũque vrbium multi ſunt diſtracti, vt nihil mirãdũ ſit ipſo prælij die tam exiguas Cęſari copias fuiſſe. Quantus verò militum in Cęſarem fuerit amor iam initio belli ciuilis intellectum eſt, cùm Cęturiones cuiusque legionis ſingulos equites è viatico ſuo & vniuerſi gratuitam & ſine frumento ſtipendiũque operã obtulerint (ait Suetonius) . Sed ad tãtum periculum partis vtriuſque meditationẽ & antecedentem cohortatione comparemus. Præliis dyrrhachinis, quib⁹ vno die duobus aduerſis Cęſar vſus eſſet, tãtum fiducia ac ſpiritus Pompeianis acceſſit , vt non de ratione belli cogitarent, ſed viciffẽ iam ſibi viderentur. Nec quibus rationibus ſuperare poſſent , ſed quemadmodũ vti victoriã deberent , cogitabant : Hęc itaque Pompeianorum meditatio fuit. Quid Cęſar? quid hic meditatur? concione aduocatã, milites conſolatus & adhortatus eſt, vt iam diximus, Ac cùm ſatis perſpectum habere militum animum videretur, tentandum Cęſar exiſtimauit, quidnã Pompeius propoſiti aut voluntatis ad dimicandum haberet . Itaque exercitum è caſtris eduxit aciẽmque inſtruxit, primũ ſuis locis, paulõque à caſtris Põpeij longiũs: continentibus verò diebus

bus, vt progrediretur à castris suis collibúsq; Põpeianis aciem subiiceret, quę res in dies confirmatiorem eius exercitum efficiebat. Deniq; illā deambulationis exercitationē, de qua diximus, magnā curā adhibuit, ac per eos dies præliū secundū equestre fecit. Hęc igitur adhortatio cõfirmatiõque militum tam diligēs, id est victorię meditatio tā accurāta præliū antecessit. Sed prælium ipsum è Cæsaris historia totū proponamus: Põpeius quia castra in colle habebat, ad infimas radices mōtis, aciem instruebat, semper, vt videbatur, expectans si iniquis locis Cæsar se subiiceret. Cæsar nulla ratione ad pugnā elici posse Põpeium existimans, hanc sibi commodissimā belli rationem iudicauit, vti castra ex eo loco moueret, sempérque esset in itineribus: hoc spectās, vt mouendis castris pluribúsque adeundis locis, commodiore frumentariā re vteretur, simulque vt in itinere aliquam occasionē dimicandi nancisceretur, & insolitum ad laborē Pompeij exercitum, quotidianis itineribus defatigaret. Vides igitur potiùs leonis audaciam, quàm vulpis astutiam? vides Cæsariani exercitus vires è laboris illa patientia maiores? His constitutis rebus, signo iam profectionis dato tabernaculísque detensis, animaduersum est paulò antè, extra quotidianā cõsuetudinem longiùs à vallo esse aciem Põpeij progressam, vt non iniquo loco posse dimicari videretur. Tū Cæsar ad suos, cū iam esset agmē



in portis, Differendū est (inquit) iter in pręsentia nobis, & de pręlio cogitandum: si, vt semper depoposcimus, animo sumus ad dimicandum parati, non facilē occasionem postea reperiemus. Cōfestimque expeditas copias educit. Ergo Cæsar æquitatē loci nactus est, quam quærebat, copias suas confirmauit, locum idoneum ex occasione nūc demum arripit. Conferamus Pompeianam hac in re confidentiam, stultitiæ & temeritatis plenam reperiemus. Pompeius quoque, vt postea cognitum est, suorum omniū hortatu statuerat pręlio decertare: Námque etiam in cōcilio superioribus diebus dixerat, prius quàm concurrerent acies fore vt exercitus Cæsaris pelleretur. Id cū essēt plerique admirati, Scio me, inquit, pene incredibilem rem polliceri: sed rationem cōsilij mei accipite, quo firmiore animo in pręlium prodeatis. Persuasi equitibus nostris, idque mihi se facturos confirmauerunt, vt cū propius sit accessum, dextrum Cæsaris cornu à latere apertō aggredierentur, vt circumuenta à tergo acie, prius perturbatum exercitum pellerent, quàm à nobis telum in hostem iaceretur: ita sine periculo legionum & penè sine vulnere bellum conficiemus: Id autem difficile non est, cū tantū equitatu valeamus. Simul denūciauit, vt essent animo parati in posterum: & quoniā fieret dimicandi potestas vt sæpe cogitauissent, ne vsu manūque reliquorum opinionem fallerēt. Hæc igitur

igitur Pópeij vanitas atque inanis ostétatio fuit: Hunc Labienus excepit, & erroré amplificauit: Nam cū Cēsaris copias despiceret, Pompeij consiliū summis laudibus efferret, Noli, inquit, existimare Pompei, hunc esse exercitum qui Galliā Germaniāque deuicit. Omnibus interfui præliis, neque temerè incognitam rem pronuncio. Perexigua pars illius exercitus superest, magna pars deperiit, quod accidere tot præliis fuit necesse: multos autumnī pestilētia in Italia cōsumpsit, multi domū discesserūt, multi sunt relictī in continenti, An nō audistis ex iis qui per causam valetudinis remanserunt, cohortes esse Brūdulij factas? Hæ copix quas videtis, ex delectu horum annorū in togata Gallia sunt resectæ, & pleræque sunt ex colonis transpadanis: Attamē quod fuit roboris, duobus præliis dyrrhachinis interiit. Hæc cū dixisset, iurauit se nisi victorē, in castra non reuersurum, reliquosque, vt idem facerēt hortatus est. Hoc laudans Pópeius, idem iurauit: nec verò ex reliquis fuit quisquā, qui iurare dubitaret. Hæc cū facta essent in cōcilio, magna spe & lætitiā omnium discessum est, ac iā animo victoriam præcipiebant, quòd de re tāta, & à tā perito imperatore nihil frustra confirmari videbatur. Quapropter eiusmodi Pompeiana meditatio fuit, ea futuri prælij cogitatio: Vires vtriusque partis & locū percepimus, ordinē deinde attendamus. Cæsar cū Pompeij castris appre-

pinquasset, ad hunc modū aciem eius instructā adnīmaduertit. Erant in sinistro cornu legiones quæ traditæ à Cæsare initio dissensionis ex S.C. quarum vna Prima, altera, Tertia appellabatur. In eo loco ipse erat Pompeius, non in dextro, vt Vegetius præcipit: mediā aciem Scipio cū legionibus Syriacis tenebat. Cilicēsis legio coniūcta cum cohortibus hispanis, in dextro cornu erant collocatæ: has firmissimas se habere Pompeius existimabat. Reliquas inter aciem mediā cornuāque interiecerat: numeroque cohortes CX. expleuerat: hæc erant millia LV. Euocatorum circiter duo millia, quæ ex beneficiariis superiorum exercituum, ad eum conuenerant, quæ tota acie disperferat: reliquas cohortes VII. in castris propinquisque castellis præsidio disposuerat. Dextrum cornu eius riuis quidam impeditis ripis muniebat: quam ob causam cūctum equitatū, sagittarios funditoresque omnes in sinistro cornu obiecerat. Habes aciem Pompeianam suis partibus instructā & ordinatā, ubi Pompeium licet principē summum, tamē in sinistro cornu contra vegetianū præceptum conspiciamus. Quid Cæsar? quem in tanto prælio ordinē tenuit? certē minū accūratē descripsit, quā ceteris antē prælii cōsueuerat: tres tātū legiones, vnā in dextro cornu, duas in sinistro nominat, mediam aciem non definit, sicuti neque quartā ē tertiæ cohortibus effectam: Quā utrāque tamē  
subsi-

subsidiariâ habuit & victoriæ principē causam.  
 Sic autē de se, ipse loquitur, Cæsar superius insti-  
 tutū seruās, decimā legionem in dextro cornu,  
 nonā in sinistro collocauerat, tametsi erat Dyr-  
 rhachinis præliis vehementer attenuata: huic sic  
 adiunxit octauam, vt penè vnam ex duabus effi-  
 ceret: atque alteram alteri præsidio esse iusserat.  
 Cohortes in acie LXXX. constitutas habebat: quæ  
 summa erat militum XL: sic enim eum locum  
 lego, vt numero quidem militum Cæsar inferior  
 esset: at viribus superior: Cohortes duas castris  
 præsidio reliquerat: Sinistro cornu Antonium,  
 dextro Publ. Syllam, media acie Cn. Domitium  
 præposuerat: ipse cōtra Pompeium constitit: Si-  
 mul his rebus animaduersis quas demonstraui-  
 mus, timens ne à multitudine equitum dextrum  
 cornu circumueniretur, celeriter ex tertia acie,  
 singulas cohortes detraxit, atque ex his quartam  
 instituit equitatuque opposuit, & quid fieri vel-  
 let, ostendit: monuitque eius dici victoriam in  
 earum cohortium virtute constare, sicut in om-  
 nibus ferè præliis ex illa subsidiaria acie causâ  
 victoriæ constitit: simul tertię aciei totique exer-  
 citui imperauit ne iniussu suo cōcurreret: se cū  
 id fieri veller, vexillo signum daturum, Hic or-  
 do quadruplicis aciei fuit: Adhortationem Cæ-  
 saris audiamus. Exercitū cū militari more ad  
 pugnam cohortaretur, suâque in eum perpetui  
 temporis officia prædicaret, imprimis comme-

morauit testibus se militibus vti posse quāto studio pacem petisset, quæ per Vatinius in colloquiis, quæ per Au. Clodium cum Scipione egisset: quibus modis ad Oricum cum Libone demittendis legatis cōtendisset, neque se vnquam abuti militum sanguine, neque Rempub. alterutro exercitu priuare voluisse. Hac habita oratione exposcentibus militibus & studio pugnæ ardentibus, tubâ signum dedit. Ergo Cæsaris ea cohortatio fuit, quam nihilo minor Crastini cohortatio secuta est. Erat Crastinus euocatus in exercitu Cæsaris, qui superiore anno apud eum primum pilum in legione decima duxerat, vir singulari virtute: hic signo dato, Sequimini me, ait, manipulares mei, qui fuistis & vestro imperatori quam constituistis, operam date. Vnum hoc prælium superest, quo confecto & ille suam dignitatem, & nos nostram libertatem recuperabimus. Simul respiciens Cæsarem, Faciam, inquit, hodie, imperator, vt aut viuo mihi aut mortuo gratias agas. Hæc cum dixisset, primus ex dextro cornu procurrit, atque cum electi milites circiter c x x voluntarij eiusdem centuriæ sunt profecuti, Crastiniq; virtus excellentissima ( vt post victoriam Cæsar ipse iudicauit ) in hoc prælio fuit: Itaque hoc prælio, vt antea Neruico, initium prælij à dextro cornu factum, à firmissima nempe parte, non tamen contra infirmissimam: præcipuas enim vires Pompeius in  
opposi-

oppositum cornu sinistrum contulerat, Inter duas acies tantum erat relictum spatij, vt satis esset ad concursum vtriusq; exercitus. Sed Pompeius suis prædixerat, vt Cæsaris impetum exciperent, nèue se loco mouerent, aciémque eius distrahi paterentur, idque admonitum C. Triarij fecisse dicebatur, vt primus excursus visque militum infringeretur aciésque distenderetur, atque in suis ordinibus dispositi, dispersos adorirentur: leuiusque casura pila sperabat, in loco retentis militibus, quàm si ipsi immisis telis occurrissent: Simul fore, vt duplicato cursu Cæsaris, milites exanimarentur & lassitudine conficerentur. Id Pompeij consilium fuit, quod Cæsari, nullâ ratione factum videtur: imò contra cohortationis eam legē, quam ex hoc depromptam loco, quia omnium præliorum communis esset, præposuimus. Sed Cæsariani milites dato signo cum infestis pilis procurrissent atque animaduertissent non concurrì à Pompeianis, vsu periti ac superiorib<sup>9</sup> pugnis exercitati Pompeiū fefellerūt: sua quippe sponte cursum represserūt & ad mediū ferè spatium constiterunt, ne quod sperasset Pompeius consumptis viribus appropinquarent, paruòque intermisso temporis spatium ac rursus renouato cursu, pila miserūt, celeriterque, vt erat præceptum à Cæsare, gladios strinxerunt. Neque verò Pompeiani huic rei defuerunt: Nam & tela missa exceperunt, & impetum

legionum tulerunt, & ordines conseruauerunt, pilisque missis ad gladios redierunt. Hic primus prælij fuit impetus. Eodem tempore equites à sinistro Pompeij cornu intenti, vt erat imperatum, vniuersi procurrerunt, omnisque multitudo sagittariorum se profudit, quorum impetum Cæsarianus equitatus non tulit, sed paulum loco motus celsit: equitesque Pompeiani hoc acrius instare & se turmatim explicare, aciemque Cæsarianorum à latere aperto circumire cœperunt. Atque hic ventus Pompeianæ iactantiæ fuit, sed qui non magno imbre compressus subsedit. Nam vbi id Cæsar animaduertit, quartæ aciei, quam instituerat, ex cohortium numero signum dedit. Illi celeriter procurrerunt, infestisque signis tanta vi in Pompeij equites impetum fecerunt, vt eorum nemo consisteret, omnesque conuersi non solum loco excederent, sed protinus incitati fugâ, montes altissimos peterent, quibus summotis omnes sagittarij funditoresque destituti inermes sine præsidio interfecti sunt. Eodem impetu cohortes sinistro cornu pugnâtes etiam tum ac resistentes in acie, Pompeianos circumierunt, eosque à tergo sunt adorti. Eodem tempore tertiam aciem Cæsar, quæ quieta fuerat, & se ad id tempus loco tenuerat, procurrere iussit. Ita cum recentes arque integri, defensis successissent: alij autem à tergo adorientur, sustinere Pompeiani non potuerunt, atque

que vniuerſi terga verterūt. Hīc igitur acies tertia etiam ſubſidiaria fuit, non ſolū quarta: atque ita duæ acies ſubſidiariæ fuerūt, geminīque triarij: alios enim, vt dixi, triarios in Cæſare non video: & quidem triarios non illos vt Liuius & Vegetius definiunt, omnium fortiſſimos ac robuſtiſſimos: Decumani enim qui prælium, intendant, palmam illam ferebāt. Quamobrem vires militū locus per occaſionem captatus, ſed ordo, eiūſq; imprimis ſubſidia, ſed maximè omniū cohortatio tum Cæſaris tum Craſtini tam præclarā victoriā Cæſari tribuerunt. Huius autem victorię fructū Cæſar tam eeleriter percepit, quā accuratè victoriā ipſam obtinuerat, fugientem Pompeium perſequitur, caſtra capit in quibus immodicā Pompeianorū luxuriā in tricliniis ſtratis, in magno argenti pondere, in tabernaculis hederā protectis demiratus eſt, pauloque poſt, Pompeianas reliquias in poteſtatem recepit: dehinc authoritas Cæſaris toto terrarum orbe permagna fuit, Cæſarq; , vt de ſe tertio belli ciuilis loquitur, cōſiſus famā rerum geſtarum, omnēque locum ſibi tutum fore exiſtimans, Alexandriā infirmis auxiliis proficiſci non dubitauit. Sed de Pharfalico prælio ſatis. Poſtremum prælium è propoſitis eſt Mundenſe in Hiſpania, quò Cn. Pōpeius filius cum reliquiis paternarum copiarum confugerat. Oppius hiftoriæ huius ſcriptor longè diſſimilis, & elegantiæ



& prudentiæ Cæsarianæ fuit . Locus prælij primum describitur æquissimus Pompeianis , Cæsarianis iniquissimus ad Mundam oppidum excelso loco positum . Planicies (ait Oppius) inter vtraque castra intercedebat circiter millia passuum quinque , vt auxilia Pompeij duabus defenderentur rebus, oppidi excelsi & loci naturâ: hinc dirigens proxima planicies æquabatur, cuius decursum antecedebat riuus, qui ad eorum accessum summam efficiebat loci iniquitatem: Nam palustri & voraginoso solo cutrebat ad dextram partem, & Cæsar cùm aciem directam vidisset, non habuit dubium quin media planicie in æquum ad dimicandum aduersarii procederent. Hoc erat in omnium conspectu: huc accedebat, vt locus ea planicie equitatum ornaret & diei solisque serenitas, vt mirificum & optandum tempus, propè à diis immortalibus illud attributum esset ad prælium committendum. Cæsariani lætari, nonnulli etiam timere, quòd in eum locum res fortunæque omnium deducerentur, vt quicquid post horam castris fieret, in dubio poneretur: Itaque Cæsariani ad dimicandum procedunt, id quod aduersarios existimabant esse facturos: Qui tamen à munitione oppidi mille passibus longiùs non audebant procedere, in quo sibi prope murum aduersarii cōstituebant. Itaque Cæsariani procedunt . Interdum æquitas loci aduersarios efflagitabat, vt ta-

li conditione contenderent ad victoriam : neque tamen illi à sua consuetudine discedebant, vt aut ab excelso loco aut ab oppido discederēt. Cæsariani pede presso propiùs riuum cùm appropinquassent, aduersarij patrocinari loco iniquo non desinunt. Hæc igitur contra Pompeianos Cæsarianis iniquitas loci fuit, vires partium sequuntur ordinis artificio indiligentiùs exposito. Erat acies XIII. aquilis constituta, quæ à lateribus equitatu tegebatur, cum leui armatura millibus sex. Præterea auxiliares accedebāt propè alterum tantum. Cæsariana præsidia, LXXX cohortes, & octo millia equitū, cuiusmodi ferè Cæsaris vires cōtra Pompeiū patrem fuerāt. Ita cùm in extrema planicie iniquū in locum Cæsariani appropinquassent, paratus hostis erat superior, vt transeundi superius iter vehemēter esset periculosum. Neq; prudētia Cæsaris hīc ab Oppio prætermissa est. Nam cùm, ait, à Cæsare id esset animaduersum, ne quid temerè culpā suā secus'admitteretur, eum locum definire cœpit, vt fossā vallōq; obduceretur: Sed miles tot antè partis victoriis insolētior retineri non potuit: Itaque cùm id hominum auribus esset obiectum, molestè & acerbè accipiebant se impediri quo minus prælium conficere possent. Hæc mora aduersarios alacriores efficiebat: Cæsaris copias timore impediri ad committendū prælium. Ita se efferentes, iniquo loco sui potestatem

faciebant, vt magno tamen periculo accessus eorum haberetur. Hic Decumani suum locum, cornu dextrum tenebant: Hæc enim legio victoriarum prærogatiuam quandam sua virtute iam pridem meruerat: sinistrum autem cornu, tertia & quinta legio, itémque cætera auxilia & equitatus. Hæc ordinis instructio nempe fuit. Prælium clamore factò committitur: ea enim prælij inchoandi cohortatio romana erat. Hic etsi virtute Cæsariani antecedeabant, aduersarij loco superiore defendebant acerrimè, & vehemens fiebat ab vtrîsq; clamor telorúmque missu concursus, sic, vt propè Cæsariani diffiderent victoriæ. Atque illud (si verum Suetonius ait) tempus videtur fuisse cùm Cæsar suis fugientibus de consciscenda sibi morte cogitauit: Oppius tamen diffidentiam tantùm, non etiam talem desperationem ostendit. Congressus, ait, & clamor quibus rebus maximè hostes contrerrètur in collatu, pari erant conditione, tanta nempe cohortatio tantæque partium alacritas fuit: Itaque ex vtroque genere pugnae cùm parem virtutem ad bellandum contulissent, pilorum missu fixa cumulatur & concidit aduersariorum multitudo. Dextrum demonstrauius decumanos cornu tenuisse, qui etsi erant pauci: tamen propter virtutem magno aduersarios timore eorum opera afficiebant, quòd à suo loco hostes vehementer premere cœperunt, vt ad subsidium ne ab late-

re Cz-

re Cæsariani occuparentur, legio aduersariorum traduci cæpta sit ad dextrum: quæ simul est mota, equitatus Cæsaris sinistrum cornu premere cœpit. At hi eximia virtute prælium facere incipiunt, vt locus in acie ad subsidium veniendi non daretur. Ita cùm clamori esset intermixtus gemitus gladiatorumque crepitus auribus oblatuſ, imperitorum mentes timor præpediebat. Hîc, vt ait Ennius, Pes pede premitur, armis teruntur arma. Atque in hoc bellorum ciuiliũ extremo velut actu Pompeianos licet vehemētissimè pugnantes tantem Cæsariani tamen agere cœperunt: quibus oppidum fuit subsidio. Ita ipsi fusi fugatique non superfuissent, nisi in eum locum confugissent, ex quo erant egressi: In quo prælio ceciderunt millia hominum circiter triginta & si quid ampliùs: præterea Labienus & Actius Varus: quibus occisis vtriusque funus est factum, itémque equites Romani partim ex vrbe, partim ex prouincia ad millia tria. Cæsariani desiderati ad hominum mille partim peditum, partim equitum: faucij ad quingentos. Aduersariorum aquilæ sunt ablatae xiiii, & signa & fasces. Præterea duces belli xvii capti sunt: hos habuit res exitus. Cæsarianorum præcipuèque Decumanorum virtus hîc excellunt, culpamq; loci temerè initi abundè præstitit: Si Cæsar, victoriæ scriptor, vt author fuisset, cohortationem tam periculoso prælio, talem nempe

## P. RAMI LIBER

legeremus, qualem antea Neruico prælio cognouimus. Hanc laudem Oppius de victoriæ laudibus præcipuam prætermisit. Fructus victoriæ, non solum Hispaniæ, sed totius imperii pax fuit, & triumphorum tot antè victoriis meritorum lætitia.

### OPPVGNATIO LOCORUM.

**H**Actenus patentibus locis prælia facta sunt, deinceps clausis & munitis erunt: Locus obsessis præsidio est. Itaque cætera, copiarum, ordinis, cohortationis, obsidentibus maiora debent esse. Oppugnationis autem & propugnationis artes ferè communes sunt. Castrensis architectura illa, de qua suprà dictum est, hîc imprimis expromenda est: hac enim virtute vna & singulari, vrbes expugnantur. Locus igitur expugnatur ex itinere primo impetu, aut longiore oppugnatione capitur. Expugnantur ex itinere Gomphi, quod est oppidum primum Thessaliæ, venientibus ab Epeiro, vt est tertio belli ciuilis. Gomphenses venienti Cæsari, portas præcluserunt Cæsar itaque castris munitis (scalas musculisque ( quibus fossæ aggere completæ solidum iter efficerent) ambulatoriis turribus: ad repentinam oppugnationem fieri, & crates parari iussit, quibus rebus effectis, cohortatus milites, docuit

cuit quantum vsum haberet ad subleuandam omnium rerum inopiam, potiri oppido pleno atque opulento simul reliquis ciuitatibus, huius vrbis exemplo inferre terrorem, & id fieri celeriter prius quàm auxilia concurrerent. Itaque vsus singulari militum studio, eodem quo venerat, die post horam nonam oppidum altissimis mœnibus oppugnate aggressus, ante solis occasum expugnauit & ad diripiendum, militibus concessit, statimque ab oppido castra mouit, & Metropolim venit, sic vt nuntios expugnati oppidi famamque antecederet. Metropolitæ eodem primùm vsi consilio, iisdem permoti rumoribus, portas clauferunt, murósque armatis compleuerunt: sed postea casu ciuitatis comprehensis ex captiuis cognito, quos Cæsar ad murum producendos curauerat, portas aperuerunt: quibus diligentissimè conseruatis, collatâ fortunâ Metropolitæ cum casu Gomphesium, nulla Thessaliæ fuit ciuitas præter Larissæos, qui magnis exercitibus Scipionis tenebantur, quæ non Cæsari pareret atque imperata faceret. Docuimus antea quid celeritas Cæsaris effecerit: hîc etiam multò plenius intelligitur. Eodem die oppugnati & expugnati sunt Gomphi: Huius celeritatis terrore permouetur tota Thessalia seseque dedit: sic vno die innumerabiles vrbes in vna vrbe captæ sunt: Ac si propter latitudinem fossæ murique altitudinem repentino impetu

## P. RAMI LIBER

vrbs expugnari non possit, vineis actis, aggere  
 iacto, turribus constitutis oppugnatur: Vineæ  
 autem, machina est lignea, crudis coriis intexta  
 vndique, lata pedes octo, alta septem, longa sex-  
 decim, sub qua milites tecti, ad murum acce-  
 dunt: agger aggestus lapidibus, terra, cratibus  
 cumulus. Turres ambulatoriæ sunt, quarum imâ  
 parte aries ad subruendum, falxque ad distra-  
 hendum murum educitur: mediâ, pons aditum  
 in urbem facit, summâ sagittarij & funditores,  
 muro propugnatorem deiiciunt. Magnitudine  
 horum operum, quæ neque viderant antè Galli,  
 neque audierât, & celeritate Romanorum per-  
 moti Sueffiones, Nouiodunum oppidum dedi-  
 derunt, vt est libro secundo. Aliquando circum-  
 uallatur pariter & oppugnatur oppidum, vt cõ-  
 tra Aduaticos libro secundo, quorum oppidum  
 egregiè naturâ munitum, ex omnibus in cir-  
 cuitu partibus altissimas rupes despectûsque  
 habebat: vna ex parte leniter accliuus aditus in  
 latitudinem non amplius ducentorum pedum  
 relinquebatur, quem locum duplici altissimo  
 muro munierant, tum magni ponderis saxa &  
 præacutas trabes in muro collocarant: Hoc op-  
 pidum Cæsar vallo duodecim pedum, in circui-  
 tu quindecim millium crebrisque castellis cir-  
 cummunit, deinde vineæ aguntur, agger extrui-  
 tur, turris constituitur, quam vbi moueri & ap-  
 propinquare muris viderunt, nouâ atque inusi-  
 tatâ

ratâ specie commoti, legatos ad Cæsarem de pace miserunt, qui ad hunc modum locuti, Non se existimare, Romanos sine ope deorum, bellum gerere, qui tantæ altitudinis machinationes tantâ celeritate promouere & ex propinquitate pugnare possent, se suâque omnia eorum potestati permittere dixerunt: Sic difficillimo & durissimo hyemis tempore oppida Senonum, Carnutum, Biturigum capta sunt, vt est libro septimo. Atque imprimis oppidis capiendis celeritas illa prorsus admirabilis fuit: Cæsar Vellaundunum Senonum oppidum biduo circumualauit, tertio die missis ex oppido legatis de ditione, arma cõferri, frumenta produci, sexcentos obsides dari iubet: ea qui conficeret C. Trebonium legatum relinquit. Interea Genabum Carnutum capit & incendit: Sic nondum captâ vrbe, vrbs alia tamen capitur, nec vlla temporis occasio, tanta celeritas ducis est, non arripitur: Itaque protinûs Cæsar Nouiodunum Biturigum, armis, equis, obsidibus acceptis, dimittit, vt hac horribili celeritatē reliquas res conficeret, quâ plerâque erat consecutus. Hinc Auaricum cœpit oppugnari, oppidum in Biturigum finibus maximum & munitissimum atque agri fertilissimâ regione propè, ex omnibus partibus, flumine & palude circumdatum vno & per angusto aditu: Hæc autem palus magna fuit, vt quæ perpetua inter Cæsaris & Vercingetorigis



cuniculos præusta & præacuta materia & pice feruefacta & maximi ponderis saxis morabantur, mœnibúsq; appropinquare prohibebant. Muri autem compositi trabibus & lapidibus sic erant, vt facile & ab incendio lapis & ab ariete materia defenderet. His tot rebus impeditâ oppugnatione Romani cùm toto oppugnationis tempore, frigore & alsiduis imbribus tardarentur: tamen continenti labore, omnia hæc superauerunt, & diebus viginti quinque, aggerem, cui nempe turres imponerentur, latum pedes trecentos viginti, altum pedes octoginta extruxerunt. Sed labor hic est militum. Quid Cæsar, laborisne huius expers fuit? Cùm agger murum hostium penè contingeret, Cæsar ad opus, consuetudine excubabat, militésque cohortabatur ne quod omnino tempus ab opere intermitteretur: Nec tamen oppidanorum inertia, interea vlla fuit, sed totam noctem, acerrima dimicatio: paulum ante tertiam vigiliam est animaduersum fumare aggerem, quem cuniculo hostes succenderant: eodémque tempore toto muro clamore sublato, duabus portis ab utroque latere turrium, eruptio fiebat: Alij faces atque aridam materiam de muro in aggerem eminùs iaciebant: picem reliquásque res, quibus ignis excitari potest, fundebant, vt quò primùm curreretur, aut cui rei ferretur auxilium vix ratio iniri posset. Quid igitur? quæ Cæsaris disci-

plina, quis ordo in partitione tanti laboris hinc fuit Instituto Cæsaris, duæ semper legiones pro castris excubabant, pluræque partitis temporibus in opere erant, vnde celeriter factum est ut alij eruptionibus resisterent, alij turres reducerent aggeremque interiscinderent: omnis verò ex castris multitudo ad restinguendum concurreret. Cum in omnibus locis consumpta iam reliqua parte noctis pugnaretur, semperque hostibus spes victoriæ redintegraretur, eò magis, quòd deiustos turrium pluteos (quibus tecti milites antè turres præliabantur) videbant, nec facile adire apertos ad auxiliandum animaduvertebant, semperque ipsi recentes defensis succederent, omnemque Galliæ salutem in illo vestigio temporis positâ arbitrarètur. Accidit insperanti Cæsari, quod dignum memoriâ visum prætermittendum non existimauit. Quidam ante portam oppidi Gallus, per manus scui ac picis traditas glebas in ignem è regione turris proiiciebat, scorpione ab latere dextro traiectus exanimatusque concidit: hunc ex proximis vnus iacentem transgressus, eodè illo munereungebatur, eadè ratione idu scorpionis exanimato alteri succedit tertius & tertio quartus, nec ille prius est à propugnatoribus vacuus relictus locus, quàm restincto aggere atque omni parte summotis hostibus, finis est pugnandi factus. Hæc igitur oppugnatio Romanorum Gallorumque propugnatio

tio fuit, virtute animorum vtrique permagna, at machinarum artificio, et constantia laboris tolerantiaque nequaquam pari: Et Vercingetorigis, qui castra collata castris Cæsaris habebat, permagnus error hîc fuit, (vt ex oppugnatione Alexiæ cognoscetur) quòd Romanos in grauissima noctis illius dimicatione, à tergo nō sit adortus: nec enim tum omnis multitudo è castris ad restinguendum concurrisset, si hostis à tergo castra ipsa oppugnasset. Itaque omnia experti Galli, quòd res nulla successerat, postero die cōsiliū cœperunt ex oppido profugere, hortante & iubēte Vercingetorige: Id silentio noctis conati, non magna iactura suorum sese effecturos sperabant, propterea quòd neque lōgè ab oppido castra Vercingetorigis aberant, & palus, quæ perpetua intercēdebat Romanos ad insequendum tardabat, iāmque hoc facere noctu apparbāt cū matres familiās repentē in publicū procurrerunt, flentēsque proiectę ad pedes suorum, omnibus precibus petierūt ne se & communes liberos hostibus ad supplicium dederent, quos ad capiendam fugam natura & virium infirmitas impediret: vbi eos perstare in sententia viderūt, quòd plerumque in summo periculo timor misericordiam non recipit, cōclamare & significare de fuga Romanis cœperunt: quo timore perterriti Galli, ne ab equitatu Romanorum vię præoccuparentur, consilio destiterunt: Hâc for-

## P. RAMI LIBER

tuna Cæsari occasionem dedit vt hostes domestico vxorum suarum bello grauius vrgerentur quàm hostium externo . Hic Auaricensium error Vercingetorigis errore non minor est in loco oppugnationi hostium proposita, inutilem bello, imò, vt res ipsa docet, perniciosam multitudinem habere: hæc enim multitudo in eū locum coniici debuit, quò hostibus aditus non esset, vt de Neruis antea dictum est . Ergo pretiū erroris huius, Auarici exitium fuit : sed fortuna multò maiorem è cæli tempestate occasionem dedit, neque Cæsaris vigilantia hîc dormiuit: sed & vtramque celeriter arripuit: simulationis etiā dolum addidit oppidūque capit. Postero igitur die Cæsar promota turri perfectisq; operibus quæ facere instituerat, magno coorto imbri, non inutilem hanc ad capiendum consilium tempestatē arbitratus est, quòd paulò incautiùs custodias in muro dispositas videbat suosque languidiùs in opere versari iussit, & quid fieri vellet ostendit, legiones intra vineas in occulto expeditas cohortatus, vt aliquando pro tantis laboribus fructum victoriæ perciperent : iis qui primi murum ascendissent præmia proposuit, militibusq; signum dedit : Illi subito ex omnibus partibus euolauerunt murūque celeriter compleuerunt: Sic per occasiones illas captum est Auaricum. Sed attende reliquam Cæsaris disciplinā, desperatis non pugnam, sed fugam offerentis:

Hostes

Hostes enim re nouâ perterriti muro turribus-  
 que deiecti, in foro ac locis patétioribus cunea-  
 tim cōstituerunt hoc animo, vt si qua ex parte  
 obuiam contraueniretur, acie instructâ depu-  
 gnarent. Hîc Cæsar suos continet, Scipionis lau-  
 datam illam sensétiam memoriâ tenet, hostibus  
 quâ fugerent viam esse faciendam: Itaque Galli  
 vbi neminem in æquum locum sese demittere,  
 sed toto vndique muro circumfundi viderunt,  
 veritine omnino spes fugæ tolleretur, abiectis  
 armis vltimas oppidi partes continenti impetu  
 petiuerunt: victoriæ fructus hîc acerbior fuit,  
 parsque ibi cùm, angusto exitu portarum se ipsi  
 premerent, à militibus, pars iam egressa portis  
 ab equitibus est interfecta, nec fuit quisquam  
 qui prædæ studeret: Sic & Genabensi cæde quâ  
 Romani cæsi fuerant à Carnutibus & labore o-  
 peris incitati, non ætate confectis, non mulieri-  
 bus, non infantibus pepercerunt: hîc alterum er-  
 roris illius est pretium, imbellis nempe multitu-  
 do hostilem rabiem sanguine suo satiauit: Deni-  
 que ex omni eo numero, qui fuit circiter qua-  
 draginta millium, vix octingenti, qui primo cla-  
 more audito se ex oppido ciecerât, incolumes  
 ad Vercingetorigem peruenerūt. Sic igitur op-  
 pugnatum est à Romanis & expugnatum Aua-  
 ricum incredibili legionariorum labore nō bel-  
 lando tantum, sed multò magis fodiendo, ma-  
 teriando, fabricando, locique interioris muni-

P. RAMI LIBER

tionem, munitione exterioris atque opere exa-  
quando, frigora, imbres, famē denique constan-  
tissimè tolerando: quibus tot malis subleuandis,  
egregia ducis cohortatio plurimùm valuit, su-  
doris & alboris particeps fuit, præmia fortibus  
viris proposuit: fructus victoriæ fuit, ut summa  
copia frumenti commeatúsque reliqui exercitū  
ex labore atque inopia reficeret amplissimāque  
prædā ditaret, atque hyeme nondum confectâ  
hostes tãto detrimēto frangeret. Auarici oppu-  
gnatio magna fuit, sed & difficultate oppugnâ-  
tiū & constantia propugnantiū non minor æsti-  
mâda Vxelloduni oppugnatio. Vxellodunū Ca-  
durcorū erat oppidum egregiè naturâ loci & in  
partes omnes, præruptissimis saxis munitū, quo  
defendente nullo: tamen armatis ascēdere esset  
difficile: Flumen infimam vallem diuidebat to-  
tūque penè montem cingebat: atque ita inf-  
mis mōtis radicibus ferebatur, ut nullam in par-  
tem depressis fossis deriuari posset: A Drapete  
Senone & Lufterio Cadurco occupatur. Cani-  
nius Cæsaris legatus trinis excelssissimo loco ca-  
stris obsidet & ab his vallum in oppidi circuitū  
ducere operibúsque cingere instituit: Drapes &  
Lufterius ne fame opprimerentur, frumētatio-  
nis causâ cum parte copiarum exeunt. A Cani-  
nio utrèque separatim fusus est: oppidani tamen  
animo constanti resistunt. Cæsar huc profectus,  
cū magnâ frumenti copiâ oppidani abunda-  
rent,

rent, nec vlla conditione adduci possent, aquâ prohibere eos instituit, vt quos neque armis neque fame potuerat, sibi domaret. sed flumē auertere loci natura prohibebat: Erat autem oppidanis difficilis & præruptus eò descēsus, vt prohibentibus Romanis sine vulneribus ac periculo vitæ neque adire flumen neque arduo se recipere possent ascensu. Quâ difficultate eorum cognitâ hîc eminùs prælium factum est aduersus oppidanos. Cæsar sagittariis funditoribusque dispositis, tormētis etiam, quibusdam locis contra facillimos descēsus collocatis aquâ fluminis prohibebat oppidanos. Sic aqua fluminis erepta est: At fontis aqua supererat, quò omnis postea multitudo aqum conueniebat: sub ipsius enim oppidi murum magnus fons aquæ prorumpebat ab ea parte quæ ferè pedū CCC. interuallo fluminis circuitu vacabat. Hoc fonte prohiberi posse oppidanos cū optarēt reliqui, Cæsar vnus videret, castrensis labor ille oppidorum expugnator reuocatus est: non sine magno periculo è regione eius fontis vineas agere aduersus montem & aggeres instruere Cæsar cœpit magno cum labore & continuâ dimicatione: Oppidani enim, loco superiore decurrunt & eminùs sine periculo præliantur multosque pertinaciter succedentes vulnerant: non deterrentur tamen milites Romani vineas proferre, & labore atque operibus, locorum vincere diffi-

cultates: noui præterea laboris artes adhibent, eodémque tempore tectos cuniculos agunt ad caput fontis, quod genus operis sine vlllo periculo & sine suspitione hostium facere licebat. Extruitur agger in altitudinē pedum nouem, collocatur in eo turris decem tabulatorum, nō quidem quæ mœnibus æquaretur ( id enim nullis operibus effici poterat ) sed quæ superare fontis fastigium posset. Hîc verò sit operæ præcium turris altitudinem decem tabularis erectam considerare, non vt aries primo tabularo murum subruerët, aut secundo, pons aditum in urbem faceret: sed tantùm, vt summis tabularis librator & iaculator, aquatione oppidanos intercluderet. Ergo ex ea turri cùm tela tormentis iacerentur ad fontis aditum, nec sine periculo possët aquari oppidani, non tantùm pecora atque iumenta, sed etiam magna hominum multitudo, siti consumebatur: Nec tamē tanto malo obsessi, vllam deditionis mentionem faciunt, sed cupas seuo, pice, scandulis complent, eas ardentes in opera prouoluunt. Eodem tempore acerrimè præliantur, vt ab incendio restinguendo dimicationis periculo deterreant Romanos. Magna repente in ipsis operibus flamma existit: Quæcunque enim per locum præcipitem missa erant, ea vineis & aggere suppressa, comprehendebant id ipsum quod morabatur: Milites contrà Romani, quamquam periculoso genere prælij locoque



que iniquo premebantur: tamen omnia fortissimo sustinebant animo. Cohortatio vtrunque non deerat: Res enim gerebatur & excelso loco & in conspectu omnium, magnusque vtrunque clamor oriebatur, ita ut quisque poterat maxime insignis, quod notior testatorque virtus eius esset telis hostium flammæque se offerebat. Mirari lubeat in tanta rerum propè desperatione Cæsaris ingenium: prærupissimum montem cernebat, & quod etiam si nemo defenderet, armatis ascendere difficillimum esset: atramè cum complures suos vulnerari videret, ex omnibus oppidi partibus cohortes montem ascendere & simulatione mœnium occupandorum clamorem undique iubet tollere. Quo facto perterriti oppidani, cum quid ageretur in locis reliquis esset ignari, reuocant ab impugnandis operibus armatos, murisque disponunt. Ita Romani sine prælij facto, celeriter opera, flammâ comprehensa partim restinguunt, partim interfcindunt. Cum pertinaciter resisterent oppidani, magna etiam parte suorum siti amisâ, in sententia permanebant. At postremum cuniculis, venæ fontis interfcisæ sunt atque auersæ: quo facto, fons aquæ perrenis exaruit, tantamque attulit oppidanis, salutis desperationem, ut id non hominum consilio, sed deorum voluntate factum putarent. Cuniculorû artes videlicet ignorabant, ut Suesfiones, ut Aduatici machinas ambulantium tur-

## P. RAMI LIBER

rium : Itaque religione deorum tacti & necessitate coacti, se tradiderunt. Sed ista similis deorum religio necessitatque Cæsarem aquâ similiter Alexandria interclusum nihil tetigit, nihil coëgit, ut postea dicitur, quin militum animis ad fodiendos puteos incitatis, magnam vna nocte vim aquæ dulcis inueniret. Hic igitur simplicitatis error Gallorum animos ad deditionem induxit, in qua non multò mitior Cæsar fuit, quàm Cæsaris milites in Auaricensi expugnatione fuerant: Omnibus enim qui arma tulerant, manus præcudit, vitamque concessit, quod testatior esset eorum pœna: hunc enim victoriæ fructum sibi statuit, ut exemplo supplicij Gallos imposterum deterreret, quò minùs se tali constantiâ in libertatem vindicarent. Sed in hoc contentionis dimicationisq̃ genere non omnia Cæsari secunda successerunt: duplex enim ad Gergouiam & ad Dyrrhachium detrimentũ & discessus vtrunque turpis accidit. Gergouia posita in altissimo monte ( à cuius ima valle ascensus recta regione si nullus amfractus intercederet, mille ducentos passus ad muros aberat ) omnes aditus difficiles habuit: à medio ferè montis in longitudinem ex grandibus saxis sex pedum vallum Galli produxerant: vrbi duo præterea monte adiungebantur, alterius dorsum propè æquum & angustum, quâ esset aditus ad alteram partem oppidi: alter mons è regione vrbis ex omni parte circûcisus.

Galli

Galli igitur & urbem & urbis dimidium superiorem montem & adiunctos montes militibus armatis compléuerant nec ullum ferè diem intermittebant, quin equestri prælio interiectis sagittariis, quid in quòque esset animi ac virtutis suorum periclitarentur. Cæsar perspecto urbis situ, si alterum illū montem, qui erat è regione urbis teneret, se & aquæ magnam partem & pabulationem liberam hostibus erepturum putabat. Silentio itaque noctis priusquam subsidium ex oppido venire posset, præsidium Gallorum deiecit, ibique legiones duas collocat, ac fossam duplicem duodenūm pedum à maioribus castris ad hæc maiora perducit, ut toto à repentino hostium incurso etiam singuli cōmeare possent. Ergo hic Cæsar ad Gergouiam dolus successit, unde binis castris Gergouia obsideri cœpta est. Interim Cæsar ad Heduorum decem millia quæ ad hostem deficere dicerentur, retinendum, subito è castris ad viginti quinque millia passuum egreditur, castraque ipsa summis Gallorum copiis oppugnata, ægerrimè cū viris tum tormentis defensa sunt: Ac nisi Cæsar postridie, parī celeritate recurrisset, actum de castris Cæsaris videbatur. Hæc prima Cæsari plaga fuit, unde huius expeditionis eum pœnitere cœpit. Sed cogitanti quēadmodū integrā famā discederet, accidere visa est facultas bene gerendæ rei: Montis illius oppido continentis iugum

## P. RAMI LIBER

studiosius solito à Gallis defendebatur. In spem  
 inde venit potiundorum castrorum, quæ medio  
 urbis monte muniebantur: Itaque alterum do-  
 lum meditatur, ac tanquam iugum illud expu-  
 gnaturus omnibus copiis esset, mittit complu-  
 res equitum turmas eò de mediâ nocte: his im-  
 perat ut paulò tumultuosius omnibus in locis  
 peruagentur. Prima luce magnum numerum  
 impedimentorum ex castris detrahi mulionés-  
 que cum cassidibus, equitum specie ac simu-  
 latione collibus circumuehi iubet: his paucos  
 addit equites qui latius ostentationis causâ va-  
 garentur: longo circuitu, easdem omnes iubet  
 petere regiones. Hæc procùl ex oppido vide-  
 bantur, ut erat à Gergouia despectus in castra:  
 neque tanto spatio, certi quid esset, explorari po-  
 terat. Legionem vnam eodem iugo mittit, &  
 paulum progressam, inferiore constituit loco  
 syluísque occultat. Augetur Gallis suspicio, at-  
 que omnes illò munitionum copiarum traducun-  
 tur. Vacua castra hostium Cæsar conspiciatus,  
 relictis insignibus suorum occultatisque signis  
 militaribus, raros milites, ne ex oppido animad-  
 uerterentur, ex maioribus castris in minora tra-  
 ducit, legatisque quos singulis legionibus præ-  
 fecerat, quid fieri vellet, ostendit. Præcipit ut ce-  
 leritate summa in munitiones perumpant ist-  
 que direptis, signo dato redeant: Heduos etiam  
 dextra parte alio ascensu mittit: Signo dato, mi-  
 lites

lites celeriter munitionem transgressi, trinis castris potiuntur, ac tanta fuit in castris capiendis celeritas vt Theutomatus rex Nitiobrigum subito in tabernaculo oppressus, vt meridie conquicuerat, superiore corporis parte nudata, vulnerato equo vix se ex manibus prædantium militum eriperet. Consecutus id quod animo proposuerat Cæsar, receptui canit, legio decima constitit: reliquæ non exaudito tubæ sono non prius sequendi finem fecerunt, quàm muro oppidi portisque appropinquarent. Tum verò ex omnibus vrbis partibus orto clamore, Galli qui longius aberant, repentino tumultu perterriti, cum Romanos intra portas esse existimarent, sese ex oppido eiecerunt, matres familiæ de muro vestem argentumque iactabant & pectore nudo prominentes, passis manibus obtestabantur Romanos, vt sibi parcerent, neu sicut Auarici fecissent, ne mulieribus quidem atque infantibus abstinerent, nonnullæ de muro per manus demissæ, sese militibus tradebant. Auaricum monuit antea quantæ simplicitatis esset, imbellem mulierum turbam in obsessis oppidis habere, Gergouia rursus idem admonet. L. Fabius centurio legionis octauæ, quem inter suos eo die dixisse constabat, excitari se Auaricensibus præmiis, neque commissurum vt prius quiscquam murum ascenderet, tres suos nactus manipulares atque ab his subleuatus, murum ascē-

## P. RAMI LIBER

dit: hos ipse rursus singulos exceptans, in murum, extulit. Interim ij qui ad alteram partem oppidi vt supra demonstrauius, munitionis causâ conuenerant, primo exaudito clamore, inde etiam crebris nuntiis incitati, oppidum à Romanis teneri, præmissis equitibus magno concursu eò contenderunt. Eorum vt quisque primus venerat, sub muro consistebat suorumque pugnantium numerum augebat: quorum cum magna multitudo conuenisset, matres familias, quæ paulò antè Romanis de muro manus tendebant, suos obtestari & more gallico passum capillum ostentare liberosque in conspectum proferre cœperunt: Erat Romanis nec loco nec numero æqua contentio: simul & cursu & spatio pugnae defatigati, non faciliè recentes atque integros sustinebant. Cæsar fremens frédensque legionariorum suorum eadem spectabat. Ecce etiâ nouus ab Heduis terror è similitudine Gallicorum armorû. Nā tametsi dextris humeris exertis animaduertebantur, quod insigne pacatis esse cōsueuerat: tamen id ipsum sui fallendi causâ Romani ab hostibus factū existimabant: Itaque Fabius cēturio quique vnà murum ascenderant, circumuenti atq; inperfecti, de muro præcipitantur: reliqui in munitiones ingressi quadraginta sex centurionibus amissis loco deiiciuntur: eoque die milites sunt paulò minùs septingenti desiderati (ait Cæsar) At quadraginta

draginta sex centuriones, militum millia quatuor & sexcentos ducebant : Itaque pudorne Cæsaris an dolor, an alia quædam ratio cæsorum numerum minuerit, considerato. Cerrè Cæsar aliud subsidium summittere laborantibus nullum potuit, quàm vt Gallos intolerantiùs insequentes, reliquis legionibus ad radices montis tardaret. Ergo hæc Cæsari ad Gergouiam altera plaga fuit, quâ præsens toros Gallici belli annos grauiorem nullam acceperat, quâque Gergouix oppugnationem dimittere coactus est. Scio Cæsarem nullo vsquam loco tam sollicitè egisse, vt facti culpam à se auerteret: de expugnatione desperauerat ( air ) de obsessiōe non priùs agendum constituerat, quàm rem frumentariam expediret: & tamen oppugnat & obsider, concione aduocatâ, militum temeritatem, licentiam, arrogantiam contra imperatoris sui mandatum reprehendit, quod sibi ipsi iudicauissent quò procedendum aut quid agendum videretur, neque signo recipiendi sui dato constitissent, neque à Tribunis militum legatîque retineri potuissent : Cæsar acceptæ cladis causas apertè commemorat, nec numero nec loco contentio par erat, ordo non deerat, non deerat alacritas & cohortatio, sed numerus, sed locus deerat: At tamen ne milites admodum demitterentur animo, laudem quandam & consolationem huic reprehensioni adiunxit, quòd eorum virtutem

admiraretur, quos non castrorum munitio-  
 nes, non altitudo montis, non murus oppidi tar-  
 dare potuisset, nec eos hostium virtute, sed cur-  
 su & spatio defatigatos, loci iniquitate victos  
 esse. Toto belli Gallici tempore bis tantum ac-  
 cidit, ut legiones à Cæsare reprehendi possent,  
 semel contra Ariouistum propter timorem, ite-  
 rum ad Gergouiam propter audaciam: Illic Cæ-  
 sar adhortationis confirmationem permagnam  
 adhibuit: Atque hinc ad milites impensius con-  
 firmandum, & gallicam ostentationem minuē-  
 dum, continuo biduo legiones è castris edu-  
 xit aciemque idoneo loco constituit, cumque  
 Galli nihilo magis in æquum locum descende-  
 rent, castra mouit: inde ad Alexiam ignominie  
 huius nota deleta est, ut postea cognoscetur.  
 Hæc igitur ad Gergouiam detrimenta Cæsari  
 contigerunt, quibus ad Dyrrhachiū similia sunt  
 accepta: Vbi tamen Cæsaris singularem mili-  
 tiam operæprecium sit animaduvertere: Cæsar  
 ad Dyrrhachium longius bellum ductum iri  
 existimans, & de Italicis cōmeatibus desperans,  
 consilium capit ex loci natura. Erant circum ca-  
 stra Pompeij permulti editi atque asperi colles,  
 ibi castella communiit, indeque ex castello in  
 castellum perducta munitione, circumuallare  
 Pompeium instituit, ut comineatu & pabulatione,  
 sed imprimis autoritate minueret, cū fama  
 per orbem terrarum percrebuisset Pompeium à  
 Cæsare



Cæsare obsideri: neque tamē audere prælio desertare: At fortunam tentandam sibi Pompeius nequaquam statuebat: Itaque castellis viginti quatuor contra Cæsarem effectis, quindecim millia passuum circuitu complexus est, ut Cæsaris copias quàm maximè distineret, & hōc spatio pabularetur. Cæsar contrà, ut obsidionem retineat, octodecim millia passuum opere complectitur. Eheu posteri, nunquid' ista ridicula aut falsa iudicamus? duo terrarum Imperatores summi bellum acerrimum gravissimūque gerunt, ratione prorsus nouā & inusitatā: Cæsar complecti Pompeium contendit, Pompeius quàm latissimè potest, toto corpore dilatur, ne brachiis Cæsaris comprehendi possit: Cæsar tamen conari non desistit, brachia neruis omnibus distendit, ob eamque causam prælia sagittis præsertim ad munitiones occupandum vel tuendum vtrinque perpetua fiebant: quin vno die sex prælia facta, tria ad Dyrrhachium, tria ad munitiones maiore Pompeianorum cæde: Ac quicumque alterum est adortus, is ferè repulsus detrimentoque magno affectus est. Pompeiani frumento maris subuectionibus abundabant: verum pabulatione & aquæ dulcis inopiâ, fluminibus & riuibus per Cæsarianos aut auersis aut obstructis, quotidianisque laboribus, homines operum talium insueti, magnum numerum iumentorum & hominum amittebant:

## P. RAMI LIBER

Cæsariani frumento egebant: At egestatis patientiâ, sicut antea dixi, longè superiores erant: vulgò in vigiliarum colloquiis iactabant, se priùs cortice ex arboribus victuros, quàm Pompeium è manibus dimitterent. Ergo patientiæ certamen istud est, vter sitim, vter famem & in perpetuis operibus laborè constantius tulerit, is victoriam reportet. Cæsar quotidie exercitum producto, Pompeium ad prælium prouocat: Pompeius, vt famem retineat, pro castris exercitum constituit: Cæsar, vt angustiore pabulatione Pompeium contineret, castella noua magnis operibus con-munit, vnde factum vt Pompeiani folijs arborum & teneris arundinum radicibus contusis, equos alere cogerentur: Hæc inquam mirabilis pugna Cæsaris fuit. fossarum, castellorum, munitionum, imò famis & egestatis durissimo certamine, quo si vti perseuerasset, victus sine gladio Pompeius esset: At plagarum insolens, dum cupidius ad vindictam properat, institutam illam nouæ victoriæ palmam perdidit. Pompeius indicio per fugarum, Cæsaris imperfectas munitiones ingressus, cetruriones primæ cohortis ferè omnes interfecit magnâq; præte ea eadem fecit: ac nî tum Antonius primum, tum Cæsar auxilio accurrissent, multò maius deprimementum intulisset: Hæc prima Cæsaris dyrrhachina clades fuit, cuius sarciedæ causâ Cæsar eodem temporis puncto quàm potuit occultissime

tissimè progressus in Pompeij castra primò maiora, deinde minora irrūpit, & in his victor versatur. Sed fortuna, quæ plurimùm potest cum in reliquis rebus, tum præcipuè in bello parvis momentis magnas rerum commutationes efficit (ait Cæsar fortunam cladis veluti ream faciens) Cæsariani in minoribus castris Pompeij dum munitiones qualdam sequuntur, à porta aberant: Interim Pompeius subsidio suis occurrit, omniâque subitò mutantur: equitatus Cæsaris, initium fugæ facit, dextrum cornu in fossam decem pedum sese præcipitat, primisque oppressis, reliqui per eorum corpora salutem sibi atque exitum pariebant: Sinistrum cornu eodem quo venerat receptu sibi consulit, omniâque erant tumultus, timoris, fugæ plena, ad eò, ut cum Cæsar signa fugientium manu prehenderet & consistere iuberet, alij dimissis equis eundem cursum conficerent, alij ex metu etiam, signa dimitterent, neque quisquam omnino consisteret. Atque hic locus videtur esse, ubi aquilifer moranti Cæsari, cuspide comminatus est, ut ait Suetonius. Cæsar igitur eo tempore fugere coactus est: sed tantis malis hæc subsidia succurrerunt quò minùs omnis deleteretur exercitus, quòd Pompeius insidias timens (credo, quòd hæc præter spem eius acciderant, qui paulò antè ex castris fugientes suos conspexerat) munitionibus appropinquare aliquandiu non audebat, equitès-

que eius angustis portis, atque his à Cæsaris militibus occupatis, ad insequendum, tardabantur. Ita parvæ res magnum in utrâque partem momentum habuerunt: Munitiones enim à castris ad flumen perductæ, expugnatis iam castris Pompeij, propriam & expeditam Cæsaris victoriam interpellauerunt, eadem res celeritate insequentium tardata Cæsarianis salutem attulit. Duobus his vnus diei præliis, Cæsari desiderati sunt milites nongenti & sexaginta, & noti equites Romani quadringenti: Hæc secunda Cæsaris clades fuit, vbi, si verum Suetonius ait, negavit Cæsar Pompeium scire vincere, qui tantam occasionē secutus non esset: Sed vt Gergouiensi, sic Dyrrhachino malo magna medicina adhibita est: primū consolationis quod antea secundæ res multæ contigissent, hanc vnam fortunam industriâ & virtute esse subleuandam: quod si esset factum, detrimentum in bonum verteret, vt ad Gergouiam accidisset: tum animaduersionis de signiferis notatis, de quib⁹ antè dixi: Itaque sarcinendi detrimēti cupiditas incredibilis, vt Pharfalico bello dictum est, inde extitit: Sed tamē Gergouia & Dyrrhachium testimonia præbunt quâmlibet magnis imperatoribus non semper ex animi sententia res secundas euenire.

PRO-

## PROPUGNATIO.

**A**Tque hæc oppugnationum Romanarum exempla sunt, propugnationum contraria exempla subducamus. Oppugnata ad Gergo- uiam castra Cæsaris diximus & tormentis præ- cipuè propugnata: Bibrax secundo libro sagitta- riis & funditoribus aduersus Belgas defenditur: Castra, tum Q. Ciceronis, tum Cæsaris ad Cice- ronem liberandum profecti oppugnantur, sed Ciceronis multò vehementiùs & oppugnantur & propugnantur: Nam cùm subito Neruij, quo- rum erant sexaginta millia, oppugnare cœpif- sent, Romani, quorum vnica erat legio, celeriter ad arma concurrunt vallumque conscendunt, atque ægrè is dies sustentatur: Mittuntur ad Cæ- sarem confestim à Cicerone literæ, magno ta- bellariis proposito præmio, sed obseſsis omni- bus viis, missi intercipiuntur: propugnationis in- terim arma expediuntur: noctu ex ea materia, quam munitionis causſâ comportauerant, tur- res admodum centum viginti à Romanis ex- citantur incredibili celeritate: quæ deesse operi videbatur, perficiuntur: hostes postero die mul- tò maioribus copiis coactis, castra oppugnant, fossam complēt: à Romanis eadem ratione quâ pridie, resistitur. Hoc idem deinceps reliquis fit diebus: Romanorum manus perexigua erat: Ita- que vigilantia & labore & machinarum artifi- cio subleuanda. Nulla igitur pars nocturni tem-

poris ad laborem intermittitur, non ægris, non vulneratis facultas quietis datur. Quæcúmque ad proximi diei oppugnationem opus sunt, noctu comparantur, multæ præstæ fudes, magnus muralium pilorum numerus instituitur, turres contabulantur, pinnæ loriceæque ex cratibus attexuntur: ipse Cicero cùm, tenuissima valetudine esset, ne nocturnum quidem sibi tempus ad quietem relinquebat, ut ultro militum concursu ac vocibus sibi parcere cogeretur. Ergo hæc tridui oppugnatio & propugnatio fuit. Interim Ciceronis animus, ab hostibus frustra ad deditionem sollicitatur. Itaque Neruij, sicut è Romana militia iam didicerant, omnia oppugnationis opera suscipiunt, vallo pedum vndecim & fossa pedum quindecim castra cingunt. turres ad altitudinem valli, falces testudinésque parare ac facere cœperunt. Septimo oppugnationis die, maximo coôrto vento feruentes fusili ex argilla glandes fundis, & feruefacta iacula in casas, quæ more gallico stramentis erant tectæ, iacere cœperunt: hæc celeriter ignem comprehenderunt, & venti magnitudine, in omnem castrorum locum distulerunt. Hostes maximo clamore insecuti quasi partâ iam atque exploratâ victoriâ, turres testudinésque agere, & scalis vallum ascendere cœperunt. Hic grauis oppugnatio instituitur, sed nec minor propugnatio comparatur: Tanta enim Romanorum virtus atque

atque ea præsentia animi fuit, ut cum undique flammâ torrerentur maximâque telorum multitudine premerentur, suâque omnia impedimenta atque omnes fortunas conflagrare intelligerent, non modò demigrandi causâ de vallo decederet nemo, sed penè, ne respiceret quidem quisquam, ac tum omnes acerrimè fortissimèque pugnarent. Hic dies Romanis longè gravissimus fuit: sed tamen hunc habuit euentum, ut eo die maximus numerus hostium vulneraretur atque interficeretur: ut se sub ipso vallo constipauerant recessumque primis ultimi non dabât. Paulùm quidem intermissa flamma, & quodam loco turri adacta, & contingente vallum, tertiæ cohortis centuriones ex eo quo stabât loco, recesserunt, suosque omnes remouerunt: ac nunc vocibusque hostes, si introire vellent, vocare cœperunt: quorum progredi ausus est nemo: tum ex omni parte lapidibus cōiectis deturbati, turrisque succensa est. Monuimus antea quàm liberalis in milites Cæsar fuerit frumento, stipendio cæterisque præmiis, sed maxima virtutis præmia in laude & gloria ponuntur, quam bene meritis militibus Cæsar impensè attribuît. Ergo præconium imperatoris de duobus centurionibus audiamus, Erant, ait Cæsar, in Ciceronis legione fortissimi viri centuriones, qui iam primis ordinibus appropinquarent, T. Pulsius & L. Varenius: hi perpetuas inter se controuersias habebât

## P. RAMI LIBER

**U**ter alteri anteferretur, omnibúsq; armis de loco, summis simultatibus contendebant, ex iis Pulſio cùm acerrimè ad munitiones pugnaretur, Quid dubitas, inquit, Varene? aut quem locum probandæ virtutis tuæ expectas? hic dies de nostris controuerſiis iudicabit. Hæc cùm dixiſſet, procedit extra munitiones & quæ pars hoſtium confertiſſima viſa eſt, in eam irrupit. Ne Varenus quidem ſeſe tum vallo continet, ſed omnium veritus exiſtimationem, ſubſequitur. Tum mediocri ſpatio relicto, Pulſio pilum in hoſtes immittit, atque vnũ ex multitudine procurrentem traicit: quo percuſſo exanimatoque hunc ſcutis protegũt hoſtes & in illum vniuerſi tela coniiciunt, neque dant regrediendi facultatem, tranſfigitur ſcutum Pulſioni & verutum in balteo deſigitur. Auertit hic caſus vaginam & gladium educere conantis, dextrã moratur manum, impeditũque hoſtes circunſiſtunt, ſuccurrit inimicus illi Varenus & laboranti ſubuenit, ad hunc ſe conſeſtim à Pulſione omnis multitudo conuertit, illum veruto tranſfixum arbitrantur, Varenus rem gladio cominũs gerit, atque vno interfecto, reliquos paulum propellit. Dum cupidiũs iſtat, in locum inferiorem deiectus concidit: huic ruſus circumuento fert ſubſidium Pulſio atque ambo incolumes compluribus interfectis ſummã cum laude ſeſe intra munitiones recipiunt: Sic fortuna in contentione

ne



ne & certamine, vtrumque versauit, vt alter alteri inimicus, auxilio salutique esset, neque diiudicari posset vter vtri virtute anteferendus videretur. Quanto erat in dies grauior atque asperior oppugnatio, & maximè quod magnâ parte militum confectâ vulneribus res ad paucitatem defensorum peruenerat, tantò crebriores literæ nuntiique ad Cæsarem mittebantur, quorum pars deprehensa, in conspectu Romanorum militum cum cruciatu necabatur. Erat vnus intus Neruius, nomine Vertico, loco natus honesto, qui à prima obsidione ad Ciceronem profugerat, suamque ei fidem præstiterat: hic, seruo spe libertatis magnisque persuadet præmiis vt literas ad Cæsarem deferat, has ille in iaculo illigatas effert, & Gallus inter Gallos sine vlla suspitione versatus, ad Cæsare peruenit, ab eo de periculo Ciceronis legionisque cognoscitur. Horribilis illa Cæsaris vigilantia, celeritas, diligentia multis antea documentis perspecta est: hic etiam potest imprimis animaduerti: Attēdamus igitur quid ipse de se loquatur, Cæsar acceptis literis hora circiter vndecima dici, statim nuntium in Bellouacos ad M. Crassum Quæstorem mittit, cuius hyberna aberant ab eo millia passuum x x v, iubet mediâ nocte legionem proficisci celeritèrque ad se venire. Exit cum nuntio Crassus, alterum ad C. Fabium legatum mittit, vt in Atrebatium fines legionem adducat, quâ

sibi iter faciendum sciebat Scribit Labieno, si Reipub. commodò facere posset, cum legione ad fines Neruiorū veniat, reliquam partem exercitus, quòd paulò aberat longiùs, non putat expectandam, equites circiter quadringentos ex proximis hybernis colligit. Hora circiter tertia ab antecursoribus, de Crafsi aduentu certior factus, eo die millia passuum xx progreditur. Fabius non ita multum moratus in itinere cum legione occurrit, Labienus Treuiorum bello distinetur. Cæsar etsi opinione trium legionū deiectus, ad duas redierat: tamen vnum communis salutis auxilium in celeritate ponebat, venit magnis itineribus in Neruiorū fines: ibi ex captiuis cognoscit quæ apud Ciceronem geratur, quantoque in periculo res sit. Tum cuidam ex equitibus Gallis, magnis præmiis persuadet uti ad Ciceronem epistolam deferat: hanc græcis cōscriptam literis mittit, ne intercepta epistola, Romanorum ab hostibus consilia cognoscantur, si adire non possit, monet ut tragulam cum epistola ad amentum deligatâ, intra munitiōnem castrorum adiiciat: in literis scribit, se cum legionibus profectum celeriter affore, hortatur ut pristinam virtutem retineat. Gallus periculum veritus ut erat præceptum, tragulam mittit, hæc casu ad turrim adhæsit neque à Romanis biduo animaduersa, tertio die à quodam milite conspicitur, dempta, ad Ciceronem defertur, ille,

ille, perlectam in conuentu militum recitat, maximâque omnes lætitiâ afficit: Tum fumi incendiorum, procul videbantur, quæ res omnem dubitationem aduentus legionum expulit. Adhuc oppugnatus est Tullius, deinceps Cæsar oppugnabitur. Galli re cognitâ, per exploratores, obsidionem relinquunt, ad Cæsarem omnibus copiis contendunt. Hæ erant armatorum circiter millia Lx. Cicero data facultate Gallum ab eodem Verticone quem suprâ demonstrauius, repetit, qui literas ad Cæsarem deferat. Hunc admonet iter cautè diligentérque faciat, perscribit in literis hostes ab se discessisse omnémque ad eum multitudinem conuertisse: quibus literis circiter media nocte Cæsar allatis suos facit certiores eòsque ad dimicandum animo confirmat. Postero die primâ luce mouet castra & circiter millia passuum quatuor progressus, trans vallem magnam & riuum multitudinem hostium conspiciatur. Hic verò Cæsaris ingenium singulare est in simulatione paucitatis & timoris, quò faciliùs in confusionem & locum iniquiorem hostem adduceret, Erat, ait, magni periculi res, cum tantis copiis, iniquo loco dimicare: Tunc quoniam liberatum obsidione Ciceronem sciebat, eoque omnino remittendum de celeritate sciebat, confedit, & quàm æquissimo loco potest, castra communit, atque hæc etsi erant exigua per se, vix hominum millium septem,

præsertim nullis cum impedimentis: tamen angustis viarum quammaximè potest contrahit, eo consilio vt in summam contemptiõem hostibus veniat. Interim speculatoribus in omnes partes dimissis explorat quo commodissimè itinere vallem trāsire possit. Eo die paruulis equestribus præliis ad aquam factis, vtrique sese suo loco continent: Galli, quòd ampliores copias quæ nondum conuenerant, expectabant: Cæsar, si fortè timoris simulatione hostes in suum locum elicere posset, vt citra vallem pro castris præliò contenderet: si id fieri non posset, vt exploratis itineribus, minore periculo vallem riuumque transiret. Primâ luce hostium equitatus ad castra accedit præliúmque cum Romanis equitibus committit. Cæsar consultò equites cedere seque in castra recipere iubet: simul ex omnibus partibus, castra altiore vallo muniti portasque obstrui, atque in his administrandis rebus, quammaximè concurrari & cum simulatione agi timoris iubet: quibus omnibus rebus hostes inuitati, copias traducunt, aciemque iniquo loco constituunt: Romanis verò etiam de vallo deductis propiùs accedunt & tela intra munitionem ex omnibus partibus coniiciunt, præconibúque circummissis pronuntiari iubent seu quis Gallus, seu quis Romanus velit ante horam tertiam ad se transire, sine periculo licere, post id tempus, non fore potestatem:

ten: ac sic Romanos contempserunt, vt obstructis in speciem portis singulis, ordinibus cespitum, quodd eà non posse introrumpere videbantur, alij vallum manu scindere, alij fossas complere inciperent. Tum Cæsar omnibus portis eruptione factâ equitatúque emissio, celeriter dat hostes in fugam, sic vt omnino pugnandi causâ resisteret nemo: magnúmque ex iis numerum occidit, atque omnes armis exiit: Longiùs prosequi noluit, veritus, quodd syluæ paludésque intercedebant, neque etiam paruulo detrimento illum locum relinqui videbat. Omnibus suis incolumibus eodem die ad Ciceronem peruenit: Institutas turres, testudines, munitionésque hostium admiratur, Legionem productâ cognoscit non decimum quemque esse relictum militem sine vulnere: Ex his omnibus iudicat rebus quanto cum periculo & quanta virtute res sint administratæ: Ciceronem pro eius merito, legionémque collaudat, Centuriones sigillatim Tribunósque militum appellat, quorum egregiam fuisse virtutem testimonio Ciceronis cognouerat. Haftenus igitur egregium Cæsarianæ propugnationis exemplum habemus, vbi loci æquitas, ordo, cohortatio, eruptione contra loci iniquitatem, confusionem, stultæ confidentiæ temeritatem, victoriam præclaram attulit. Laudauit Cæsar separatim Pulsiorem & Varennum, tandem reliquos etiam Centuriones Tri-

## P. RAMI LIBER

bunósque militum, quorum egregiam fuisse virtutem legati testimonio cognouerat. Ergo hæc stipendia sunt laudis ab imperatore generosis militibus longè charissima, quæ cum pecunia, veste, annona, cæterisque stipendiis præstantium animorum iudicio comparanda nequaquam sunt. Hæc Cæsaris historia est, vnde magnâ prudentiam non solum in castrorum forma videmus tanquâ septem tantum milliū cum millia viginti quatuor essent, si duæ legiones suis auxiliis essent instructæ, sed in reliquarum viarum & vniuersi timoris simulatione. Consilio simulationis & simili dolo vsi tum Galba contra Sedunos & Veragros in Alpibus, tum Sabinus contra Vnellos, tum Labienus contra Treuiros, victoriam similem adepti sunt. Vnum verò Cæsarianæ propugnationis strategema prætermittendum nequaquam censui. Cn. Pompeius filius Vllam oppidum Hispaniæ oppugnabat (ait Oppius) & ferè iam aliquot mensibus ibi distinebatur, quo ex oppido, cognito Cæsaris aduentu, legati clam præter præsidia Cn. Pompeij Cæsarem cum adissent, petere cœperunt, vt sibi primo quòque tempore subsidium mitteret: Cæsar eam ciuitatem omni tempore optimè de populo Romano meritam esse sciens celeriter sex cohortes secundâ vigiliâ iuber proficisci parique equites numero, quibus præfecit hominem eius prouinciæ notum & non parum scientem

L. Iu-

L. Iunium Patiecum, qui cū ad Cn. Pompeij præsidia venisset, incidit id temporis, vt tempestate aduersa vehementique vento affligeretur: qua vi tempestatis ita obscurabatur vt vix proximum cognoscere posset: cuius incommodum summam vilitatem ipsis præbebat. Ita cū ad eum venerunt, iuber binos equites incedere, & rectā per aduersariorum præsidia ad oppidum contēdere, mediisque ex præsidiis, cū quæreretur qui essent, vnus ex Cæsarianis respondit vt fileat, verbum facere: nam id temporis conari ad murum accedere vt oppidum capiāt, & partim, tempestate impediti vigiles, non poterant diligentiam præstare: partim illo responso deterrebantur, cū ad portam appropinquassent, signo dato ab oppidanis sunt recepti, & pedites equitēque clamore facto dispositis ibi partim qui remansere, eruptionem in aduersariorum castra fecerunt: sic illud cū inscientibus accidisset, existimabat magna pars hominum qui in his castris fuissent, se propē captos esse. Oppugnationis & propugnationis exempla separatim posita sunt: sed Romana ad Alexiam oppugnationis propugnationēq; longē laboriosissima omnium præstantissimāque fuit: Fuit autem Alexia, oppidum Mandubiorum, in colle summo, admodum edito loco, cuius collis radices duæ duabus ex partibus flumina subleuant: Ante oppidum planities circiter millibus passuum tri-

## P. RAMI LIBER

bus in longitudinem patebat, reliquis ex omnibus partibus, colles mediocri interiecto spatio, pari altitudinis fastigio oppidum cingebant: huc Vercingetorix cum octoginta millibus Gallorum sese receperat, partemque collis ad orientem copiis illis compleuerat, fossam & materiam, sex in altitudinem pedum perduxerat. Cæsar ad Alexiam locis idoneis decem legionum auxiliorumque omnium quæ gallicis antè, bellis habuerat, castra posuit: Quotuplicia verò, ipse non exprimit: at res minimum bina docet fuisse: Alia enim summum vndique iugum tenebant, vnde despectus erat in omnes partes: alia ad collem, versus Septentriones loco leniter decliu: castella præterea viginti tria fecit, quibus in castellis interdum stationes disponebantur, ne qua subito irruptio fieret. Hæc eadem noctu excubitoribus ac firmis præsidiis tenebantur: In planitie illa, primum fit equestre prælium, vbi laborantibus Romanis, Germani equites subsidio summissi & legiones pro castris præsidio constitutæ, Gallos in fugam coniecerunt. Hoc equitum subsidium, hoc legionum præsidium victoriæ causâ fuit: & victoriæ Cæsaris, vt superioribus bellis patuit, ab his causis oriuntur. Vercingetorix equitatum in omnes Galliæ partes dimittit ad omnes Gallos qui arma ferre possent cogendum: Commeatum in triginta dies parçè distribuit, atque ita auxilia Galliæ expectare constituit.



stituit. Cæsar interea Alexiam circumuallat, maximis & propè incredibilibus aduersus & interiorem & exteriorē hostem operibus, vt quoniam loco superior hostis esset, locum sibi diligentia faceret ad vincendum æqualem vel etiam superiorem. Legionarij fossiores illi, materiarij, frumentarij tam multis antè exemplis laborem suum quamuis propè improbabilem, tamen probauerunt: sed hoc imprimis exemplo probare possunt: Ista enim militia tota ferè est ligonum, palarum, securium, agricolarum denique veriùs quàm militum. Cæsar igitur legionariorum opera aduersus hostem interiorem, circuitu vndecim millia passuum complexus est, fossas tres ingentes duxit, primam & vrbi proximam pedum viginti directis lateribus, vt eius solum tantundem pateret, quantum summæ fossæ labra distabant: reliquas fossas ab ea pedes quadringentos reduxit, & quinos denos pedes latas eādē altitudine perduxit: interiorem cāpestribus ac demissis locis aquā ex flumine deriuatā compleuit: post eas aggerem & vallum duodecim pedum extruxit: huic lorica pinnasque adiecit grādibus ceruis eminentibus ad commissuras pluteorū atque aggeris, qui ascensum hostium tardarent, & turres toto opere circundedit, quæ pedes octoginta inter se distarēt. Erat (ait Cæsar) eo tempore & materiari & frumentari & tātas munitiones fieri necesse, dimi-

nutis Romanis copiis quæ longiùs à castris progrediebantur & nonnunquam opera Romana Galli tentare, atque eruptionem ex oppido pluribus portis facere summâ vi conabantur. Quare ad hæc rursus opera addendum Cæsar putauit, quò minore numero militum munitiones defendi possent: Quænam sunt igitur ista & aduersus quos opera? aduersus interiorē (inquam) hostem illo quadringentorum pedum intervallo triplices munitiones factæ sunt cipporum, liliorum, stimulorum. Quid igitur? quinam hi cippi aut cuiusmodi fuerunt? Truncis arborum, haud admodum firmis ramis abscissis atque horum delibratis ac præcutis cacuminibus perpetuæ fossæ quinos pedes altæ ducebantur. Huc illi stipites demissi & ab infimo reuincti, ne reuelli possent, ab ramis eminebant. Quini erant ordines coniuncti inter se atque implicati, quò qui intrauerant, se ipsi acutissimis vallis induebant, hos, cippos appellabant. Hoc primum genus munitionis fuit: lilia deinde definiuntur. Ante cippos obliquis ordinibus in quincuncem dispositis, scrobes, quinque in altitudinem pedum fodiebantur, paulatim angustiore ad infimū fastigio: huc teretes stipites feminis crassitudine ab summo præcuti & præusti demittebâtur, ita ut non amplius quatuor digitis, ex terra eminerent: simul confirmandi & stabilendi causâ singuli ab infimo sôlo, pedes tres terrâ

terrâ exculcabantur, reliqua pars scrobis ad occultandas insidias viminibus ac virgultis integrabatur. Octoni ordines ducti, ternos inter se pedes distabant: Id ex similitudine floris, liliū appellabant. Hoc igitur secundum munitionis genus fuit: tertium superest. Ante lilia illa, raleæ pedem longæ, ferreis hamis infixis totæ in terram infodiebantur mediocribusque intermissis spatiis, omnibus locis differebantur, quos stimulos nominabant. Ergo hæc munitionum inter proximam vrbi & secundam fossam genera fuisse, cipporum vallis acutissimis eminentium, liliorum, præustis & præacutis stipitibus, quatuor digitis apparentium: stimulorum, penitus in terram defixorum & tantum hamis carpentium. Labores hi, permagni sunt: Attende tamen quid deinceps à Cæsare commemoretur. His rebus perfectis Cæsar legiones secutus quàm potuit æquisimas, pro loci natura, quatuordecim millia passuum complexus, pares eiusdem generis munitiones, diuersas ab his contra exteriorem hostem perfecit ut ne magna quidem multitudo, si ita accideret, eius discessu, munitionum præsidia circumfundi possent. Incredibiles sunt illi aduersus interiorem hostem labores: pares tamen sunt (ait Cæsar) & eiusdem generis aduersus exteriorem hostem labores: imò verò tantò maiores, quantò maior ambitus fuit: vnde cum millia passuum primus ambitus habuit: po-

stremus hic, quatuordecim tenuit: Ac ne materiari tantum legiones existimes, non etiam frumentari, attēde quid hīc faciat. Obsidebat Gallos qui sibi in triginta dies frumentum prouidissent: Intelligebat Cæsar, se paulò post ab exterioribus hostibus obsessum iri. Quid igitur? Ne cū periculo (ait) legiones ex castris egredi cogerentur, dierum triginta, pabulum frumentumque habere omnes conuectum iubet, Commeatus interiori hosti, mēsem suppetebat, commeatum Cæsar suis in mensem, sed consequentem suppetere voluit. Neque iam dimidiati, vt Tullius ait, sed integri mensis cibaria milles habet. Ergo præterito mense, fames obsessos vrgerē cœpit: alii-que deditiōem, alij eruptionem. Critognatus etiam corporibus eorum qui ad bellum inutiles essent tolerandam famem censuit. Mandubij, à quibus essent in oppidum recepti, cum liberis atque vxoribus, ex vrbe exire coguntur: hi cū ad munitiones Romanorum accessissent, flentes, omnibus precibus orabant, vt se in seruitutem receptos, cibo iuuarent: Hos Cæsar, dispositis in vallo custodibus, recipi prohibebat. Auaricum antea & Gergouia Gallos docuerant, quantum imbellis in obfessa vrbe multitudo detrimentum haberet: Alexiæ fames tertium idem docet. At serò sapiunt Phryges & callidus hostis ne in seruitutem quidem deditos accipit: eorum vitā reliquorum vitam oppugnat. Sed interim

rim gallica auxilia adueniunt equitum millia octo, peditum circiter ducenta quadraginta, à quibus prælium triplex acerrimum instituitur: primum, equestre extra munitiones: Interiores itaque Galli visis auxiliis, vt ex oppido despectus erat in campum, ante oppidum confidunt: proximam fossam cratibus integunt & explent aggere, seque ad eruptionem & omnes casus comparant. Cæsar vt castra ad munitiones & exteriores & interiores fecerat, omni exercitu ad vtramq; partem munitionum disposito, vt suum quisque locum nosceret & teneret, equitatum ex castris educi & prælium committi iubet. Res in cōspectu & Gallorum & Romanorum gerebatur: Itaque vtrosque & laudis cupiditas & timor ignominie ad virtutem excitabat: Galli inter equites, raros sagittarios expeditosque leuis armaturæ interiecerant, qui suis cedentibus, auxilio succurrerent & Romanorum equitum impetus sustinerent: ab his complures Romani de improviso vulnerati, prælio excedebant. Cùm suos pugnâ superiores esse Galli considerent, & Romanos multitudine premi viderent, ex omnibus partibus & ij qui munitionibus continebantur, & ij qui ad auxilium conuenerant clamore & ululatu, suorum animos confirmabant. Hæc erat nimirum Gallorum inter se cohortatio. Hoc prælium primum, octo perpetuas horas (nam æstatis summæ, tempus illud erat) ma-

gna contentione concertatum est. Tandem re-  
 cens subsidium Germanorum equitum Roma-  
 nis summissum, victoriam attulit, vt in cæteris  
 antè præliis, opportuna subsidiorum summissio,  
 victoriæ causâ fuit. Secundum prælium, noctu,  
 vt ad Auaricum antè fuit, factum est ad cam-  
 pestres munitiones vno die intermisso: hoc e-  
 nim spatio Galli magno cratium, scalarum, har-  
 pagonum numero effecto, media nocte silentio  
 ex castris egressi, ad campestris munitiones ac-  
 cedunt. Subito clamore sublato, quâ significa-  
 tione, qui in oppido obsidebantur de suo aduē-  
 tu cognoscere possent, crates proiicere, fundis,  
 sagittis, lapidibus Romanos de vallo deturbare,  
 reliquaque quæ ad oppugnationem pertinent,  
 parant administrare. Eodem tempore clamore  
 exaudito dat tubâ signum suis Vercingetorix,  
 atque ex oppido educit. Romani, vt superiori-  
 bus diebus suis cuique erat locus attributus, ad  
 munitiones accedunt: fundis libralibus sudi-  
 bûsque, quas in opere disposuerant, ac glandi-  
 bus Gallos perterrent: hæc siquidem prælij hu-  
 ius arma sunt. Prospectu tenebris adēpto, mul-  
 ta vtrinque vulnera accipiuntur, complura tor-  
 mentis tela coniiciuntur. At M. Antonius &  
 C. Trebonius legati, quibus hæ partes ad defen-  
 dendum obuenerant, qua ex parte Romanos  
 premi intellexerant, his auxilio ex vltioribus  
 castellis deductos summittebant. Dum longius  
 à mu-

à munitione aberant Galli, plus multitudine re-  
 lorum proficiebant: posteaquam propiùs succes-  
 serunt, aut se ipsi stimulis inopinantes indue-  
 bant, aut in scrobes delapsi transfodiebantur,  
 aut ex vallo & turribus traiccti, pilis muralibus  
 interibant. Hîc munitiones illæ Cæsaris tam  
 laboriosæ aduersus Gallos per se acriùs præ-  
 liantur, quàm legionarius vllus potuisset. Mul-  
 tis vndique vulneribus acceptis, nulla muni-  
 tione perrupta cùm lux appeteret, Galli veriti  
 ne ab latere aperto ex superioribus castris e-  
 ruptione circumuenirentur, se ad suos rece-  
 perunt. At interiores, dum eâ quæ à Vercin-  
 getorige ad eruptionem præparata erant pro-  
 ferunt, priores fossas explent. Diutiùs in his  
 rebus administrandis morati, priùs suos dis-  
 cessisse cognouerunt, quàm munitionibus ap-  
 propinquarent. Ita re infectâ in oppidum reuer-  
 terunt. Sic prælium secundum est factum. Ter-  
 tium prælium grauissimum omnium atque acer-  
 rimum fuit. Bis magno detrimêto repulsi Galli,  
 quid agant consulunt: Minorum castrorum col-  
 lem propter magnitudinem circuitus, Romani  
 complecti non potuerant. Vergasillaunus Ar-  
 uernus vnus è quatuor vniuersæ Galliæ delectis  
 principibus, cum sexaginta millibus ex omni  
 numero delectis, eò primâ vigiliâ ante ortum  
 solis peruenit, occultisq; locis milites ex no-  
 cturmo labore reficit. Tum circa meridië, quod



pugnæ tempus inter Gallos conuenerat munitiones aggreditur. Eodem tempore equitatus Gallorum ad campestres munitiones accedere & reliquæ copiæ sese pro castris ostendere cœperunt. Vercingetorix ex arce Alexiæ, suos conspicatus, ex oppido egreditur ac rastros, longurios, musculos, falces reliquaque quæ eruptionis causâ parauerat, profert. Pugnatur vno tempore omnibus locis, atque omnia tentantur: quæ minimè firma pars visa est, huc concurritur. Cæsar hîc ait omnibus locis vno tempore pugnari: certè quatuor locis minimùm pugnatur ad superiores munitiones à Vergasillauno, ad campestres ab equitatu, alio loco ab obsessis, à reliquis Gallis alio. Romanorum manus tantis munitionibus distinetur nec facîle pluribus locis occurrit: multùm ad terrendos Romanos valuit clamor qui post tergum pugnantibus extitit. Hæc erat gallica cohortatio, cum vtrinq; Romanj ab interioribus & exterioribus Gallis diuerso loco vrgeretur. Sed animaduerte horribilè illâ Cæsaris vigilantia, celeritatem, diligentiam. Copiarum viribus aut æqualis aut etiam superior erat, loco etiam tum superior erat, multoque erat difficilius Cæsaris quàm Alexiæ munitiones perumpere. Ordo & cohortatio ad victoriam restabat in ordinando & cohortando. Cæsar igitur, ait ipse, idoneum locum nactus, quid quaque in parte geratur cognoscit, vtrisque ad omnia oc-



currit, videt vnum esse illud tempus quo maximè contendi conueniat. Galli, nisi perfrigerint munitiones, de omni salute desperant: Romani, si rem obtinuerint, finem laborum omnium expectant. Maximè ad superiores munitiones laboratur, quò Vergasillaunum missum demonstrauimus. Iniquum loci ad decliuitatem fastigium, magnùm Gallis affert momentum. Alij tela coniiciunt, alij testudine facta subeunt: defatigatis inuicem integri succedunt: agger ab vniuersis in munitionem coniectus & ascensum dat Gallis, & ea quæ in terra occultauerant Romani, contegit, nec iam arma Romanis, nec vires suppetunt. Quid igitur Cæsar? His rebus cognitis Labienum cum cohortibus sex subsidio laborantibus mittit, & imperat, si sustinere non possit, deductis cohortibus, eruptione pugnaret, id nisi necessariò, ne faciat. Ipse adit reliquos, cohortatur ne labori succumbant. Omnium superiorum dimicationum fructum in eodie atque hora docet consistere. Interiores Galli desperatis campestribus locis, propter magnitudinem munitionum loca prærupta ex ascensu tentant: huc ea quæ parauerant conferunt: multitudine telorum ex turribus propugnantes deturbant: aggere & cratibus fossas explent: falci- bus vallum ac loricam reseindunt. Quid in tanta rerum difficultate Cæsar? Mittit primò Brutum adolescentem cum cohortibus sex, post cū

aliis septem C. Fabium Legatum: postremò ipse cum vehementiùs pugnaretur, integros subsidio adducit. Restituto praelio ac repulsis hostibus, in alias partes animù intendit, nec iam cladem repellere, sed victoriàm parare meditatur: Eò quò Labienum miserat, contendit: cohortes quatuor ex proximò castello deducit: equitum se partem sequi, partem circuire exteriores munitiones, & à tergo hostes adoriri iubet. Id nimirum est, quod à Vercingetorige in obsidione Auarici prætermissum diximus, & nunc à Cæsare studiose prouisum & procuratum præcipua victoriæ causâ fuit. Labienus, postquam neque aggeres, neque fossæ, vim hostium sustinere poterant, coactis vndequadraginta cohortibus, quas ex proximis præsidiis deductas fors obtulit, Cæsarem per nuncios facit certiores quid faciendum existimet. Ecquid, inquam, Cæsar in extremo discrimine? Accelerat, ut praelio intersit, eiusque aduentus ex colore vestitus, agnoscitur: turmísque equitum & cohortibus visis, quas se sequi iusserat, ut de locis superioribus ac decliuibus & deuexis cernebantur, Galli praelium committunt. Vtrinque clamore sublato excipitur rursus ex vallo atque omnibus munitionibus clamor: Communis erat etiam Romanis ista cohortatio: Romani missis pilis, gladiis rem gerunt. Repentè post tergum, equitatus cernitur: cohortes aliæ appropinquant: hostes, terga vertunt,

vertunt, fugientibus equites occurrunt. Fit magna cædes. Sedulius dux & princeps Lemouicum occiditur. Vergasillaunus Aruernus, viuu<sup>s</sup> in fuga comprehenditur: Signa militaria septuaginta quatuor ad Cæsarem referuntur: pauci ex tanto numero, se incolumes in castra recipiunt. Interiores Galli conspicati ex oppido cædem & fugam suorum, desperatâ salute, copias à munitionibus reducunt: Fit protinus hæc re auditâ ex castris, Gallorum fuga. Quod nisi crebris subsidiiis ac totius diei labore milites essent defessi, omnes hostium copiarum deleri potuissent. De media nocte missus equitatus, nouissimum agmen consequitur, magnus numerus capitur atque interficitur, reliqui ex fuga in ciuitates discedunt. Quid plura? obsessi deduntur, arma traduntur, principes producuntur: è captis prædæ nomine singula capita militibus distribuuntur: reseruatis tamē Heduorum & Aruernorum viginti millibus, si per ipsos Cæsar ciuitates eorum recuperare posset. Sic Cæsar victoriâ vti didicerat. Atque ita captiuus his redditus, maiorem etiam victoriam adeptus est: Duas enim nō Alexias, sed totius Galliæ longè potentissimas Aruernorum & Heduorum ciuitates recepit.

## DE PRÆLIO NAVALI.

**A**quis eadem bella propemodum geruntur quæ terris: Nam & patenti æquore concur-

ritur & maritimæ vrbes oppugnâtur ac propu-  
 gnâtur. Nauale Cæsarîs præliû in Gallia Veneri-  
 cum & Britânicum est. Ad Venericû bellû Cæsar  
 naues lōgas in Ligeri ædificauit, remiges ex pro-  
 uincia instituit, nautas gubernatorēsq; cōpara-  
 uit. Venetæ naues, ex robore confectæ erant:  
 Transtra ex pedalibus in altitudinem trabibus,  
 confixa clauis ferreis, digiti pollicis crassitudi-  
 ne: Carina planior erat, proræ ac puppes erectæ,  
 anchoræ pro funibus, ferreis catenis reuinctæ,  
 pelles pro velis alutæque tenuiter confectæ. Cū  
 his nauibus Romanę classi eiufmodi congressus  
 erat, vt vna celeritate & pulsu remorum præsta-  
 ret, reliqua pro loci natura, pro vi tempestatum  
 illis essent aptiora & accommodatiora: Neque  
 enim his Romanæ, rostris nocere poterant, tan-  
 ta in his erat firmitudo: neque propter altitudi-  
 nem, facile telum adiciebatur, & eadē de caus-  
 sa minùs commodè scopulis cōtinebantur. Ac-  
 cedebat, vt cū fauere ventus cœpisset & se vē-  
 to dedissent, & tempestatem ferrent faciliùs, &  
 in vadis consisterent tutiùs, & ab æstu derelictæ  
 nihil saxa & cautes timerent: Quarum rerum  
 omnium Romanis nauibus casus erat extime-  
 scendus. Vbi igitur classis conuenit ac pri-  
 mū ab hostibus visa est, circiter ducētæ vigin-  
 ti naues eorum paratissimæ, atque omni genere  
 armorum ornatissimæ è portu profectæ, Roma-  
 nis aduersæ constitierunt. Cæsarîs classis numero  
 maior

maior fuit, vt mox videbitur significari. Neque tamen satis Bruto, qui classi præerat, vel tribunis militum centurionibúsq;e, quibus singulæ naues erant attributæ, constabat, quid agerent, aut quam rationem pugnæ insisterent: Rostro enim, noceri non posse cognouerant. Turribus autem excitatis, tamen has altitudo puppium ex gallicis nauib; superabat, vt neque ex inferiore loco satis commodè tela aduci possent, & missa, à Gallis grauiùs acciderent. Vna erat magno vsui res præparata à Romanis, falces præcutæ, insertæ affixæque longurnis, non absimili forma ruralium falcium. His cum funes qui antennis ad malos distinebant, comprehensî adductique erant, nauigio remis incitato prærumpebantur: Quibus abscissis, antennæ necessariò concidebāt, vt cūm omnis gallicis nauibus spes in velis armamentisq;e consisteret, his ereptis, omnis vsus nauium vno tēpore eriperetur. Reliquum erat certamen positū in virtute, quā Romani milites faciliè superabant, atque eò magis, quod in conspectu Cæsaris atque omnis exercitus res gerebatur, vt nullum paulò fortius factū latere posset. Omnes enim colles & loca superiora vnde erat despectus propinquus in mare, ab exercitu tenebātur: Atque ea videlicet militibus velut in theatro decurrentibus magnæ cohortationis alacritas fuit, quòd exercitum, quòd Cæsarem imprimis spectatorem & iudicem virtutis

haberent. Disiectis igitur, vt diximus, antennis, cum singulas Venetas, binæ aut ternæ Romanæ naues circumfisterent, tanta nempe Cæsarianarū nauium classis fuit, milites summâ vi transcendere in hostiū naues contendebant. Quod postquam Veneti fieri animaduenterunt, expugnatis cōpluribus nauibus, cum ei rei nullū reperiretur auxilium fugâ salutem petere contendebant. Ac iam conuersis in eam partem nauibus quò ventus ferebat, tanta subito malacia ac tranquillitas extitit, vt se loco commouere nō possent. Cæsar in suis rebus secundis non solet appellare fortunam, vt dixi: Attamen mulieres & imbres Auaricēs fortuna Cæsari ad victoriam commilitones dedit: Attamen hīc rursus ventos ipsos cōmiliones dedit. Atq; hīc Pompeianæ felicitatis illud quod à Tullio memoratur verū fuit, vt Cæsaris voluntatibus nō modo ciues assenserint, socij obtemperarint, hostes obedierint, sed etiam venti tempestatēsq; obsecundarint: nec Cæsar diffitetur, Hæc res, ait, ad negotium conficiendum maximē fuit opportuna: Nā singulas Romanī confectati ita expugnauerunt, vt perpauce ex omni numero, noctis interuētū ad terrā peruenerint, cum ab hora ferē quarta vsque ad solis occasum pugnaretur. Quo prælio bellum Venetorum totiūsq; oræ maritimæ confectum est: Nā cum omnis iuuentus, omnes etiam grauioris ætatis, in quibus aliquid cōsiliij aut dignitatis fuit,

eò conuenerant: tum nauium, quod vbique fue-  
 rat, vnum in locum coëgerāt: quibus amissis, re-  
 liqui neq; quò se reciperent, neq; quemadmodū  
 oppida defenderent, habebant: Itaque se suaque  
 omnia Cæsari dediderūt: In quos eò grauius Cæ-  
 sar vindicandum statuit, quò diligentius in reli-  
 quum tēpus à Gallis ius legatorum (quos Veneti  
 recuperādorū obsidum suorū causā retinue-  
 rant) cōseruaretur. Itaque omni Senatu necato,  
 reliquos sub corona vendidit. Hīc Cæsar clemēs  
 tiæ suæ immemor fuisse videtur: nulla tot belli-  
 eius maior seueritas animaduertitur. Adhuc  
 Cæsaris est historia, vbi naualis prælij instrumē-  
 ta cernimus, rostra ipsa nauium tanquam arie-  
 tum, deinde turres & falces: Secunda Cæsaris  
 expeditio naualis in Gallia libro quarto tradi-  
 tur, si tamen nauale prælium dicendum sit, quod  
 in litore, partim è nauibus, partim à peditibus &  
 equitibus cōmittitur. Nauibus circiter octogin-  
 ta onerariis coāctis cōtractisque, quod satis esse  
 ad duas legiones trāsportādas existimabat, quic-  
 quid præterea nauium longarū habebat, Quæstori,  
 Legatis præfectisque distribuit: Huc accedebant  
 octodecim onerariæ naues quæ ex eo loco mil-  
 libus passuū octo, vëto tenebātur, quò minùs in  
 eundem portū peruenire possent: Has equitibus  
 distribuit, reliquum exercitū in Gallia reliquit.  
 Publ. Sulpitium Rufum legatum cum eo præsi-  
 diò quod satis esse arbitrabatur, portum tenere

iussit. His constitutis rebus nactus idoneam ad nauigādū tempestatem, tertiā ferè vigiliā soluit, equitēsque in vltiorem portū progredi, & naues conscendere ac se sequi iussit, à quibus cū id paulò tardiùs esset administratū, ipse horā circiter diei quarta cum primis nauibus Britannia attigit, atque ibi in omnibus collibus expositas hostiū copias armatas conspexit. Cuius loci hæc erat natura, atque ita mōtib⁹ angustis mare cōtinebatur, vt ex locis superioribus in litus telum adici posset: hunc ad egrediendū locum nequaquam idoneū arbitratus, dum reliquæ naues eò conuenirent, ad horam nonam in anchoris expectauit. Interim legatis tribunisque militum conuocatis, & quæ ex Voluseno cognouisset & quæ fieri vellet ostendit, monuitque (vt rei militaris ratio maximèq; vt res maritime postularēt) vt quia celerem atque instabilem motū haberēt, ad nutum & ad tempus omnes res ab his administrarentur. His dimissis & ventū & æstum vno tempore nactus secūdm, dato signo & sublatis anchoris, circiter millia passuū octo ab eo loco progressus aperto ac plano litore naues constituit: At Britāni cōsilio Romanorū cognito, præmisso equitatu & effedariis (quo plerunque genere in præliis vtī consueuerunt) reliquis copiis subsecuti, Romanos nauib⁹ egredi prohibebāt. Erat ob has causas summa difficultas, quòd naues propter magnitudinem nisi in alto constitui

non



non poterant. Hinc præliū illud è tam variis generibus nauali, pedestri, equestri permistū committitur: Militibus autē, ignotis locis, impeditis manibus magno & graui onere armorū pressis, simul & de nauibus desiliendum & in fluctibus consistendū, & cum hostibus erat pugnandum, cū illi aut ex arido aut paulū in aquā progressi, omnibus mēbris expeditis, notissimis locis, audacter tela conicerent & equos insuefactos incitarent. Quibus rebus Romani perterriti atque huius omnino generis pugnæ imperiti, nō eadē alacritate ac studio quo in pedestribus vti prælijs consueuerat, vtebātur. Quod vbi Cæsar animaduertit, naues longas, quarum & species Britānis erat inusitatioꝝ & moꝝ ad vsum expeditioꝝ paulum remoueri ab onerariis nauibus & remīs incitari, & ad latus apertum hostiū constitui, atq; inde fundis, sagittis, tormentis hostes propelli ac summoueri iussit: quę res magno vsui Romanis fuit: Nam & nauium figurā & remorū motu & inusitato genere tormentorū permoti Britāni constiterūt, ac paulū modò pedem retulerūt, Sic antea Sueſsiones & Aduatici machinis inuisis & inauditis permoti sunt. Tum decimæ legionis aquilifer cohortatione & exēplo virtutis, causā victoriæ attulit: Romanis enim militibus cunctantibus, maximè propter altitudinē maris: qui decimæ legionis aquilā ferebat, contestatus deos, vt ea res legioni feliciter eueniret, Desilite

(inquit) cōpilitones, nisi vultis aquilā hostibus  
 prōdere, ego certē meū Reip. atque imperatori  
 officiū prastitero. Hoc cū, magnā voce dixisset,  
 se ex naui proiecit atque in hostes aquilā ferre  
 cōepit: Tum Romani cohortati inter se ne tātū  
 dedec<sup>9</sup> admitteretur, vniuersi ex naui desilierunt.  
 hos item alij ex primis proximis nauibus cū  
 cōspexisset subsecuti, hostibus appropinquarūt.  
 Hic cohortatio magna est ē signifero legionis  
 decimæ inter omnes Cæsaris legiones omnibus  
 præliis celebratissimæ. Pugnatū est ab vtrisque;  
 acriter, Romani tamen quod neque ordines ser-  
 uare, neq; firmiter insistere, neq; signa subsequi  
 poterāt, atque alius alia ex naui, quibuscūque si-  
 gnis occurrerat, se aggregabat, magnopere per-  
 turbabātur: Locus Romanis, & ordo deerat: Ita-  
 que magnopere hostes notis omnibus vadis, vbi  
 ex litore aliquos singulares ex naui eggreddētes  
 conspexerant, incitatis equis, impeditos adorie-  
 bātur: plures paucos circūstebant: alij ab latere  
 aperto, in vniuersos tela coniciebāt: Requirebat  
 antea Cæsar & locū & ordinem: nūc etiam nu-  
 merū copiarum & vires: itaq; cū non solū loco &  
 ordine, sed etiā numero suos inferiores esse ani-  
 maduertisset, scaphas longarū nauium, item specu-  
 latoria nauigia militib<sup>9</sup> cōpleri iussit, & quos la-  
 borātes cōspexerat, iis subsidia summittebat. Ro-  
 mani simul in arido cōstitērūt, suis omnibus cō-  
 securis, in hostes impetū fecerunt atq; eos in fu-  
 gam

gam dederūt, neq; longiùs prosequi potuerunt, quòd equites cursum tenere, atq; insulā capere nō potuerunt. Hoc vnum ad pristinā fortunam Cæsari defuit. Hoc prælio Cætā, non tam nauali quàm litorali Britannos pacem petere coëgit; sed ipse à Britannico mari pene pacem petere cōactus est: Nam pace cum Britannis firmata, post diem quartum quàm est in Britanniam vētum; naues octodecim, de quibus suprà demonstratum est, quæ equites sustulerant ex superiori portu, leni vento soluerunt. Quæ cūm appropinquarent Britannia, & ex castris viderentur, tanta tempestas subito coërta est, vt nulla earum, cursum tenere posset, sed aliæ eòdem vnde erant profectæ referrentur, aliæ ad inferiorem partem insulæ quæ est propiùs solis occasum, magno cum periculo deiicerentur: Quæ tamen anchoris iactis, cūm, fluctibus complerentur, necessariò aduersā nocte in altum prouectæ continenter petiuerūt. Hæc tempestas maris, Britannos fites velut vlciscentis fuit, & nouum ac peregrinum regem indignantis. Difficultatem Cæsari ex inscitia Oceani, & nauigationis huius insolentia creatam, antea demonstrauius: Itaque Britannis magis lacepsitis quàm deuictis, & pace cum quibusdam ciuitatibus factā, quòd propinqua die equinoctij infirmis nauibus hycmis nauigationem subeundam non existimabat, ipse idoneam tempestatem nactus, paulò

## P. RAMI LIBER

post noctem mediam naues soluit, cum omnes incolumes ad continentem peruenerunt. Equidem valde miratus sum totâ hac Cæsaris historiâ, nullam Britannix nauem nominari, nec vllum per Britannos cum Romanis nauale prælium committi. Cæsar quinto Gallici belli anno Britanniam ingenti octingentarû nauium classe reperit: sed ei prælium nauale nullum nisi cum ventis & tempestatibus fuit, quod suprâ iam demonstratum est.

## OBSIDIO MASSILIÆ.

**A**D nauales pugnas, Massiliæ & Alexandria obsessionem referendam existimaui, tametsi genus est cum terrestri naualique prælio cōiunctum: Massilia vrbs origine & artibus liberalium disciplinarum græca, bellicis studiis plane gallica, ferè tribus ex oppidi partibus mari alluitur: reliqua quarta est, quæ aditum habet à terra ex Gallia atque Hispania, ad id mare quod attingit ad hostium Rhodani. Massilienses in dissensione ciuiû Romanorû, Pompeianas partes secuti, portas Cæsari clauferât: Itaq; vires quas potuere ad vrbs defensionem comparauerât: Albicos barbaros homines, qui in eorû fide antiquitus erant, montesque supra Massiliam incolebant, ad se vocauerant: Frumentum ex finitimis regionibus, atq; ex omnibus castellis in urbem

bem conuexerant: Armorum officinas in vrbe  
 instituerant: muros, classẽ & portas reficie-  
 bant. Nec Cæsaris oratione dimoueri à senten-  
 tia potuerant. Interea Domitius partium Pom-  
 peianarum nauibus Malsiliam peruenit, atque  
 ab his receptus, vrbi præficitur. Summa ei, belli  
 administrandi permittitur. Eius imperio clas-  
 sem quoquouersus dimittunt: onerarias naues,  
 quas vbique possunt, deprehendunt atq; in por-  
 tum deducunt, earum clavis aut materiâ atque  
 armamētis instructis, ad reliquas armandas refi-  
 ciendâsque vtuntur, frumenti quod inuentum  
 est in publicum conferūt, reliquas merces com-  
 meatûsque ad obsidionem vrbis, si accadat re-  
 seruant. Hic communis Malsiliensium appa-  
 ratus fuit ad Malsiliæ propugnationem: Quibus  
 iniuriis permotus Cæsar, vires ad oppugnan-  
 dum contrarias comparat, legiones tres Malsi-  
 liam adducit: turres vineâsque agere, naues lon-  
 gas Arelate, numero duodecim facere instituit:  
 Quibus effectis armatîsque, diebus triginta, à  
 qua die materia cæsa est, adductîsq; Malsiliam,  
 his Decium Brutum præficit: C. Trebonium le-  
 gatum ad oppugnationem Malsiliæ relinquit.  
 Hic communis item apparatus est ad oppugna-  
 tionem futuram, deinceps prælia erunt gemina-  
 rum contentionum, naualiũ & terrestrium eru-  
 ptionum permultarum: Prima naualis conten-  
 tió, auctore Domitio, Pompeianarum partium

principe Romano, facta est. Tum igitur Mafsi-  
 lienſes vſi L. Domitij conſilio, naues longas ex-  
 pediunt numero XVII, quarum erant vndecim  
 rectæ: multa his minora nauigia addunt, vt ipſa  
 multitudine, Cæſariana claſſis terreatur: ma-  
 gnum numerum ſagittariorum, magnum Albi-  
 corum, de quibus ſupra demonſtratum eſt, im-  
 ponunt, atque hos præmiis pollicitationibúſque  
 incitant. Certas ſibi depoſcit naues Domitius,  
 atque has colonis paſtoribúſque quos ſecum  
 adduxerat, complet. Sic omnibus rebus inſtru-  
 ctâ claſſe, magna fiducia ad Cæſarianas naues  
 procedunt, quibus præerat Decius Brutus: Hic  
 ad inſulam quæ eſt contra Maſſiliam, ſtationes  
 obtrinebat. Erat multò inferior numero nauium  
 Brutus: ſed electos ex omnibus legionibus for-  
 tiſſimos viros anteſignanos, centuriones Cæſar  
 ei claſſi attribuerat, qui ſibi id muneris depopo-  
 ſcerant, vt tanto viribus ſuperior eſſet: hi manus  
 ferreas atque harpagones parauerāt, magnòque  
 numero pilorum, tragularum reliquorúmque  
 telorum ſe inſtruxerant. Ita cognito hoſtium ad-  
 uentu, ſuas naues ex portu educunt, cum Maſſi-  
 lienſibus conſigunt: pugnatum eſt vtrinque for-  
 tiſſimè atque acerrimè, neque multum Albici  
 Cæſarianis virtute cedebant, homines aſperi &  
 montani, exercitati in armis: atque hi modo di-  
 greſſi à Maſſilienſibus, recentè eorundem pol-  
 licitationem animis continabant, paſtoresque  
 indo-

indomiti, spe libertatis incitati, sub oculis Domitij suam probare operam studebant. Ipsi Massilienses & celeritate nauium & scientiâ gubernatorum confisi, Cæsarianos eludebant, impetûsque eorum excipiebant, & (quod licebat latiore spatio) producta longiùs acie circumuenire Cæsarianos, aut pluribus nauibus adoriri singulas, aut remos transcurrentes detergere si possent, contendebant. Cùm propiùs erat necessariò ventum, ab scientia gubernatorum atque artificij ad virtutem montanorum confugiebant. Cæsariani, qui minùs exercitatis remigibus minùsque peritis gubernatoribus utebantur, quiq; repentè ex onerariis nauibus erant producti, neque dum etiam vocabulis armamentorû cognitis: tum etiam grauitate & tarditate nauium impediabantur: Factæ enim subitò ex humida materia, non eundem vsum celeritatis habebât. Itaque dum locus communis pugnandi daretur, æquo animo singulas binis nauibus obiciebant, atque iniecta manu ferrea, & retenta vtraque naue, diuersi pugnabant, atque in hostium naues transcendebant: & magno munero Albicorum & pastorum interfecto, partem nauium deprimunt, nonnullas cum hominibus capiunt, reliquas in portum compellunt. Eo die naues Massiliensium, cum iis quæ sunt captæ, intereunt nouem. Id primum Massiliensium nauale prælium, eaque prima clades fuit: vbi videmus vir-

## P. RAMI LIBER

turem militum, quavis nauium disciplinâ ad victoriâ potiorê esse. Terrestris oppugnatio propugnatioq; deinceps terrâ grauior exoritur. C. Trebonius Cæsaris Legatus duabus ex partibus aggerem, vineas turrésq; ad oppidum agere instituit, vna erat proxima portui naualibûsque, altera ad partem qua est aditus ex Gallia Hispaniâque. Atque hîc legiones, palæ, securis, dolabræ, non gladij, non enses præhâtur. Caius Trebonius ad hæc opera perficienda magnam iumentorum atque hominum multitudinem ex omni prouincia vocat; vimina materiâque cõportari iubet. Quibus comparatis rebus, aggerem in altitudinem pedum octoginta extruit. Sed tanti erant antiquitûs in oppido omnium rerum ad bellum apparatus, tantâque multitudo tormentorum, vt eorum vim nullæ contextæ viminibus vineæ sustinere possent. Asseres enim pedum duodecim, cuspidibus præfixi, atque hi maximis balistis missi, per quatuor ordines cratium, in terram defigebantur. Itaque pedalibus lignis coniunctis inter se porticus vinearum integebantur, atque hâc agger inter manus à Romanis proferebatur, antecedebat testudo pedum sexaginta, æquandi loci causâ, facta item ex fortissimis lignis, conuoluta omnibus rebus, quibus ignis iactus & lapides defendi possent: Sed magnitudo operû, altitudo muri atque turrium, multitudo tormentorum, omnem administra-



nistratorem tardabat: Crebræ tamen per Albi-  
 cos eruptiones fiebant ex oppido, ignesque ag-  
 geri & turribus inferebantur: quæ faciliè Cæsa-  
 riani milites repellebant magnisque vltro illatis  
 detrimentis, eos qui eruptionem fecerant, in op-  
 pidum reiciebant. Hæc terrestris oppugnatio,  
 propugnatio prima est. Sequitur alterum nauale  
 prælium auctore Nasidio item Pompeianarum  
 patrum, principe Romano maioris apparatus  
 maiorisque calamitatis. Interim L. Nasidius à  
 Cn. Pompeio cum classe nauium sedecim, in  
 quibus paucæ erant æratæ, L. Domitio Masi-  
 liensibusque subsidio missus, præmissâ clam na-  
 uiculâ, Domitium Masiensiensq; de suo aduen-  
 tu certiores facit, eosque magnopere hortatur,  
 vt rursus cum Bruti classe additis suis auxiliis  
 confligat. Masienses post superius incommo-  
 dum, veteres ad eundem numerum ex nauali-  
 bus productas naues refecerant, summâque in-  
 dustria armauerant: remigum gubernatorum-  
 que magna copia suppetebat: piscatoriâque ad-  
 iececerant atque contexerant, vt essent ab ictu re-  
 miges tuti: has sagittariis tormentisque comple-  
 uerant. Tali modo instructa classe omnium se-  
 niorum, matrum familias, virginumque (hæc  
 cohortatio gallica fuit) precibus & fletu excita-  
 ti, vt extremo tempore ciuitati subuenirent, non  
 minore fiducia quàm antè dimicauerant, naues  
 conscendunt: Communi enim fit vitio naturæ.

## P. RAMI LIBER

ut in vitiis latitātibus atq; incognitis rebus ma-  
 gis confidamus, vehementiūsq; exterreamur, vt  
 tum accidit: Aduentus enim L. Nasidij, summa  
 spe & voluntate ciuitatem compleuerat. Nacti  
 idoneum ventum, ex portu exeunt & Taurocen-  
 ta quod est castellū Mafsiliensium, ad Nasidium  
 perueniunt, ibique naues expediunt rursūque  
 se ad confligendum, animo confirmant & con-  
 silia communicant. Dextra pars Mafsiliensibus  
 attribuitur, sinistra Nasidio, eōdem Brutus con-  
 tendit aucto nauium numero: Nam ad eas quæ  
 factæ fuerāt Arelate per Cæsarem, captivæ Maf-  
 siliensium accesserant sex: Has superioribus die-  
 bus refecerat, atque omnibus rebus instruxerat:  
 Itaque suos cohortatus, quos integros superauis-  
 sent, vt victos contemnerent, plenus spei bonæ  
 atque animi aduersus eos proficiscitur. Facile e-  
 rat ex castris C. Trebonij atque omnibus supe-  
 rioribus locis prospicere in urbem, vt omnis iu-  
 uentus quæ in oppido remanserat omnēsque su-  
 perioris ætatis cum liberis atq; vxoribus ex pu-  
 blicis custodiis aut ex muro ad cælum manus  
 tenderent, aut templa Deorum immortalium a-  
 darent & ante simulacra proiecti, victoriam à  
 Diis exposcerēt: Neque erat quisquam omnium  
 qui non in eius diei casu, suatum omnium for-  
 tunarum euentum consistere existimaret: Nam  
 & honesti ex iuuenture & cuiusque ætatis am-  
 plissimi nominatim euocati atque obsecrati, na-  
ues

ues cōscenderāt: vt si quid aduersi accidisset, ne ad conandū quidem sibi quidquam reliqui fore viderent: si superauissent, vel domesticis opibus vel externis auxiliis de salute vr̄bis confiderent. Cōmisso prælio, Malsiliensibus res nulla ad virtutem defuit, sed memores eorum præceptorum quæ paulò antè à suis acceperāt, hoc animo decertabant, vt nullum aliud tempus ad conandum habituri viderentur: & quibus in pugna, vitæ periculum accideret, non ita multò se reliquorum ciuium fatum antecedere existimarēt, quibus vr̄be capta, eadem esset belli fortuna patienda: diductisq̃ Cæsarianis paulatim nauibus & artificio gubernatorum mobilitati nauium locus dabatur: & si quando Cæsariani facultatem nacti ferreis manibus iniectis nauem religauerant, vndique suis laborantibus succurrebant. Neque verò coniunctis Albicis comminùs pugnando deficiebant, neque multum cedebant virtute Cæsarianis, simul ex minoribus nauibus magna vis eminùs missa telorum, multa Cæsarianis de improviso imprudentibus atque impeditis vulnera inferebat. Conspicæque naues triremes duæ nauem D. Bruti, quæ ex signo facilè agnosci poterant, duabus ex partibus sese in eam incitauerant: sed tanta re prouisâ, Brutus celeritate naus enisus est vt paruo momento antecederet. Illæ adèò grauiter inter se incitatæ conflixerunt, vt vehementissimè

## P. RAMI LIBER

utraq; ex concursu laborarent: Altera verò perfractō rostro tota collabefieret. Quā re animaduversa, quæ proximæ ei loco ex Bruti classe naues erant, in eas impeditas impetum faciunt, celeritèrque ambas deprimunt. Sed Nasidianæ naues nulli vsui fuerunt celeritèrque pugnâ excesserunt: non enim has aut respectus patriæ aut propinquorum præcepta ad extremum vitæ periculum adire cogebant. Itaque ex eo numero nauium nulla desiderata est: Ex Malsiliensiu classe quinque sunt depressæ, quatuor captæ: vna, cum Nasidianis profugit, quæ omnes citeriorem Hispaniam petiuerunt. At ex reliquis vna præmissa Malsiliam huius nuncij perferēdi gratiâ cum iam appropinquaret vrbi, omnis sese multitudo ad cognoscendum effudit & recognitâ tantus luctus excepit, vt vrbs ab hostibus capta eodem vestigio videretur. Hæc igitur navalis offensio cladēque secunda fuit, & quidem superiore longè grauior & tristior. Vbi Malsiliensibus neque ordo neque cohortatio defuit, sed vires minores fuere. Succedit deinde terrestris secunda dimicatio: Malsilienses enim, tantus hominum vigor tantæque virtus vel in desperatis rebus fuit, nihilo segniùs ad defensionem vrbis reliqua apparare ceperunt: At contra Malsilienses, opus laboris admirandi à legionariis excogitatur & absoluitur primò lateritiæ turris, deinde musculi: Et hîc, militia rursus mate-

materiaria, lateraria, cementaria est: Hic ascia & trullæ legionarios exercuerunt: Ac turris sex tabulorum fuit, ita ut primam contignationem secunda & secundam tertia & deinceps superior inferiorem superaret trabibus paulò longioribus & eminentioribus unde tegumenta præpendērent ad inferiorem contignationem defendendum. Sed Cæsarem audiamus. Est autem animaduersum, ait, à legionariis, qui dexteram partem operis administrabant, ex crebris hostium irruptionibus, magno sibi esse præsidio posse, si pro castello ac receptaculo, turrim ex latere sub muro fecissent, quam primò ad repentinos incursum humilem paruamque fecerūt: huc se referebant: hinc si qua maior oppresserat vis, propugnabant: hinc ad repellendum & prosequendum hostem, procurrebant. Patebat hæc quoquouersus pedes xxx, sed parietum crassitudo pedes v. Postea verò (ut est rerum omnium magister vsus) hominum adhibita solertiâ, inuentum est magno esse vsui posse, si hæc esset in altitudinem turris elata. Id hæc ratione perfectum est: vbi turris altitudo perducta est ad contrabulationem, eam in parietes instruxerunt ita, ut capita tignorum, extremâ parietum structurâ tegerentur, nequid emineret, vbi ignis hostium adhæresceret. Hanc insuper contignationem, quantum tectum plutei ac vincarum passum est, laterculo astruxerunt: supràque eum locum duo

## P. RAMI LIBER

tigna tranſuerſa iniecerunt non longè ab extremis parietibus, quibus ſuſpenderent eam contignationem quæ turri, tegumento eſſet futura: ſupràque ea tigna directò tranſuerſas trabes iniecerunt, eàſque aſſeribus religauerunt: has trabes paulò longiores atque eminentiores quàm extremi parietes erant, effecerunt, vt eſſet vbi tegumenta præpendere poſſent ad defendendos ictuſ ac repellendos, cum intra eam contignationem parietes extruerentur: eamque contabulationem ſummam, lateribus lutòque conſtrauerunt, ne quid ignis hoſtium nocere poſſet, centonèſque inſuper iniecerunt, ne aut tela tormentis miſſa tabulationem perfringerent, aut ſaxa ex catapultis lateritium diſcuterent. Storias autem ex funibus anchorariis treſin lōgitudinem parietum turris, latas quatuor pedes fecerunt, eàſque ex tribus partibus quæ ad hoſtes vergebant, eminentibus trabibus circum turrim præpendentes religauerunt, quod vnum genus tegumenti aliis locis erant experti nullo telo neque tormento traici poſſe. Vbi verò ea pars turris quæ erat perfectà, tectà atque munita eſt ab omni ictu hoſtium, pluteos ad alia opera abduxerunt: turris tectum per ſeipſum preſſionibus ex contignatione prima ſuſpendere ac tollere ceperunt: vbi quantum ſtoriarum demiſſio patiebatur, tantum eleuabant: Intra hæc tegumenta abditi atque muniti, parietes lateribus extruebant

bant: rursusque alia prensione ad ædificandum sibi locum expediebant. Vbi tempus alterius contabulationis videbatur, tigna item vt primo tecta extremis lateribus instruebant, exque ea contignatione rursus summam cõtabulationem storiâsque eleuabant. Ita tutò ac sine vllò vulnere ac periculo sex tabulata extruxerunt: fenestrasque quibus in locis visum est, ad tormenta mittenda in struendo reliquerunt. Atque hæc lateritiæ turris cõstructio fuit: Constructio musculi deinde explicatur, & materia & forma, tum confecti deductio ad turrim: Vbi igitur milites hi materiarij, laterariique ex ea turri, quæ circum essent opera tueri se posse confisi sunt, musculum pedes LX longum ex materia bipedali, quem à turri lateritia ad hostium turrim murumque perducerent, facere instituerunt, cuius musculi hæc erat forma. Duæ primùm trabes in solo æquè longè, distantes inter se pedes quatuor collocantur, inque eis columellæ pedum in altitudinem quinque defiguntur: has inter se capreolis molli fastigio coniungunt, vbi tigna, quæ musculi tegendi causâ ponant, collocentur: eo super tigna bipedalia iniiciunt, eaque laminis clauisque religant, ad extremumque musculi tectum trabesque extremas, quadratas regulas, quatuor patètes digitos defigunt, quæ lateres, qui super musculum struantur, contineant. Ita fastigiato atque ordinatim structo,

## P. RAMI LIBER

ut trabes erant in capreolis collocatæ, lateribus  
 lutóque musculus, ut ab igni qui ex muro iace-  
 retur, tutus esset, contegitur. Super lateres, co-  
 ria inducuntur, ne canalibus aqua immissa, late-  
 res diluere posset. Coria autem, ne rursus igni ac  
 lapidibus corrumpantur, centonibus conte-  
 guntur. Hoc opus omne rectum vineis ad ip-  
 sam turrim perficiunt, subitoque inopinantibus  
 hostibus, machinatione navali phalangis subie-  
 ctis ad turrim hostium admouent, ut ædificio  
 iungatur. Quid igitur tandem Massiliensibus  
 quantum animi tum superfuit? Certè quantum  
 viris fortibus in summo discrimine debuit. Hac  
 turri, hoc musculo perterriti subito oppidani (ait  
 Cæsar) saxa quàm maxima possunt vectibus pro-  
 mouent præcipitatæque muro, in musculum de-  
 uoluunt: lætum, firmitas materiæ sustinet, & quic-  
 quid incidit, fastigio musculi delabitur. Id ubi  
 vident, mutant consilium. Cupas tædâ ac pice  
 refertas incendunt, easque de muro in muscu-  
 lum deuoluunt: inuolutæ labuntur: delapsæ à la-  
 teribus, longioris furcisque ab opere remouen-  
 tur: itaque Massiliensium machinatio eluditur,  
 atque interim sub musculo milites vectibus in-  
 fima saxa turris hostium, quibus fundamenta  
 continebantur, conuellunt: Musculus ex turri  
 lateritia à Cæsarianis, telis tormentisque defen-  
 ditur, hostesque ex muro ac turribus submouen-  
 tur: non datur libera muri defendendi facultas:

com-



compluribus iam lapidibus ex ea quæ suberat turri subductis, repentinâ ruinâ pars eius turris concidit, pars reliqua consequens procumbebat: Denique iam miseræ ciuitati nil nisi direptio, cædes, extremâque expugnatae vrbis mala restabant. Massilienses, origine ingenique eruditione Græci erant, sôlo cælôque Galli, gallicæ vires hæctenus pro patria strenuè fortitèrque dimicarunt: Extrema spes salutis ab ingenio & eloquentia expetitur: Tum igitur Massilienses turris repentinâ ruinâ commoti, inopinato malo turbati, Deorum irâ perculsi, vrbis direptione perterriti, inermes cum infulis sese portâ foràs vniuersi proripiunt: ad legatos atque exercitum supplices manus tendunt. Quâ nouâ re oblatâ, omnis administratio belli consistit, militèsque auersi à prælio, ad studium audiendi & cognoscendi feruntur. Vbi hostes ad legatos exercitumque peruenerunt, vniuersi se ad pedes proiiciunt, orant, vt aduentus Cæsaris expectetur: captam, suam urbem videre, opera perfectâ, turrem subrutam: itaque à defensione desistere: nullam exoriri moram posse, quo minùs cùm venisset, si imperata non facerët, ad nutum è vestigio diriperentur. Docent si omnino turris concidisset, non posse milites contineri, quin spe prædæ in urbem irrumperent vrbeq; delerent. Hæc atque eiusdè generis com-

## P. RAMI LIBER

plura ut ab hominibus doctis, magnâ cum misericordia fletuque pronuntiatur. Hæc eloquentiæ Malsiliensis dimicatio fuit: omnia machinarum tormenta experti Malsilienses, tandem eloquentiæ tormentum illud experiuntur, quod in pace Romanos (Malsiliam enim, ait Strabo, Romani libentiùs liberos disciplinæ causâ, quàm Athenas dimittebât) Romanos inquam, docere consueverant *πέθω τὸν τύραννον ἀνερρώποις μόνω*, Suadelam hominibus reginam solam esse: Ergo regina

*Ista regit dictis animos & pectora mulcet.*

Commoti legati, milites ex opere deducunt, oppugnatione desistunt, operibus custodias relinquunt. Induciarum quodam genere misericordiâ factâ, aduentus Cæsaris expectatur: nullum ex muro, nullum à Cæsarianis mittitur telum: ut re confecta, omnes curam & diligentiam remittunt: Cæsar enim per literas Trebonio magnopere mandauerat, ne per vim oppidum expugnari pateretur, ne grauiùs permoti milites & defectionis odio & contemptione sui & diutino labore, omnes puberes interficerent, quod se facturos minabantur: ægréque tunc sunt reperiunt quin oppidum irrumperent: grauitérque eam rem tulerunt, quod stetisse per Trebonium, quod minùs oppido potirétur, videbatur. Sic igitur induciæ pactæ sunt. At interim dum Cæsaris aduentus expectatur, recordatio pristinae liber-

tatis

tatis obsessorum animos tanta subiit, vt datæ fidei religione nulla moueretur, quin omnia Romanorum opera tot mensium laboribus extructa vno temporis momento corrumpèrent. Itaque sine fide ( ait Cæsar ) tempus atq; occasionē fraudis ac doli quærunt : interiectisque aliquot diebus, Cæsarianis languentibus atque animo remissis, subitò meridiano tēpore cū aliud discessisset, alius ex diutino labore in ipsis operibus quieti se dedisset, arma verò omnia reposita cōtectaque essent, portis foràs erumpunt, secundo magnoque vērō ignem operibus inferunt. Hūc sic distulit ventus, vti vno tempore agger, plutei, testudo, turris tormentaque flammam conciperent, & prius hæc omnia consumerentur, quàm quemadmodum accidisset animaduerti posset. Cæsariani repentina fortuna permoti, arma quæ possunt arripiunt : alij ex castris sese incitant, sic in hostes impetus, sed muro, sagittis tormentisque fugientes persequi prohibentur : Illi sub murum se recipiunt, ibique musculum turrimque lateritiam liberè incēdunt. Ita multorum mensium labor, hostium perfidiā & vi tempestatis, puncto temporis interiit. Tentauerūt hoc idem Malsilienses. postero die eandem naçti tempestatem maiorique cum fiducia, ad alteram turrem aggeremque eruptione pugnaverunt multumque ignem intulerūt. Sed vt superioris temporis contentionem Cæsariani omnem remise-

rant, ita proximi diei casu admoniti, omnia ad defensionem parauerant: Itaque multis interfectis, reliquos infectâ re in oppidum repulerunt. Ergo hæc Malsiliensium in desperatis rebus admirabilis virtus fuit: Sed tamen frustra, cùm legionarij superessent, à quibus nouæ machinæ nouaque tormenta possent instaurari: deletæ & corruptæ machinationes ac machinatores supererant: Itaque militia illa tignaria ac cementaria multò acrior quàm antea reuocatur. Trebonius ea quæ sunt amissa multò maiore militum studio administrare & reficere instituit: Nam vbi tantos suos labores & apparatus malè cecidisse viderunt, induciisque per scelus violatis, suam virtutem irrisui fore perdoluerunt, quòd vnde agger omnino comportari posset nihil erat reliquum: omnibus arboribus longè latèque in finibus Malsiliensium excisis & conuectis, aggerem noui generis atque inauditum ex lateritiis duobus muris senum pedum crassitudine atque eorum murorum contignationem facere instituerunt æquâ ferè altitudine, atque ille congestus ex materia fuerat agger. Vbi aut spatium inter muros aut imbecillitas materiæ postulare videretur, pilæ interponuntur, transversaria tigna iniiciuntur, quæ firmamēto esse possent: & quicquid est contignatum, cratibus cōsternitur cratēsque luto integuntur, sub tecto miles dextrâ ac sinistrâ muro tectus, aduersus plurei obiectu, operi

peri quæcunque vsui sunt sine periculo suppor-  
 rat; Celeriter res administratur: diuturni laboris  
 detrimentum, solertiâ & virtute militum breui  
 reconcinnatur: Portæ, quibus locis videtur, eru-  
 ptionis causâ in muro relinquuntur. Atque hinc  
 Massiliensium nata est desperatio: Nam vbi vi-  
 derunt ea quæ diu longoque spatio refici non  
 posse sperassent, paucorum dierum opera & la-  
 bore ita resecta, vt nullus perfidix neq; eruptio-  
 ni locus esset, neque quicquam omnino relin-  
 queretur, quâ aut vis militibus, aut ignis operi-  
 bus nocere posset: eodémque exéplo sentiunt to-  
 tam urbem quâ sit aditus à terra muro turribus-  
 que circumiri posse, sic vt ipsis consistendi in suis  
 munitionibus locus non esset, cum penè edifi-  
 cata in muris ab exercitu Cæsariano mœnia vi-  
 derentur, ac tela manu conicerentur suorum-  
 que tormentorum vsum, quibus ipsi magna spe-  
 rauissent, spatio propinquitatis interire, parî-  
 que conditione è muro ac turribus bellandi da-  
 ta, virtute se Cæsarianis adæquare non posse in-  
 telligunt, ad easdem deditionis conditiones  
 recurrunt. Cæsar interim ex Hispania reuer-  
 titur, Massiliamque venit, Massilienses itaque  
 omnibus defessi malis, rei frumentariæ ad sum-  
 mam inopiam adducti, bis prælio nauali supe-  
 rat, crebris eruptionibus fusi; graui etiam pe-  
 stilentia confictati ex diutina conclusionè &  
 mutatione victus (pannico enim vetere atque

hordeo corrupto omnes alebantur, quod ad huiusmodi casus, antiquitus paratum in publicum contulerant) deiectâ turri labefactâ magnâ parte muri, auxiliis prouinciarum & exercituum desperatis, quos in Cæsaris potestatem venisse cognouerant, sese dedere sine fraude constituunt: sed paucis ante diebus L. Domitius cognita Massiliensium voluntate, nauibus tribus comparatis, ex quibus duas familiaribus suis attribuerat, vnam ipse conscenderat, nactus turbidam tempestatem, est profectus: Hunc conspicatæ naues, quæ iussu Bruti consuetudine quotidianâ ad portum excubabant, sublati anchoris, sequi cœperunt, ex iis vnum ipsius nauigium contendit & fugere perseuerauit, auxiliôque tempestatis ex conspectu abiit: duo perterrita, concursu Cæsarianarum nauium, sese in portum receperunt, Massilienses arma tormentaque ex oppido, vt est imperatum proferunt: naues ex portu naualibusque educunt, pecuniam ex publico tradunt. Quibus rebus confectis, Cæsar magis eos pro nomine & vetustate, quàm pro meritis in se ciuitatis conseruans, duas ibi legiones præsidio relinquit. Quamobrem Massilię oppugnatione tam laboriosa fuit vt Cæsar etiam triumpho dignam iudicaret: in quo tamen reprehenditur à Marco Cicerone non ex rei militaris disciplina, sed belli, sed triumphî causâ, Vexatis  
ait,

ait, ac perditis exteris nationibus, ad exemplum amissi imperij, portari in triumpho Mafsiliam vidimus & ex ea vrbe triũphari, sine qua neque nostri imperatores de transalpinis bellis triumpharant. Sed tamen Cæsar pro nomine & vetustate Mafsiliam conseruauit: nomine & vetustate non tantum armorum quibus plurimum poterat, sed humanitatis & literarum, vnde etiam Romani eruditionem vitæ ac morum petere solebant.

## ALEXANDRIÆ OP-

*pugnatio.*

Cæsar confusus famâ rerum gestarum, cum tribus ferè millibus legionariorum, in Ægyptum, quò Pompeium fugisse audierat, contendit: Pompeius ab Ægyptiis prius interfectus est quàm Cæsar Alexandriam peruenisset. Alexandria vrbs est Ægypti medio Nilo diuisa, vnde pars dimidia Africæ, pars reliqua Asiæ esse dicitur: alluitur autem mari à septentrione, & lacu quem multis fossis Nilus efficit, à meridie: Portus maris geminus est duobus è continenti promontoriis obiectâ Pharo insula conclusis: Portus orientalis Acrolochias dicitur, estque ore commodiore: sed nauigantibus propter interiectas petras periculosior: Itaque in insula Pharo turris est magna altitudine, mirificis ope-

ribus extructa, Pharus item nomine, quâ nau-  
 tæ moniti tutiùs in portum introeunt: Est in  
 eadem insula & vicus oppidi magnitudine: al-  
 ter portus appellatur Eunostus, ambo intus  
 coeunt: insula verò ipsa à superioribus regio-  
 nibus in longitudinem passuum nongentorum  
 in mare iactis molibus angusto itinere & pon-  
 te cum oppido coniungitur: Lacus etiam por-  
 tum habet & quidem marino portu longè di-  
 tiorem: Atque urbis longitudo, triginta ferè  
 stadiorum est, latitudo octo, viis distincta qui-  
 bus currus agi possit, sed duabus omnium la-  
 tissimis, bifariam sese ad rectos angulos secan-  
 tibus: Regiæ à variis regibus extructæ, ferè quar-  
 tam oppidi partem obtinebant & theatrum  
 his coniunctum, quod arcis tenebat locum: huc  
 Cæsar habitandi causâ, initio est inductus, fa-  
 scèsque, quia Consul erat, sibi præferri iubet,  
 vnde tanquam regia maiestas imminueretur,  
 tumultu exorto, complures eius milites sunt  
 interfecti. Cæsar igitur alias legiones accersit ex  
 Asia: habet apud se & reges Ptolemæum &  
 Cleopatram in sua potestate, & depositis armis  
 iubet apud se de regno, iure disceprati: Hinc  
 per Phorinum regis procuratorem Achillas clâ-  
 culum viginti millibus latronum & perditio-  
 rum cuiusque generis hominum armatur con-  
 tra Cæsarem & protinùs his copiis fidens, pau-  
 citatem Cæsaris despiciens, Alexandriam in-  
 gressus,



gressus, primo impetu domum Cæsaris irrum-  
 pere conatus est. Hic Cæsar viribus & loco in-  
 ferior est: sed celeritate virtutis diligentiaque  
 subito perfecit, ne loco inferior esset: portum  
 occupat, naues incendit, atque hostibus in pu-  
 gna occupatis militibusque expositis, Pharum  
 turrem apprehendit atque ibi præsidium po-  
 suit: quibus est rebus effectum, uti tuto frumen-  
 tum auxiliaque nauibus ad eum supportari pos-  
 sent: Reliquis oppidi partibus sic est pugna-  
 tum, ut æquo prælio discederetur & neutri pel-  
 lerentur: Id efficiebant angustiae loci, pau-  
 cisque utrinque interfectis, Cæsar loca maxi-  
 me necessaria complexus, noctu præmunit.  
 Has munitiones insequentibus auxit diebus, ut  
 pro muro obiectas haberet, neu dimicare in-  
 uitus cogeretur. Adhuc Cæsar non totam Ale-  
 xandriam, sed eius partem longè quidem mi-  
 norem sed tutiorem & portum & Pharum &  
 turrem at non vicum obtinet, urbs reliqua ex  
 tribus quartis, est in hostium potestate. Interim  
 Arsinoë filia minor Ptolemæi regis, ad Achil-  
 lam ex regia se traiecit: Et Photinus procu-  
 rator regni cognitis eius insidiis, iussu Cæ-  
 saris necatur. Hinc oppugnationis & propu-  
 gnationis apparatus exprimuntur, Bello Ale-  
 xandrino conflato, Cæsar. Rhodo atque ex Sy-  
 ria Ciliciâque omnem classem accersit. Ex Cre-  
 ta sagittarios, equites à rege Nabateorum Mal-

## P. RAMI LIBER

co euocat, tormenta vndique conquiri & frumentum mitti auxiliâque adduci iubet, interimque munitiones quotidie operibus augentur, atque omnes oppidi partes quæ minùs firmæ esse viderentur, testudinibus ac musculis optantur: Ex ædificiis autem per foramina, in proxima ædificia arietes immittuntur, quantumque aut ruinis deiicitur, aut per vim recipitur loci in tantum munitiones proferuntur: Nam ab incendio ferè tuta est Alexandria, quòd sine contignatione ac materia sunt ædificia, & structuris atque fornicibus continentur, rectaque sunt rudere aut pauimentis. Cæsar maximè studebat vt quam, angustissimam partem oppidi palus à meridie interiecta efficiebat, hanc operibus vineisque agendis, à reliqua parte vrbs excluderet, illud spectans primum, vt cum in duas partes esset vrbs diuisa, acies vano consilio atque imperio administraretur: deinde, vt laborantibus succurri atque ex altera oppidi parte auxilium ferri posset: Imprimis verò vt aquâ pabulòque abundaret quarum alterius rei copiam exiguam, alterius nullam omnino facultatem habebat: quod vtrumque palus largè præbere poterat. Neque verò Alexandrinis in gerendis negotiis, cunctatio vlla aut mora inferebatur: Nam in omnes partes per quas, fines Ægypti regnùmque pertinet, legatos conquisitoresque delectus habendi

bendi causâ miserant, magnûmque numerum in oppidum, telorum ac tormentorum conuexerant & innumerabilem multitudinem adduxerant, nec minùs in vrbe, maximæ armorum erant institutæ officinæ: Seruos præterea puberes armauerant, quibus domini locupletiores victum quotidianum stipendiûmque præbebant. Hac multitudine dispositâ, munitiones semotarum partium tuebantur. Veteranas cohortes vacuas in celeberrimis vrbis locis habebant, vt quacunque regione pugnaretur, integris viribus ad auxilium ferendum opponi possent. Omnibus viis atque angiportis triplicem vallum obduxerant: Erat autem quadrato extructus saxo, nec minus X L pedes altitudinis habebat: quæque partes vrbis inferiores erant, has altissimis turretibus denorum tabulatorum munierant: Præterea alias ambulatorias totidem tabulatorum confixerant subiectisque casrotis, funibus iumentisque obiectis, directis plateis in quancunque erat visum partem mouebant. Vrbs fertilissîma & copiosissîma, omnium rerum apparatus suggerebat. Ipsi homines ingeniosissîmi atque acutissîmi, quæ à Cæsarianis fieri viderant, eâ solertiâ efficiebant, vt Cæsariani illorum opera imitari viderentur: & sua sponte multa reperiebant, vnoque tempore & Cæsarianas munitiones infestabant, & suas defendebant. Atque hoc

## P. RAMI LIBER

principes in conciliis concionibûsque agita-  
bant, populum Romanum paulatim in con-  
suetudinem eius regni occupandi venire: pau-  
cis annis antè, Gabinium cum exercitu fuisse  
in Ægypto: Pompeiûm se ex fuga eodem rece-  
pisse: Cæsarem venisse cum copiis: neque  
morte Pompeij quicquam profectum, quo-  
minùs Cæsar apud se commoraretur: quem si  
non expulissent, futuram ex regno provin-  
ciam, idque agendum maturè. Námque cum  
interclusum tempestatibus propter anni tem-  
pus recipere transmarina auxilia non posse. In-  
terim dissensione orta inter Achillam, qui ve-  
terano exercitui præerat, & Arsinoë regis  
Ptolemæi minorem filiam, vt suprà demon-  
stratum est, cùm vterque vtrique insidiaretur,  
& summam imperij ipse obtinere vellet, præ-  
occupat Arsinoë per Ganymedem Eunuchum  
nutritium suum, atque Achillam interficit. Hoc  
occiso, ipsa sine vlllo socio & custode omne  
imperium obtinebat: exercitus Ganymedi tra-  
ditur. Hîc nouus dux contra Cæsarem compa-  
ratur, magnâque Cæsarianis aquæ dulcis in-  
opiâ desperationem machinatur, quæ res V-  
xellodunenses in Gallia perdidit: Sed Cæsaris  
ingeniû his malis remediû reperit. Ganyme-  
des igitur suscepto belli principatu largitionem  
in milites auget, reliqua, pari diligentia admi-  
nistrat. Alexandria est ferè tota suffossa, spe-  
cûsque

tusque habet ad Nilum pertinentes, quibus aqua in priuatas domos inducitur: quæ paulatim spatio temporis liquefcit ac subsidit: hac vti domini ædificiorum, atque eorum familiæ consueuerunt. Nam quæ flumine Nilo fertur, adè est limosa ac turbida, vt multos variòsque morbos efficiat: sed eâ plebes ac multitudo contenta est necessariò, quòd fons vrbe totâ nullus est: hoc tamen flumen in ea parte vrbis erat quæ ab Alexandrinis tenebatur. Atque idè Cæsar ( vt dixi ) vix quartam vrbis partem obtinebat. Quo facto, est admonitus Ganymedes posse Cæsarianos aquâ intercludi: qui distributi munitionum tuendarum causâ vicatim, ex priuatis ædificiis specubus & puteis, extractâ aquâ vtebantur. Hoc probato consilio magnum ac difficile opus aggreditur: interceptis enim specubus atque omnibus vrbis partibus exclusis, quæ ab ipso tenebantur, aquæ magnam vim ex mari rotis ac machinationibus exprimere contendit: hanc locis superioribus fundere in partem Cæsaris non intermittebat. Quam ob causam, falsior paulò præter consuetudinem aqua trahebatur ex proximis ædificiis magnâque hominibus admirationem præbebat: quam ob rem id accidisset, nec satis sibi ipsi credebant, cum se inferiores eiusdem generis ac saporis aquâ dicerent vti atque antè consueissent, vulgòque inter se confere-

bant, & degustando, quantum inter se differrent aquæ cognoscebant. Paruo verò temporis spatio hæc propior bibi omnino non poterat: illa inferior, corruptior iam falsiorque reperiabatur: Quo facto, dubitatione sublata tantus incessit timor, ut ad extremum casum periculi, omnes deducti viderentur, atque alij morari Cæsarem dicerent, quin naues conscendere iuberet: alij multò grauius extimescerent casum, quòd neque celari Alexandrinis possent in apparanda fuga, cum hi tam paruo spatio distarent ab ipsis: neque illis imminentibus atque insequentibus, ullus in naues receptus daretur: erat autem magna multitudo oppidanorum in parte Cæsaris, quam domiciliis ipsorum non mouerat quod ea se fidelem palam Cæsarianis esse simulabat & desciuisse à suis videbatur, ut Cæsari defendendi essent Alexandrini, quòd neque fallaces essent, neque temerarij, multaque oratio frustra absumeretur. Cum verò vno tempore & natio eorum & natura cognoscatur, aptissimum esse hoc genus ad prodicionem dubitare nemo potest. Cæsar suorum timorem consolatione & ratione minuebat. Nec iam ut imperator de prælio, sed ut philosophus de vi ac potestate naturæ concionatur: Nam puteis fossis, aquam dulcem reperiri posse affirmabat: omnia enim littora naturaliter aquæ dulcis venas habere: quod

si alia esset littoris Ægyptij natura atque omnium reliquorum: tamen quoniam mare liberè tenerent, neque hostes classem haberent, prohiberi sese non posse quominus quotidie nauibus aquam peterent vel à sinistra parte à Parætonio, vel à dextra, ab insula: quæ diuersæ nauigationes nunquam vno tempore aduersis ventis præcluderentur: Fugæ verò nullum esse consilium non solum iis qui primam dignitatem haberent, sed ne iis quidem qui nihil præterquam de vita cogitarent. Magno negotio impetus hostium aduersos ex munitio-  
 nibus sustineri: quibus relictis nec loco nec numero pares esse posse: magnam autem moram & difficultatem, ascensum in naues habere, præsertim ex scaphis summam esse contrà in Alexandrinis velocitatem, locorum & ædificiorum notitiâ: hos præcipuè in victoria insolentes præcursuros & loca excelsiora atque ædificia occupaturos: Ita fuga nauibusque Cæsarianos prohibitu-  
 ros: proinde eius consilij obliuiscerentur atque omni ratione esse vincendum cogitarent. Hâc oratione apud suos habita, atque omnium mentibus excitatis, dat Centurionibus negotium, vt reliquis operibus intermissis, ad fodiendos puteos animum conferant, neue quam partem nocturni temporis intermittant: Quo suscepto negotio atque omnium animis ad laborem incitatis, magna, vnâ nocte  
 o iij

vis aquæ dulcis inuenta est: Ita operosis Alexandrinorum machinationibus maximisque conatibus, non longi temporis labore occursum est. Sequitur deinceps nauale prælium Cæsari secundum. Eo biduo legio tricesima septima ex dedititiis Pompeianis militibus cum frumento, armis, telis, tormentis imposita in naues à Domitio Caluino ad litora Africæ paulò supra Alexandriam delata est: Hæ naues Euro qui multos dies continenter flabat, portum capere prohibebantur: sed loca sunt egregia omni illa regione ad tenendas anchoras. Hi cum diu retinerentur atque aquæ inopiâ premerentur, nauigio actuario Cæsarem faciunt certio-rem. Cæsar ut per se consilium caperet quid faciendum videretur, nauim conscendit seque omnem classem sequi iussit: Nullis Cæsarianis militibus impositis, quòd cum longiùs paulò discederet, munitiones nudare nolebat: Cumque ad eum locum accessisset qui appellatur Chersonesus, aquandique causâ remiges in terram exposuisset, nonnulli ex eo numero cum longiùs à nauibus prædatum processissent, ab equitibus hostium sunt excepti. Ex his cognouerunt Cæsarem ipsum in classe venisse, nec ullos milites in nauibus habere, quâ re comper-  
tâ magnam sibi facultatem fortunam obtulisse bene gerendæ rei crediderunt. Itaque naues omnes quas paratas habuerant ad nauigandum,  
pro-



propugnatoribus instruxerunt Cæsarique redeunti cum classe occurrerunt, qui duabus de causis eo die dimicare nolebat quòd & nullos milites in nauibus habebat, & post horam decimam diei res agebatur: Nox autem, allatura videbatur maiorem fiduciam illis qui locorum notitiâ confidebant, sibi etiam hortandi suos auxilium defuturum, quòd nulla satis idonea esset hortatio, quæ neque virtutem posset notare, neque inertiam. Quibus de causis, naues quas potuit, Cæsar ad terram detraxit, quem in locum illos successuros non existimabat. Erat vna nauis Rhodia in dextro Cæsaris cornu, longè à reliquis collocata. Hanc conspicati hostes, non tenuerunt sese, magnòque impetu quatuor ad eam constratæ naues & complures apertæ contenderunt, cui coactus est Cæsar ferre subsidium, ne turpem in conspectu hostium contumeliam acciperet: Quamquam si quid grauius, illi accidisset, meritò casurum iudicabat: Prælium commissum est magnâ contentione Rhodiorum: qui cùm in omnibus dimicationibus & scientiâ & virtute præstitissent, tum maximè illo tempore totum onus sustinere non recusabant, ne quod suorum culpâ detrimentum acceptum videretur. Ita prælium secundissimum est factum: Capta est vna hostium quadriremis, depressa est altera, deinde omnes epibatis nudatæ magna præter-

## P. RAMI LIBER

ea multitudo in reliquis nauibus propugnatorum est interfecta. Quòd nisi nox prælium diremisset, totâ classe hostium Cæsar potitus esset. Hac calamitate perterritis hostibus aduerso vento leniter flante, naues onerarias Cæsar remulco victricibus suis nauibus Alexandriam deducit. Hæc naualis Cæsari victoria fuit, non numero, non loco, sed ordinis scientia & præclara quadam virtutis cohortatione & alacritate: Nauale prælium deinde aliud excipitur. Eo detrimento adeò sunt fracti Alexandrini, cùm iam non virtute propugnatorum, sed scientiâ classiariorum se victos viderent, quibus & superioribus locis subleuabantur, vt vix ædificiis defendi possent, & materiam cunctam obicerent, quod Cæsarianæ classis oppugnationem etiam ad terram verebantur. Idem posteaquam Ganymedes in concilio confirmavit sese & eas quæ essent amissæ restitutum, & numerum adaucturum, magna spe & fiducia veteres reficere naues accuratiùsque huic rei studere atque inseruire instituerunt: Ac tametsi amplius centum decem nauibus longis in portu naualibûsque amiserant, non tamen reparandæ classis cogitationem deposuerunt. videbant enim non auxilia Cæsari, non commeatus supportari posse, si classe ipsi valerent: Præterea nautici homines & vrbs & regionis maritimæ quotidiano vsu à pueris exercitati,

ercitati, ad naturalem ac domesticū vsum refugere cupiebant: Et quantum paruulis nauigiis profecissent, sentiebant: Itaque omni studio ad parandam classem incubuerunt: erant in omnibus ostiis Nili custodiæ exigēdi portorij causā dispositæ: naues veteres erant in occultis regiæ naualibus, quibus multis annis ad nauigandum non erant vsi: has reficiebant, illas Alexandriam reuocabant, deerant remi, porticus, gymnasia ædificia publica detegebant, asseres remorum vsum obtinebant: aliud naturalis solertia, aliud vrbs copia subministrabat: Postremò non longam nauigationem parabant; sed præsentis temporis necessitati seruebant & in ipso portu confligendum videbant: Itaque paucis diebus contra omnium opinionem quadriremes viginti duas, quinquere mes quinque confecerunt, ad has minores apertâsque complures adiecerunt, & in portu periclitati remigio quid quæque earum efficere posset, idoneos milites imposuerunt, seque ad confligendum omnibus rebus parauerunt. Talis Ægyptiorum est apparatus: deinceps Cæsarianæ classis apparatus erit & instructio duplicis aciei, tum subsidij nullo vnquam bello à Cæsare prætermis si. Cæsar Rhodias naues nouem habebat (nam decem missis, vna in cursu, littore Ægyptio defecerat) Ponticas octo: Lycias quinque: ex Asia xii: ex his erant quinquere mes & quadriremes x: reliquæ infra

## P. RAMI LIBER

hanc magnitudinem, & pleræque apertæ: tamen virtute militum confusus, cognitis hostium copiis, se ad dimicandum parabat. Postquam eò ventum est vt sibi vterque eorum confideret, Cæsar Pharum classe circumuehitur aduersusque naues hostibus constituit. In dextro cornu, Rhodias collocat, in sinistro Ponticas. Inter has spatiũ quadringentorũ passuum relinquit, quod satis esse ad explicandas naues videbatur. post hunc ordinem reliquas naues subsidio distribuit: quæ quàmque earum sequatur & cui subueniat, constituit atque imperat. Non dubitanter Alexandrini classem producunt atque instruunt. In fronte collocant xxii. reliquas subsidiarias in secundo ordine constituunt. Magnum præterea numerum minorum nauigiorũ & scapharum producunt cum malleolis ignibúsque, si quid ipsa multitudo & clamor & flamma Cæsarianis terroris afferre possent. Erant inter duas classes vada transitu angusto, quæ pertinent ad regionem Africæ: Satisque diu inter ipsos est expectatum, ab vtris transeundi fieret initium, propterea quòd eò qui intrassent, & ad explicandam classem, & ad receptum, si durior accidisset casus, impeditiores fore videbantur. Pharsalico prælio Crastinum Cæsar habuit, nunc Euphranorem habet: Sed Cæsaris milites & à duce ipso & ipsi inter se longè maximâ cohortatione erant incitati vt tunc vni cohortatio-

ni

ni atque alacritati non numero, non loco, non ordini, præcipuam victoriæ causam Cæsar attribuerit: Rhodiis igitur nauibus præerat Euphranor, animi magnitudine ac virtute magis cum Cæsarianis hominibus, quàm cum Græcis comparandus. Hic ob notissimam scientiam atque animi magnitudinem, delectus est à Rhodiis qui imperium classis obtineret. Qui ubi Cæsaris animum aduertit, Videris mihi (inquit) Cæsar vereri, si hæc vada primis nauibus intraueris, ne prius dimicare cogatis, quàm reliquam classem possis explicare: nobis rem committe: nos prælium sustinebimus, neque tuum iudicium fallemus dum reliqui subsequantur: hos quidem diutiùs in nostro conspectu gloria-ri, magno nobis & dolori & dedecori est. Cæsar illum adhortatus atque omnibus laudibus prosecutus dat signum pugnæ, progressas ultra vadum quatuor Rhodias naues circumsistunt Alexandrini, atque in eas impetum faciunt. Sustinent illi atque arte solertiâque se explicant. Ac tantum doctrina potuit, ut in dispari numero, nulla transuersa hosti obiiceretur, nullius remi detergeretur, sed semper venientibus aduersæ occurrerent. Interim sunt reliquæ subsecutæ. Tum necessariò discessum ab arte est propter angustias loci: atque omne certamen in virtute constitit: Neque verò Alexandriæ fuit quisquam aut Cæsarianorum aut oppidanorum, qui

## P. RAMI LIBER

aut in opere aut in oppugnatione occupatum animum haberet, quin altissima tecta peteret, atque ex omni prospectu, locum spectaculo caperet, precibusque & votis, victoriam suis, à diis immortalibus exposceret. Minimè autem par erat praelij certamè: Cæsarianis enim prorsus, neque terra neq; mari effugiū dabatur victis, omniāque victoribus erant futura in incerto: Illi, si superassent, nauibus omnia tenerēt, si inferiores fuissent, reliquam tamen fortunam periclitarentur: Simul illud graue ac miserum videbatur, perpaucos de summa rerum & de salute omnium decertare: quorum si quis aut animo aut virtute cessisset, reliquis etiam esset cadendum, quibus pro se pugnandi facultas non fuisset. Hæc superioribus diebus sæpenumerò Cæsar suis exposuerat, vt hoc maiore animo contenderent, quòd omnium salutem sibi commendatam viderent. Eadem suum quisque contubernalem, amicum, notumque prosequens, erat obtestatus, ne suam atque omnium falleret opinionem, quorum iudicio delectus ad pugnam proficisceretur. Itaque hoc animo est decertatum, vt neque maritimis nauticisque solertia atque ars præsidium ferret, nèque numero nauium præstantibus multitudo prodesset, neque flexi ad virtutem ex tanta multitudine viri, virtuti Cæsarianorum possent adæquari. Capi-  
tur hoc prælio quinquageremis vna cum defen-  
soribus

foribus remigibúsq; & deprimuntur tres, Cæsarianis incolumibus omnibus. Reliquæ propinquam fugam ad oppidum capiunt, quas protexerunt ex molibus atque ædificiis imminentibus, & Cæsarianos adire propiùs prohibuerunt. Cæsar naualem victoriam sic adeptus est, sed victoriæ fructum maiorem meditatur, vt territatis hostibus, bellum reliquum conficiat: Phari insulæ partem priùs occupat, reliquam cum ponte quo iungebatur vrbi, occupat: sed eo conatu quo ad Gergouiam castra Gallorum, ad Dyrrhachium munitiones Pompeianorum occupauerat: Omnia siquidem prosperè initio ad pontem vsque successerant: hinc fortuna commutari cœpit: Atque, Cæsarianis ferè mille desiderati, Cæsarque ipse fugiendo & ad naues adnata salutem petere contendit. Sed Hircium audiamus. Cæsar igitur ne sibi sæpiùs nauali prælio decertandum esset, omni ratione contendendum existimauit, vt insulam molémque ad insulam pertinentem, in suam redigeret potestatem: Perfectis enim magna ex parte munitionibus, & oppidum & illam, & urbem vno tempore tentari posse confidebat. Quo capto consilio, cohortes decem & leuis armaturæ electos, quos idoneos ex equitibus Gallis arbitrabatur, in nauigia minora scaphásque imponit: alterámque insulæ partem distindæ manus causâ, cum constratis nauibus aggreditur, præ-

## P. RAMI LIBER

miis magnis propositis qui primus insulam cepisset : Hæc cohortatio Cæsaris erat . Ac primò impetum Cæsarianorum pariter sustinuerunt : vno enim tempore & ex tectis ædificiorum propugnabant & littora armati defendebant : quò propter asperitatem loci, non facilis Cæsarianis aditus dabatur, & scaphis nauibusque longis V. mobiliter & scienter angustias loci tuebantur. Sed vbi primùm locis cognitis vadisque prætentatis, pauci Cæsariani in littore constiterunt illòsque sunt alij subsecuti, constantèrque in eos qui in littore æquo constiterant, impetum fecerunt, omnes Pharitæ terga verterunt . Hi pulsi, custodiâ portus relicta, naues ad littora & vicû applicarunt, seque ex nauibus ad tuenda ædificia eiecerunt : Neque verò diutiùs ipsi ex munitione se continere potuerunt:etsi erat non dissimile atque Alexandria, genus ædificiorum, vt minora maioribus conferantur, turrèsque editæ & coniunctæ muri locum obtinebant:neque Cæsariani aut scalis aut cratibus aut reliquis rebus parati venerant ad oppugnandum: sed terror hominibus mentem consiliùmque eripit & membra debilitat:vt tum accidit. Nam qui se in æquo loco ac plano pares esse confidebāt,iidem perterriti fuga suorum & cæde paucorum, triginta pedum altitudine in ædificiis consistere ausi non sunt, seque per molem in mare precipitauerunt & octingentorum passuum intervallo,



lo, ad oppidum enatauerunt. Multi tamen ex hi<sup>9</sup> capti interfectique sunt. Sed numerus captiuorum omnino fuit sexcenti. Cæsar præda militibus concessa, ædificia diripi iussit, castellumque ad pontem qui propior erat Pharo, communiuit, atque ibi præsidium posuit. Hunc, fugâ Phariæ reliquerant: citeriorem illum propioremque oppido, Alexandrini tuebantur. Sed eum postero die simili ratione aggreditur, quod his obtentis duobus, omnem nauigiorum excursus & repentina latrocinia sublaturus videbatur. Iamque eos qui præsidio eum locum tenebant, tormentis è nauibus sagittisque depulerat, atque in oppidum redegerat & cohortium trium instar, in terram exposuerat: Non enim plures consistere angustiae loci patiebantur: reliquæ copiae in nauibus stationem obtinebant. Quo facto, imperat, pontem aduersus hostem præuallari, & quâ exitus nauibus erat, fornicem extructum, quo pons sustinebatur, lapidibus oppleri atque obstrui. Quorum altero opere effecto, ut nulla omnino scapha egredi posset, altero instituto omnes Alexandrinorum copiae ex oppido se eiecere & contra munitiones pontis latiore loco constiterunt: eodemque tempore quæ consueuerat nauigia per pontes ad incædia onerariarum emittere, ad molem constiterunt. Pugnabatur à Cæsarianis ex ponte, ex mole: ab illis, ex area quæ erat aduersus pontem, & ex

## P. R A M I L I B E R

nauibus, contra molem . In his rebus occupato  
 Cæsare militēsque hortante, remigum magnus  
 numerus & classiariorum ex longis nauibus  
 Cæsarianis in molem se eiecit. Pars eorum, stu-  
 dio spectandi ferebatur, pars etiam cupiditate  
 pugnandi . Hi primū nauigia hostium lapidi-  
 bus ac fundis à mole repellebant : ac multum  
 proficere multitudine telorum videbantur : sed  
 postquam ultra eum locum à latere eorum aper-  
 to ausi sunt egredi ex nauibus Alexandrini pau-  
 ci, vt sine signis certisque ordinibus sineque ra-  
 tione prodierant, sic temerè in naues refugere  
 cœperunt. Quorum fugâ incitati Alexandrini,  
 plures ex nauibus egrediebantur, Cæsarianos-  
 que acrius perturbatos insequébantur. Simul qui  
 in nauibus longis remanserant, scalas rapere,  
 nauēsque à terra repellere properabant, ne ho-  
 stes nauibus potirentur. Quibus omnibus re-  
 bus perturbati milites Cæsariani, cohortium  
 trium quæ in ponte ac prima mole constiterant,  
 cū post se clamorem exaudirent, fugam  
 suorum viderent, magnam vim telorum aduer-  
 si sustinerent, veriti ne à tergo circunueniren-  
 tur, & discessu nauium, omnino reditu interclu-  
 derentur, munitionē in pontem institutam reli-  
 querunt & magno cursu incitati, ad naues,  
 contenderunt. Quorum pars, proximas nacta  
 naues, multitudine hominum atque onere de-  
 pressa est, pars resistens, & dubitans quid esset  
capien-


capiendum consilij, ab Alexandrinis interfecta est: nōnulli feliciore exitu expeditas ad anchoras naues consecuti, incolumes discesserunt. Pauci alleuati scutis & animo ad conādum nixi, ad proxima nauigia adnatarunt. Cæsar quoque ad potuit cohortādo suos, ad pontem & munitiones contendere, eodem in periculo versatus est: postquam vniuersos cedere animaduertit, in suū nauigium se recepit: quò multitudo hominum insecuta cū irrumperet, neque administrandi, neque repellendi à terra facultas daretur, fore quod accidit suspicatus, sese ex nauigio eiecit, & ad eas quæ longius cōstiterant naues, adnatauit. Hinc suis laborantibus subsidio scaphas mittens, nōnullos cōseruauit: nauigiū quidē eius multitudine militū depressum, vnā cum hominibus interijt. Hoc prælio desiderati sunt ex numero legionariorum militum circiter CCCC & paulò vltra eum numerū, classiarij & remiges. Alexandrini eo loco castellū magnis munitionibus multisque tormentis cōfirmarunt, atque egestis ex mari lapidibus, liberè sunt vsi postea ad emittenda nauigia. At legionibus detrimentum vt ad Gergouiam, vt ad Dyrrhachium, in bonum conuertit,

*Tum pudor incendit vires, & conscia virtus,*  
ut legionarij magis deterrendi & continendi à periculosissimis dimicationibus essent, quàm

sueuerunt, sacrisque omnibus prolatis, quorum religione precari offensos iratosque animos regum erant soliti, aduenienti Cæsari occurrerunt, seque ei dediderunt. Cæsar in fidem receptos consolatus, per hostium munitiones, in suam partem oppidi magna gratulatione suorum venit, qui non tantum bellum ipsum ac dimicationem, sed etiam talem aduentum eius felicem fuisse lætabantur. Hic pene triumphus Cæsari Alexandrinus fuit, sed victoriæ fructus longè maior illo qui deinceps ab Hircio proponitur. Cæsar Ægypto atque Alexandriâ potitus, reges constituit quos Ptolemæus pater testamento scripserat, atque obtestatus erat populum Romanum ne mutarentur. Nam maiore ex duobus pueris Rege amisso, minori tradidit regnum maiorique ex duabus filiis Cleopatram, quæ manserat in fide præsidijque eius, minorem Arsinoem, cuius nomine diu regnasse impotenter Ganymedem docuimus, deducere ex regno statuit ne qua rursus noua dissensio, priusquàm diuturnitate confirmarentur regum imperia, per homines seditiosos nasceretur. Legione veteranâ sextâ secum reductâ, cæteras ibi reliquit, quod firmitus esset eorum regnum, qui neque amorem suorum habere poterant, quod fideliter permanserant in Cæsaris amicitia, neque vetustatis auctoritatē, paucis diebus reges constituti. Simul

ad imperij Romani dignitatem, vtilitatemque  
publicam pertinere existimabat, si permanerēt  
in fide reges, pręsidijs eos Romanis esse tutos:  
& hos, si essent ingrati, posse iisdem pręsidijs  
coëcari.

FINIS.



## ERRATA SIC CORRIGITO.

Fol. 1. pag. 2. lin. 3. singula. 21. vt octauo. 3. 1. 26.  
 primipilus seu. 10. 1. 2. Panicũ. 10. iaciebant. 22. littore.  
 13. 1. 19. arcanum. 21. 2. 20. deligēdus. 31. 1. 11 itque.  
 32. 2. 28. addidit. 33. 1. 16. deleto. 35. 1. 15. tela. 36. 2.  
 8. vtrum. 38. 2. 14. Romanarum. 19. coorti. 41. 1. 13.  
 videbatur. Atque Africano bello equitatus. 2. 24.  
 discessu. 42. 1. 1. cognitã. 7. Labienum. 43. 1. 24.  
 regionibus. 45. 1. 7. insilirent. 58. 1. 6. quia ipsum in  
 Britanniam. 2. 14. cohortationem. 61. 1. 9. millium.  
 72. 1. 25. perennis. 2. 26. montes. 82. 1. 26. iniqui-  
 tatem. 83. 2. 6. maceriam. 85. 2. 3. faciant. Obside-  
 bant. 91. 1. 10. clementiæ. 92. 1. 13. consueuerant. 95.  
 1. 23. numero. 101. 2. 8. machinationes erant: at.  
 103. 1. 4. nunquam nostri.







